

განმათავისუფლებელი

დამოუკიდებელი ეროვნული გაზეთი 2017 წ. დეკემბერი* №55 * ფასი 1,50 ლარი
გამოდის 2003 წლის დეკემბრიდან

ს ა შ ა ნ თ ე კ ლ თ
მ ა ნ თ ლ მ ა დ ი დ ე ბ ლ უ ნ ი
ს ა ხ ე ლ მ წ ი ფ თ ა



შავნაბადას წმ. გიორგის ეკლესია, XX ს.

ვახუთი ვაჩიანი
მკობიერი ღმერთის

ვაჟა
ე.წ.
საბჭოელებს

წერილი ტკლემკდიას

გვ. 4, 9

შახტანგ (ლოთი) ჭოგაღიას გაუხდებისა და დაღაძის ოქმი

გვ. 6

ჯანსუღ ჩარკვიანი დაღანაშაულებულია შეკვეთილ მკვლელობაში



ლეილა ტიკანია

კომპარტიის ნომენკლატურული პოეტის ჯანსუღ ჩარკვიანის მთანმინდაზე დაკრძალვის გადანყვეტილებას, ბიძინა ივანიშვილისა და პატრიარქ ილია II-ის მიერ (რასაც დაეთანხმა მაყვალა გონაშვილის მწერალთა კავშირიც), ფართო საზოგადოების სამართლიანი უკმაყოფილება მოჰყვა. ცნობილია, რომ ჯანსუღ ჩარკვიანი, ბიძინა ივანიშვილის იმ ფავორიტ კულტურის მუშაკთა სიაში იყო, რომლებსაც ივანიშვილი, ყოველთიური ხელფასის სახით 5 000 ლარზე მეტს უხდიდა და გავრცელებული ცნობით, ჯ.

ჩარკვიანის, არცთუ ხანმოკლე ავადმყოფობის კლინიკური მკურნალობის სოლიდური ხარჯებიც, ბიძინა ივანიშვილმა გაიღო.

მიმაჩნია, რომ ჯანსუღის დაკრძალვის ადგილთან დაკავშირებით მეტი პასუხისმგებლობა და ობიექტურობა მართებდა გადანყვეტილების მიმღებ პატრიარქს, მწერალთა კავშირსა და პრემიერ-მინისტრსაც, რომელიც ბიძინა ივანიშვილის ნების უსიტყვო აღმსრულებელია. ხოლო, ოჯახის წევრებს, უნდა დაეძლიათ მთანმინდის პანთონის ცდუნება.

რაც შეეხება პროტესტს,

მე საგანგებოდ არ გავაგრძელებ ნინასნარი ინფორმაცია საპროტესტო პიკეტის შესახებ, რათა თავიდან ამეცილებინა დაპირისპირება და ხმაური იმ საკრალურ ადგილას და, როგორც ასეთი, გარდაცვლილის მიმართაც... და თუ ვინმემ დაარღვია ეს ეტიკეტი, დაარღვიეს სწორედ გარდაცვლილის ოჯახის წევრებმა და საბჭოური ხანის ე.წ. კულტურის მუშაკებმა. ჩვენ კი სხვა არჩევანი არ გავაჩინა და ჩვენს არჩევანშიც მაქსიმალურად შემოვიზღუდეთ - მხოლოდ ორნი, მე და თამარ ლომთაძე ავედით ეროვნულ-განმათავისუფლებ-

ლი მოძრაობისა და ღირსეული ქართველი ერის სახელით... (არ ვიხსენებ არცერთი მამაკაცი). ჯანსუღ ჩარკვიანის, რეზო ამაშუკელის, იზა ორჯონიკიძის, ჭაბუა ამირეჯიბის და მათ მსგავსთა, ცოფიანი დევნისა და დამხობის მონღოებებით, შევარდნაძის ხელისუფლება, ტყე-ტყე დასდევდა პრეზიდენტ ზვიად გამსახურდიას და საფლავშიც კი არ აყენებდა მას, რის გამოც სამეგრელოს მოსახლეობა იძულებული ხდებოდა დროდადრო შეეცვალათ პრეზიდენტის საფლავის ად-

დასაწყისი გვ. 1



გილსამყოფელი. პრივილეგიებულმა წითელმა ინტელიგენციამ და ხუნტის ხელისუფლებამ, არ დართო ნება ქართველ ერსა და ოჯახს, მონამეობრივად მოკვდინებული პირველი პრეზიდენტის საკუთარ კოლხურ კომპი დაკრძალვისა.

მიმდინარე წლის 9 ნოემბერს კი, ეს საბჭოთა პოეტი ჩარკვიანი დაკრძალეს ზვიადის, ქაქუცას და მუხრანის საფლავების წინ, რომელთა იდეურ მტერს წარმოადგენდა იგი მთელი თავისი მოღვაწეობის მანძილზე, რაზედაც მე და თამარ ლომთაძემ მხოლოდ მდუმარე პროტესტი გამოვხატეთ პლაკატებით ხელში: „ნუ გადააქცევთ მთაწმინდას ნომენკლატურული მწერლების საძვალედ!!!“ „მთაწმინდიდან გადასვენეთ კეკე, გრიბოედოვი და ჭაბუა!!!“

ჯანსუღ ჩარკვიანს, არც 2007 წელს მიუგია პატივი მთაწმინდაზე ასვენებულ ზვიადისთვის. თავი ჩარკვიანი კი ავრცელებს ტყუილებს ჯანსუღის არაქმული მონაწილის შესახებ და განა მარტო ამას? ... საბჭოური ტიპის ტელევიზია „იბერია ტვ“-ი (რომელიც ჩარკვიანების საოჯახო ტელევიზიაა), ჯანსუღის სახით ქმნის ყალბ პატრიოტს, ყალბ დისიდენტს, მითებს, რომ თითქოს ჯანსუღს, არც სნე-ემი შესვლაზე მოუხერია ხელი, არც ზვიადის მწერალთა კავშირიდან გარიცხვაზე, რომ ჯანსუღი ზვიადის თანამებრძოლი პატრიოტი, „დიდი პოეტი და მამულიშვილი“ იყო და ა.შ. ამ ტყუილის კორიანტელს თავი ჩარკვიანმა დაამატა, რომ თითქოს „სახალხო პოეტი“ ჯანსუღი მთაწმინდაზე ასვენდა ლამის ნახევარმა საქართველომ, მაშინ როცა იქ 100 კაცამდეც თუ იქნებოდნენ და მათგან, თითქმის ნახევარი, უსაფრთხოების სამსახურისა და პოლიციის თანამშრომლები იყვნენ...

ხმაური და აჟიოტაჟი კი, ჩვენს სამართლიან და ტაქტიან პროტესტზე მთაწმინდის პანთეონში, თავად შექმნეს პატივმოყვარე წითელმა ინტელიგენციამ და გარდაცვლილის ოჯახის პატივმოყვარე ნევრებმა. ხოლო ჩვენ კი მოთმინებით აღვიჭურვეთ, მიუხედავად, მათი მხრიდან სიტყვიერი, ფიზიკური შეურაცხყოფების ნიაღვრისა და ფურთხისაც კი!



ახალშესვენებული "სახალხო პოეტი", 1993 წელს შევარდნაძის პარლამენტში მოითხოვდა ეროვნული მოძრაობის თვალსაჩინო წარმომადგენლის, ცნობილი ქართველი პოეტის ქალბატონ თინათინ მღვდლიაშვილის დაპატიმრებას, რომე-

ლიც იმთავითვე წინ აღუდგა სახელმწიფო გადატრიალებას და პუტჩისტებს! ბატონი ჯანსუღის შეკვეთილი მკვლელობის მსხვერპლია პოეტ მთვარისა კერესელიძის მეუღლე (ასევე პოეტი), 52 წლის ბერდია ბერიაშვილი - გაზეთ „ცისარტყელას“ მთავარი რედაქტორი, რომელსაც, 1992 წლის 17 იანვარს, ნაშუაღამევს, სახლში შეუვარდნენ დაქირავებული მკვლელები და ავტომატით დაჭრეს სასიკვდილოდ. ხოლო დაჭრილს, რომელსაც მეზობლებმა უპატრონეს, მიუვარდნენ საავადმყოფოში, მაგრამ ექთნებმა გადამალეს. შემდეგ კი დაარბიეს მისი რედაქცია, ხოლო სტამბაში გაანადგურეს გამოსაცემად გამზადებული 16-გვერდიანი გაზეთი, რომელშიც იბეჭდებოდა ჯანსუღის მოღვაწეობის მამულიშვილი ვრცელი წერილის მესამე(დასასრული) ნაწილი. მოკლული პოეტის ცოლ-შვილი დაითხოვეს სამსახურებიდან, ხოლო ერთერთი იურისტ შვილი, რომელმაც დაიწყო მამამისის მკვლელობის გამოძიება, ჯერ ფული შესთავაზეს და უარის პასუხად, იგივე დაქირავებულმა მკვლელებმა რამდენჯერმე სცადეს მისი მოკვლა, დაჭრილი (საბედნიეროდ) გადაარჩა.

ბერიაშვილის პოეტმა მეუღლემ, ქალბატონმა მთვარისა კერესელიძემ, დაქირავებული მკვლელების მივ ზავნაში, ჯანსუღ ჩარკვიანი ამხილა. ჯანსუღ ჩარკვიანისა და მისი მსგავსი პოეტების მხარდაჭერით, სამეგრელოს 6-ჯერ შესული ხუნტა, მშობლებისა და ქმრების თვალწინ აუპატრონებდა გოგონებს, ცოლებს (მათ შორის, ფემბიძემეს), ზერეტდა ახალგაზრდებს, ხოლო დახვრეტილებს არ აძლევდა ოჯახებს და დაუსაფლავებელი გვამებით ყარდა ქუჩები... უახლესი ისტორია, წითელი ინტელიგენციის მტრობისა და ლალატის ისტორიაა ახალგაზრდადგმული დამოუკიდებელი საქართველოსა და ქართველი ერის წინააღმდეგ.



სააგენტო „ნუს. გემ“ გამოაქვეყნა თავი ჩარკვიანის წერილი, რომელშიც იგი სრულიად უაპელაციოდ, მე რუსეთის აგენტობაში მდებარა: „...დაიხსნორედ ქნ ლეილა ცომაია და კიდევ რამდენიმე ვითომ გამსახურდას მომხრე“ ე.წ. კარვის ქალი“ ფინანსდებოდა რუსეთის უშიშროებიდან და ახლაც იგივე კაცი აგრძელებს, მათ დაფინანსებას“ წერს გაავებით. რუსეთის აგენტობაზე თავის მართლებას ნამდვილად



არ მოყვებო, მაგრამ იმის ინტერესი კი ნამდვილად მკლავს, ვინ არის ის ჩემი „დაფინანსებული“, რომლის ერთ რუბლსაც, ჯერაც არ მოუღწევია ჩემამდე. მთაწმინდის პანთეონის ხმაურიანი პროტესტის ფონზე, ქართველ ერს უთუოდ

დაინტერესებს, თუ რა პოზიციაზე იყვნენ პრეზიდენტ ზვიად გამსახურდიას შვილები. ამ ლოგიკურ კითხვაში გასარკვევად, ჩემი კომენტარის გარეშე გთავაზობთ ცოტენ გამსახურდიას ფეის-ბუქს:

ცოტენ გამსახურდიას 2017 წლის 6 ნოემბერი, 12:49-ზე - ახლახანს ჯანსუღ ჩარკვიანი გარდაიცვალა 86 წლის ასაკში. კეთილშობილი, მხნე მოხუცი, კარგი ოჯახის ფუძემდებელი, სვანი ვაჟკაცი, რომელსაც უყვარდა სამშობლო და მისი სიყვარულში დახარჯვაც შექცდილი და შეცდომების აღიარებაც.

რამდენიმე დღეა მე და ჩემი მეგობარი Rati ერთი, დაახლოებით ამავე ასაკის მოხუცის დახმარებას ვაპირებთ საკვებითა და თბილი ტანსაცმლით, რომელსაც არავინ ჰყავს ამქვეყნად. ოჯახი ჯერ 40-იან წლებში დაუხვრეტეს კომუნისტებმა და მთელი ცხოვრება მარტო გაატარა. ბინა დაკარგა და ახლა ნანგრევებში ცხოვრობს, შეხიზნული.

დაე, ეს დახმარება ჯანსუღის სულს შეენიოს, უკეთესი ვერაფერი მოვიფიქრეთ..

ხოლო (როგორც მაცნობეს), კოკო გამსახურდიას მისალმებია თავი ჩარკვიანის ჩემზე თავდასხმას საკუთარ ფეისბუქის გვერდზე ამგვარი შეძახილით: „ბრაგო, თავიო!“ მაგრამ, ვინაიდან ეროვნულმა ძალებმა შეარცხვენეს იგი ამგვარი საქციელის გამო, მალევე წაშლია თავისი შეძახილი. თავი ჩარკვიანის თქმით, კოკომ და ცოტენ გამსახურდიამ, სახლში მისვლით მიუხამდომრეს მას დიდი მამის გარდაცვალება. რაც შეეხება მანანა არჩვაძეს, მან დემოკრატიული საქართველო „მრგვალ მაგიდელებთან და ეროვნულ მთავრობასთან“ ერთად. არავითარი პროტესტი! არავითარი უკმაყოფილება!

ვიდრე ჯანსუღის სამგლოვიარო პროცესია დაიწყებოდა, მთაწმინდაზე ელდარ შენგელაია მედიდურად მიუახლოვდა ზვიადის საფლავს და მედიდურად დააცქერდა, რაზეც მე დაბალი ხმით შევნიშნე მას: „პრეზიდენტის დევენსა და ნამებით მოკვდინებაში თქვენი დიდი წვლილიც არის“-მეთქი, რის შემდეგაც იგი სასწრაფოდ გაეცალა საფლავს. 1998 წელს ვახტანგ რაზმაძემ დაბეჭდა წერილი (გაზ. „ახალი საქართველო“, 19-25 მარტი, გვ.15) ელდარ შენგელაიაზე, სადაც იგონებს:

„ე. შენგელაიამ მითხრა: „ვახტანგ, ძალიან პატივს გცემ. არ ხარ ცუდი ადამიანი და გთხოვ. ნუ ემსახურები გამსახურდიას. დაიმახსოვრე ჩემი სიტყვები, მაგი დალუპავს საქართველოსი“.

ჯანსუღ ჩარკვიანის გათხროლი საფლავის კურთხევის უფლება, მდაბალი თხოვნით, არ მივეცი საამისოდ მომზადებულ მღვდლებს...

ჯანსუღ ჩარკვიანი: „მე მაქვს იმის უფლება, რომ არ მომხონდეს ზვიად გამსახურდიას საქართველო.“

(ჯ.ჩარკვიანი, „განათლება“, 25.IX.91 წ.). ჯანსუღის „გენიალური პოეტური შედეგია“, აგრეთვე, სიძულვილით შერიო-მული: „ზვიადი - ნყვდიადი“...

ჯანსუღ ჩარკვიანის პირუთენელი თვითშეფასებაა საკუთარ ლექსში: „მავთულზე ვდგავარ, როგორც ჯამბაზი და მეძინია ძირს ჩამოვარდნის“... ეს შიში, მას უთუოდ, სიკვდილის ბოლო ნუთამდე გაჰყვა და სიკვდილში მაინც ჩამოვარდა; ჩარკვიანის მთაწმინდიდან გადმოსვენება, მხოლოდ დროის საკითხია...

გვ. 14-15-16-ზე იხილეთ მოკლულ პოეტ ბერდია ბერიაშვილის დაუსრულებელი სტატია გაზეთ „ცისარტყელადან“ ჯანსუღ ჩარკვიანზე... ქვემოთ კი ვბეჭდავთ ინტერნეტში გამოქვეყნებულ ახალგაზრდა პუბლიცისტის სტატიას ჩარკვიანებზე.

ივლისი 26, 2017 „ჩვენ სიყვარულით დიდ თვალებში ვუყურებთ ლენინს“

„იმედის“ თერში ინგა გრიგოლიასა და შალვა რამიშვილის გადაცემა. სტუმრად მინვეულმა ბატონმა ჯანსუღმა შალვა რამიშვილის პროოგნაციულ შეკითხვაზე _ლე-ნინ-სტალინიზე ლექსები არ დაგინერათო? _ ისეთი ტყუილი დაახეთქა წარბშეუხრელად, რომ სირცხვილისგან მის მაგივრად ყურები მე ამენვა: „ლენინზე არა, მაგრამ სტალინი ერთი-ორგან მყავს ნახსენებიო“, _ განაცხადა ლენინური კომკავშირის

პრემიის ლაურეატმა(საკვირველია, რომ ვიკიპედიაში არაფერი წერია ბატონი ჯანსუღის ლენინური კომკავშირის პრემიით დაჯილდოებაზე).

(ვალკე თემაა ბატონი ჯანსუღის მართლაც პირმშენიერი ასული, ქალბატონი თამარი, თავიდან წოდებული, რომლის ხელოვნურად განაბული თვალებიდან დაყენებულმა „არისტოკრატიულმა მზერამ“ ლამის ნახევარ საქართველოს ნევროზი დამართა. როგორც კი ეს ქალბატონი პირს გააღებს და მორალის კითხვას დაიწყებს, მისი ვიზუალური სილამაზე უკვალოდ ქრება. იყო პერიოდი, ლამის ყოველდღე იჯდა სხვადასხვა ტელევიზიის პირდაპირ ეთერში და ნებისმიერ თემაზე ისე „პროფესიონალურად“ ლაპარაკობდა, რომ, ერთი ძველი ანექდოტისა არ იყოს, იფიქრებდით, ამ ქალბატონს „საყვედფრო“ აქვს დამთავრებული. განსაკუთრებით დამამახსოვრდა ქალბატონ თავის ერთი იფითი-ანი ფრაზა: „ო, რა დიდი განსხვავებაა ჩურკინთან მოპაექრე ალასანიასა და პუტინის გვერდით მჯდომ ნინო ბურჯანაძეს შორის“.

და კიდევ _ ყველა ეთერში ქალბატონ თავის წარადგენდნენ, როგორც პუბლიცისტს და ახლა ვსვამ კითხვას: ვინმეს ნაკითხული გაქვთ თავი ჩარკვიანის „პუბლიცისტიკა“?

საზოგადოდ, როგორც წესი, შვილი განაგრძობს ხოლმე მამის გზას, მაგრამ ჩარკვიანების შემთხვევაში, როგორც ჩანს, პირიქითაა _ შვილმა გადაიყვანა მამა ლიბერალურ რეალზე, რომელზეც საბჭოთა-შიაზრდით, ლენინური კომკავშირის პრემიის ლაურეატსა და საქართველოს „სახალხო პოეტს“ არასოდეს უცნობია, რადგან, როგორც ე.წ. ელიტური შემოქმედებითი ინტელიგენციის წევრი, მუდამსარგებლობდა საბჭოთა პერიოდში არსებული პრივილეგიებით, შავი „ვოლგა“ იქნებოდა ეს, ბინები თუსპეცმაზიზები, სახელმწიფო ავარაკები მათში თუ ზღვაზე, სპეცსაავადმყოფოები და ა.შ.

ბატონი ჯანსუღი მომენტს არ გაუშვებს, არ დაიტრიალებს, რომ ჭაბუა ამირჯიანის „დათა თუთაშია“, ზემოდან ნაქციის გარეშე, ლამის საკუთარი სიცოცხლის რისკის ფასად დაბეჭდა ჟურნალ „ცისკარში“, ეს ისეთივე სიმართლაა, როგორც ლენინზე ლექსების იგავი. 1970-იანი წლების დასაწყისში ასეთ თვითნებობას არავის აპატივდა საბჭოთა ხელისუფლება. და მეორეც _ საბჭოთა ხელისუფლებისადმი დაუმორჩილებელ და სახელმწიფო უშიშროების კომიტეტისადმი არაოლიალურ „სახალხო პოეტს“ ხალხი მეტსახელად ჯანსუღს (ახალგაზრდებისათვის განვმარტავ: სუკი აპრეციატურაა და ასე იმიერება _ სახელმწიფო უშიშროების კომიტეტი) რატომ შეარქმევდა?

ბატონი ჯანსუღი, აგრეთვე, ხშირად ყველყელაობს იმით, რომ ერთადერთი იყო, ვინც ხმა არ მისცა მწერალთა კავშირიდან ზვიად გამსახურდიას გარიცხვას, იმას კი „ვერ იხსენებს“, რომ „ლომთახვედრის“ ავტორმა, შევარდნაძის სხვა „შემოქმედებით ინტელიგენტებთან“ ერთად, ლომის წილიდაიდო ზვიად გამსახურდიას „საქართველოდან გარიცხვაში“... მკითხველი შენიშნავდა, რომ ბატონი ჯანსუღისადმი მიმართვისას სახალხო პოეტი ყველგან ბრჭყალებშია ჩასმული და ეს არა იმიტომ, რომ დიდ პოეტად თუ არა, საერთოდ, პოეტად არ მიიჩნევს საზოგადოება. არა, ბატონებო! ჯანსუღ ჩარკვიანი დიდი პოეტი არ არის, მაგრამ რამდენიმე კარგი ლექსი მართლაც დანერა!

ამას წინათ ცუკას ყოფილმა მაღალჩინოსანმა მიამბო: როდესაც ედუარდ შევარდნაძე „ლენკომბინატში“ სასიკვდილო სარეცელზე მწოლიარე ნოდარ დუმბაძის სანახავად მისულა, დამშვიდობებისას ბატონ ნოდარს, იმჟამად მწერალთა კავშირის თავმჯდომარეს, შევარდნაძისთვის უთხოვია, გნებავთ, ანდერძად დაუგდია - მწერალთა კავშირის თავმჯდომარედ ჯანსუღ ჩარკვიანი არ დანიშნო. ეს ამბავი, თვითონ შევარდნაძემ მიამბო, ირწმუნება ცუკას ყოფილი მაღალჩინოსანი, რომლის ვინაობასაც მისი თანხმობის გარეშე, ცხადია, არ გავაზხელ.

ღაწით მხიბა <http://geworld.ge/ge/> (სტატიის შემოკლებული ვარიანტი-ლ.ც.)

ტერორისტული აქტის მსვლელობა საქართველოში რაინი მხარეების მხრიდან?



მიმდინარე წლის 22 ნოემბერს დედაქალაქ თბილისის ერთ-ერთ ცენტრალურ ქუჩაზე (ბერი გაბრიელ სალოსის, ისნის რაიონი) მდებარე კორპუსში, რამდენიმე თვის განმავლობაში ბინადრობდნენ ჩეჩენი „საერთაშორისო ტერორისტად“ მიჩნეული აჰმედ ჩატაევის რაზმის ჩეჩენი თანამებრძოლები, რომლებიც (მეზობელი მოზინდარეების თქმით, სავარაუდოდ) საბრძოლო არსენალს ეზიდებოდნენ ზემოხსენებულ მისამართზე ნაქირავებ ბინაში. შსს სამინისტროს შესაბამის განყოფილებაში შესული შეტყობინების საფუძველზე, საეჭვო პირების მიმართ დაწესებული კონტროლი და 22 ნოემბერს, გვიან ღამით დაიწყო „ტერორისტების“ დაკავების სპეცოპერაცია, რამაც 22 საათი გასტანა.

„ტერორისტებმა“, საგანგებოდ განვრთნილ და სპეცტექნიკით შეიარაღებულ საქართველოს შსს რაზმს ცეცხლი გაუხსნეს და ორმხრივი ბრძოლები, მათ შორის ხელყუმბარებით, რამდენიმე საათი მიმდინარეობდა. დაზიანდა და საცხოვრებლად უვარგისი გახდა კორპუსის რამდენიმე

სართული. ბრძოლის სამიზნე კორპუსიდან ევაკუირებული იყო მოსახლეობა. სამთავრობო სპეცრაზმელებმა 3 ტერორისტის ლიკვიდირება შეძლეს, მათ შორის ერთმა, აჰმედ ჩატაევიმ(რომელსაც ცალი ხელი და ცალი ფეხი ბრძოლებში ნახვევად მოკვეთილი ჰქონდა), ოფიციალური ინფორმაციით, ნაქირავებ ბინაში „შაჰიდის ქამრით“ აიფეთქა თავი. არ არის გამორიცხული, რომ აღნიშნული ინფორმაცია ხელისუფლების ინტერესებში შემაჯავლი ცრუ ინფორმაცია იყოს, ვინაიდან ახალგაზრდა აჰმედ ჩატაევს (იგი 1980 წელს, ჩეჩნეთის სოფელ ვედენოში იყო დაბადებული) თბილისის ციხეში მოუწვევდა, თუნდაც სამუდამო პატიმრობა სიცოცხლის უზრუნველყოფით. ყმანვილკაცობიდან დევნისა და ბრძოლის ტრაგიკული ყოფის მიუხედავად, რაც არეკლილი იყო მის ბრალად, ნადრევედ დაკაცებულ და დაბრუნებულ მზერაში, მაინც ნაკლებსავარაუდოა, რომ ჩატაევი ასეთ სასონარკვეთილებამდე მისულიყო. იგი, ავსტრიის მართლმსაჯულების მიერ, 2003 წელს, პოლიტიკური ნიშნით დევნილი პირის სტატუსითაც იყო აღჭურვილი... 22 ნოემბრის კონტრტერორისტული ოპერაციის დროს დაიღუპა ერთი ქართველი სპეცრაზმელი, 41 წლის ივანე გოლოშვილი. „ტერორისტები“ ჩატაევი და გუმაშვილი(ამ უკანასკნელმა გაქცევა მოახსრო) პანკისის ხეობის მაცხოვრებლები არიან. არაოფიციალურად გავრცელებული

ხმების თანახმად, ჩატაევი და გუმაშვილი თავად საქართველოს ხელისუფლების სახელმწიფო უსაფრთხოების სამსახურის მიერ (უფროსი ვახტანგ გომელაური)იქნენ შემოტყუებულნი და ტერორისტები მათივე სპეცმანქანით შემოვიდნენ სარფის საბაჟოდან. 22 ნოემბრის ტერორისტების ლიკვიდაციის სპეცოპერაცია, ბევრ საეჭვო კითხვებს ბადებს. კერძოდ: როგორც ოფიციალურად აცხადებენ, მათზე რამდენიმე კვირა მიმდინარეობდა თვალთვალი და თუ დარწმუნდნენ, რომ ნამდვილად ტერორისტები იყვნენ, სახლიდან გამოსვლისას რატომ არ მოხდა მათი დაპატიმრების გეგმის შემუშავება (თუნდაც სახლში ან ქუჩაში...)? რატომ დაგვემეს საბრძოლო მოქმედებები მძიმე ტექნიკით? ვის წინაშე მოინონეს თავი ასე ხმაურიანად და რატომ მოახდინეს ტერორისტების ლიკვიდაცია და არა, აყვანა? ... რა მიზანს ემსახურებოდა სამიზნე კორპუსის დანარჩენ მაცხოვრებელთა შოკში ჩაგდება?... 22 ნოემბრის ბნელით მოცული სპეცოპერაცია ლოპოტას ხეობის სააკაშვილისეულ სპეცოპერაციას ჰგავდა, სადაც აგრეთვე შესწირეს ერთი ქართველი ექიმი... ლოპოტას სპეცოპერაციასთან დაკავშირებით დღემდე არსებობს პასუხგაუცემელი კითხვები და „ტერორისტების“ საიდუმლოდ დაკრძალვასთან დაკავშირებითაც... **ქატიკა ჭანტუაია**

ანტიტერორისტული ოპერაციის რატონსაქართველოში...

ის რაც, ანტიტერორისტული ოპერაციის მიმდინარეობის დღეებში, ზოგიერთ ქართველს დაემართა, განათლების სამინისტროს 27 წლიანი მოღვაწეობის შედეგია. „საქართველოს ისტორია“ კომუნისტური ეპოქის ტრადიციების გაგრძელებით მეთაუხარისხოვან საგნად დარჩა და სწორედ ამის გამოა, რომ ქართველი მტერ-მოყვარეს ვეღარ არჩევს. ხოდა, ვინც განათლების სამინისტრომ განირა, იმით შევახსენებ. ქისტები, ანუ ჩეჩნები და ინგუშები, როგორც გენეტიკურად ისე ენობრივი და სახელმწიფოებრივი თვალსაზრისით საქართველოს სისხლი და ხორცია. ჯერ კიდევ „ქართლის ცხოვრება“ შეგვახსენებს, რომ ქართველთა მოდგმის ნათესავ კავკასიანთაგან ქისტების წინაპარი დურძუკი იყო რჩეულია შორის რჩეული. დურძუკი იყო ფარნავაზის მეუღლე, პირველი დედადედოფალი საქართველოსი. ამ ერთობის გამო, ჩვენწელთაღივცხვამდე მესამე საუკუნეში, საქართველოს მთაში სვანეთიდან დიდოეთამდე, ქართულ სამეფო კარს ჩამოუსახლება ჩეჩენი სისხლი და ხორცი ქისტების წი-

ნაპრები. ამ დროიდან მოყოლებული, რაც საქართველო არსებობს, სადაც ქართველს საქართველოსთვის სისხლი უღვირია, იქ ქისტის სისხლიც დაღვრილა საქართველოსთვის. სავსეა ჩეჩენ-ინგუშეთის მიწა ქართული ცივილიზაციის და ქართული კულტურის კვალით, რადგან თავისუფალი ძმადნაფიცობის წესით ქართული სახელმწიფოს ნაწილს წარმოადგენდნენ ეს ხეობები. ასეთივე კვალი ამწნევია დურძუკთა მოდგმისაგან საქართველოს მთას, რადგან 2300 წელია, როგორც ღვიძლი შვილები ისე მიიღო საქართველოს მთამ დურძუკები. ეს ჩანს ტოპონიმიკაში, ადათ- წესებში და გენეტიკაში. 2300 წელია არსებობს ერთიანი ქართული სახელმწიფო და 2300 წელია მას ქისტების მოღვაწის გარეშე არ უარსებია. ისინი ყოველთვის ჩვენთან იყვნენ!!! როდესაც მე-19 საუკუნეში, ქართველების დაჟინებით და ხელშეწყობით, ქისტები პანკისის ხეობაში ჩამოსახლდნენ, ისინი ქართველების მიწაზე კი არ მოვიდნენ, არამედ თავის მშობლიურ მიწაზე დასახლდნენ. პანკისის ხეობა მტრის შემოსევებისა და აოხრების გამო დაცლი-

ლი იყო და კახთა ძველ ნასოფლარებზე, მეთვრამეტე-მეცხრამეტე საუკუნეებში, ჩამოსახლდნენ ფშაველები, თუშები, ხევსურები, ქისტები, ოსები და ძველებურად აახმაურეს ხეობა. მთიელები საკუთარი სამშობლოს ბარში ჩამოსახლდნენ, ისინი არ მოსულან არსიდან. ეს მათი მიწაა და ასე იქნება ყოველთვის!!! ქართული სახელმწიფოს სამსახურში რჩეული იყო დურძუკი და ასეთად დარჩება ყოველთვის, სანამ საქართველოს არსებობა უნერია!!! საქართველოს ნებისმიერ კუთხეში თუ ხეობაში, ერთგულებთან ერთად, ყოველთვის იბადებოდნენ მოღალატეები და სახელმწიფოსთან დაპირისპირებული ადამიანები, მაგრამ მათი დანაშაული ვერასდროს მიაყენებს ჩრდილს იმ კუთხისა თუ ხეობის შვილებს. ამიტომ ვინც დღეს ქისტებისა და პანკისელების შესახებ რაიმე აუგს, წერს სწორედ ის არის, თავისი უვიცობით და უგუნურობით, ქართული სახელმწიფოსა და ქართველობის მტერი!!! **ნუკი მჭაღლიშვილი**

მასშტაბური სანქარი ბათუმის სუთარსკლავიან სასტუმროში

22 ნოემბრის ტერორისტების ლიკვიდაციის შოკიდან, ჯერაც გამოუსვლელი საქართველოს მოსახლეობა, ახალმა თავზარდამცემმა შემთხვევამ შეძრა; 24 ნოემბერს, ბათუმში ხანძარი გაჩნდა ახალაშენებულ ხუთვარსკლავიან სასტუმრო „ლეო-გრანდში“. ცეცხლი სწრაფად მოედო სართულებს და ძლიერი დაკვამლიანობის წარმოქმნის გამო ხილვადობაც დაეცა. პანიკაში ჩავარდნილი ხალხი გზას ვეღარ იკვლევდა.

სასტუმროში ხანძარსაწინააღმდეგო სისტემისა და სახანძრო გასასვლელების (კიბეების) არქონამ 11 ახალგაზრდა მამაკაცის სიცოცხლე შეინირა, რომელთა შორის 10 ქართველი და ერთი არაბია(იხ. დალუპულთა ფოტოები). 40 მილიონი დოლარით აშენებულ სასტუმროში, ვერ გაიმეტეს (მეპატრონე აზერბაიჯანელი ბიზნესმენი), თუნდაც 300 00 დოლარი, რომ შესაბამისი სახანძ-

რო ტექნიკითაც აღჭურვათ იგი. სასტუმროს მეპატრონე გარდაცვლილთა ოჯახებს ფულად კონპენსაციას დაპირდა. ანალოგიური შემთხვევა მოხდა ქობულეთში 2015 წელს სასტუმროში, სადაც დაიღუპა 3 ბავშვი. როგორც ყურნალისტური გამოძიების შედეგად დადგინდა, აჭარის სასტუმროები არ არის ხანძარსაწინააღმდეგო სისტემით აღჭურვილი და არ არის დამსვენებელთათვის უსაფრთხო! (რედ).



ღია წერილი ტელეკედიას



ძალიან ხშირად გაიგონებთ, რომ ვცხოვრობთ პიროვნებათა კრიზისის ეპოქაში. ისე, კაცმა რომ თქვას, რისი დეფიციტი არაა საქართველოში (სიყვარულის, ერთგულების, სიმშვიდის, კომპეტენციის, სანდოობის...), მაგრამ ყველაზე დიდი პრობლემა მაინც ჩვენს მენტალობაშია. თანამედროვე ქართული სახელმწიფოს პრიორიტეტი, ერთ-ერთი უპირველესი მიზანი სამოქალაქო საზოგადოების ჩამოყალიბება და განვითარება უნდა იყოს, თორემ ძალიან დიდი დრო დასჭირდება ევროპულ ქვეყნად შედგომას. შესაძლოა, ბევრს ამისი იმედი გადანურულიც ჰქონდეს, ზოგი ირონიითა და ნიჰილიზმით უყურებდეს ასეთ პერსპექტივას, მაგრამ ჩვენ სხვა გზა, სხვა ხსნა, სხვა არჩევანი არა გვაქვს. უკანასკნელ ათწლეულებში განვითარებულმა მოვლენებმა მთლიანად დაანგრია ეროვნულ-სახელმწიფოებრივი ცნობიერება ქართველი ადამიანისა და, შესაბამისად, მიზანმიმართულმა ეროვნულმა ნიჰილიზმმა შვა არაქართული ფენომენი, -ინდიფერენტული და ეგოცენტრული.

სამოქალაქო საზოგადოების ჩამოყალიბება გულისხმობს სისტემურ, მრავალმხრივ და ინტენსიურ კვლევას არსებული სოციო-კულტურული სივრცისას და ნაციონალურ კულტურულ პარადიგმებზე დაფუძნებული ეროვნულ-სახელმწიფოებრივი ცნობიერების გამოუმუშავებას, რათა სამოქალაქო აქტივობა უცნაურად, უადგილოდ და სასაცილოდ არ აღიქმებოდეს საზოგადოების სწორად გაბატონებულ ნაწილში, უკვე თავისი ე.წ. ცნობადი სახეები რომ ჰყავს და მათ აზროვნების წესს (სინამდვილეში უნესრიგობას) გვახვევს თავს.

მე-20 საუკუნის 80-იანი წლების მეორე ნახევრიდან დაწყებულმა მენტალობის საყოველთაო ცვალებადობამ, რომელმაც მოიტანა ღირებულებათა ტოტალური გადაფასება, შეგვიყვანა უსულო და უღმერთო ცივილიზაციის დომინირების ვაზაში. დადგა კულტურის აღსასრული. მე-19 საუკუნის „სულითა ობლობა“ (ნ. ბარათაშვილი) მე-20 საუკუნეში შეცვალა სულის სიცარიელემ: „სულიდაცარიელ-დადაელებტრონისნაკადითარშეიძლება-მისიამოვსება“ - წერდა გერონტი ქიქოძე 1928 წ. ამავე ეპოქაში გაისმა მიხეილ ჯავახიშვილის სულისშემძვრელი ხმა: „ჩვენს ეპოქას სული არა აქვს და, თუ აქვს, მძულვარებაა მისი სახელი“, ამ სიძულვილმა კი 21-ე საუკუნეში ტრაგიკულად დაანგრია ქართული სული!

ტრადიციულად, საქართველოში სამი რამ ყველამ იცის: ფეხბურთი, ლიტერატურა და პოლიტიკა. ახლა ამას დაემატა ჟურნალისტიკა. ვისაც არ ეზარება, მიკროფონი უჭირავს ხელში - მერე რა, მსახიობია, ინჟინერი, ბანკირი თუ გეოლოგი?! მთავარია, პროდიუსერმა გაგზავნოს რეპორტაჟის მოსამზადებლად და რამეს მოახერხებს! ჰოდა, იქნება და ვრცელდება ასეთი კურიოზები: 2010 წელს ერთ-ერთ ცნობილ საგამოფენო დარბაზში მე-20 სა-

უკუნის ქართველი მხატვრების გამოფენა იმართება (ლადო გუდიაშვილი, ელენე ახვლედიანი, ავთო ვარაზი და ა.შ.). რეკავს ცნობილი ჟურნალისტი და სთხოვს ორგანიზატორს, „რომელიმე მათგანი დამახვედრე, თუ შეგიძლია, თუნდაც ელენე ახვლედიანი!“...

მიუხედავად ამისა, დიდი ხანია, საქართველოში ე.წ. მეოთხე ხელისუფლება გაბატონებულ კლასად იქცა, უმჯობესია ითქვას, - კასტად! ამ დაქცეულ ქვეყანაში, სადაც არაფერი ფუნქციონირებს, სადაც უმრავლესობა უმუშევარია (და მაინც ვერ ვიცით ერთმანეთისთვის!), აღარ ვიცით, დრო როგორ მოვკლათ, რა ვაკეთოთ, როგორ გავხალისდეთ, ძირითად გამართობთაშეშავსაქვე სამშალებად ტელევიზორი რჩება (ტინეიჯერებში მას ენაცვლება კომპიუტერი - ვირტუალური სამყარო).

მე-20 საუკუნის მიწურულს, სამოქალაქო ომის შემდეგ, ისეთი დაუძლეველი ენერგო-კრიზისი იდგა საქართველოში, ტელევიზორი კი არა, ჩაის ასადულებელი მჭურჭავი სინათლეც კი არ იყო ქვეყანაში, თუმცა სხვა ათასგვარი საშალებით (ვიცაც შეეძლო გენერატორებით, მანქანის აკუმულატორებით, საავადმყოფოდან გადმოყვანილი ხაზით...) უბანში, სადაც ერთ ოჯახში შეიკრიბებოდა არგენტიულ ან ბრაზილიურ სერიალთა მაყურებელი, ყოფისაგან განამებული ხალხი და ტკებოდა სხვისი ცხოვრების ცქერით, კომფორტით, ღამიანი სასახლეებითა და ავეჯით, გაუგებარი სიყვარულითა და ოჯახური ურთიერთობებით. ტელევიზია მაშინაც და ახლაც, ძირითადად, საინფორმაციო გამოშვებებითა და სერი-ალებით კვებავდა საზოგადოებას. შავმა ყუთმა (თუმცა, დიდი ხანია სხვა შეფერილობაც მიიღო) - ტელევიზორმა (ზოგი ემშაკის მინქანას რომ ებახის) დაიპყრო ქართველი საზოგადოება (არამხოლოდ ქართველი), მიაჯაჭვა ცისფერ ეკრანს, წაართვა ფიქრის, საკუთარ თავთან დარჩენის საშალება, დაუკარგა ესთეტიკა, შეაჩვია უხამს ოუმორს, უგემოვნო მუსიკას. დაიწყო ადამიანთა ზომბირების ვააზრებული პროცესი თავისი დამანგრეველი შედეგებით. დიდი ხანია, საზოგადოების მცირე ნაწილი სერიოზულადაა შეძრული და აღარ უჩნდება სურვილი, რომ ტელევიზორი ჩართოს, ქართულ არხებს უყუროს. რატომ?

თანამედროვე ქართველი საზოგადოება, ფაქტობრივად, ჩამოყალიბდა მასობრივი კომუნიკაციის საშალებათა ნიაღში. ეს კარგად იცით ტელევიზიების მფლობელებმა და ცდილობთ, მართოთ საზოგადოებრივი აზრი. უფრო მეტიც, თქვენი ფარული სურვილია, საზოგადოება აქციოთ მასად, რომელსაც აღარ ექნება ინდივიდუალობის, ორგანიზების, დამოუკიდებლობის, ერთიანობისა და საკუთარი აზრის მკვეთრი ნიშნები. დიდი ხანია, რაც კომერციალიზაციისა და კონცენტრაციის სწრაფმა პროცესმა, სახელმწიფო კონტროლის გაუქმებამ მასმედია უზარმაზარი შემოსავლების წყაროდ აქცია. შესაბამისად, მედიაგანტაბებისათვის ინფორმაცია იქცა ჩვეულებრივ საბაზრო საქონლად, ტელევიზიის მართვა კი - ბიზნესად. ჩვენ, მაყურებლები, ანუ აუდიტორია, გავხდით ბაზარი. წესით, მთავარი მიზანი უნდა ყოფილიყო აუდიტორია-საზოგადოება და არა აუდიტორია-ბაზარი! აქედან გამომდინარე, პროცესები, რომლებიც ჩვენ ირგვლივ ამ კუთხით მიმდინარეობს, შემამოთებელია. ქართველი აუდიტორიის ცნობიერება მთლიანადაა დამოკიდებული ტელევიზიით გავრცელებული და ინტერპრეტირებული ინფორმაციის შინაარსზე. ჟურნალისტიკის დანიშნულება „ეთვალთვალოს და უყარა-ულოს“, სახელისუფლებო სტრუქტურებს,

გულისხმობს იმასაც, რომ ჩასაფრებულის პოზიციიდან კი არ იღრინებოდეს, დეზინფორმაციასა და დეზორიენტაციას კი არ ენეოდეს, არამედ სახელმწიფოებრიობის ინტერესების სადარჯოზე იდგეს.

თანამედროვე ტელევიზიები, ძირითადად, მომართულია არა პოზიტივზე, არამედ -ნეგატივზე, უარყოფითზე, სკანდალურზე... ასეთი დამოკიდებულება არ არის მხოლოდ არაპროფესიონალიზმის შედეგი - ეს მიზანმიმართული პოლიტიკაა საზოგადოებრივი აზრის შექმნის, ჩამოყალიბებისა და მართვისა. ავტორიტარულ რეჟიმს სჭირდება ადვილად სამართავი საზოგადოება, რომელიც მისი მებოტზე გახდება. ამდენად, ეს ლოგიკა დამლუშველია თავისი არადემოკრატიულობის სტანდარტის გამო. ამიტომაც გაემიჯნა საზოგადოების მცირე, მაგრამ მაინც რაღაც ნაწილი ტელევიზორიას საქართველოში, თანდათან იკლო ნდობამ ბაზარზე ორიენტირებული საინფორმაციო საშალებების მიმართ. ამავე დროს, პარტეფნოლოგიების დაცვით, თუმცა გულისამრევი პათეტიკითა და სნობიზმით დაიწყო ამა სოფლის ძლიერთა და ე.წ. ელიტურ წრეთა „ღვანობა“ წარმოჩენა.

თანამედროვე ცხოვრების ერთ-ერთ დემონთა შორის (ფული და ძალაუფლება) პოპულარობის სინდრომიც მოიაზრება. მშობლები ტყავიდან ძვრებიან, ოღონდ შვილები „ვარსკვლავებად“ აქციონ, უყიდონ ძვირადღირებული საკონცერტო კაბები, კომპლექტისკებად ჩანვინო საეჭვო გემოვნებისა და ხარისხის სიმღერები, ნასესხები ფულებით თუ ბანკიდან გამოტანილი კრედიტებით იარონ მათთან ერთად გასტროლებზე საზღვარგარეთ... იქმნება უამრავი არასამთავრობო ორგანიზაცია, ვითომცდა სამოქალაქო საზოგადოებაში დემოკრატიული ინსტრუქტების გაძლიერებისათვის. ახლა ისინი აწყობენ პრესკონფერენციებს, ირქმევენ ექსპერტის სახელებს, რათა გახდნენ ცნობადი და კომპეტენტური სახეები თავიანთ დარგში. ვინ როგორ არ ცდილობს საზოგადოების ყურადღების მიპყრობას... და, საბოლოოდ, მაინც ყველა უნდა ერთი რამ - ხშირად ჩანდეს ცისფერ ეკრანზე.

ტელევიზორი - ოჯახის სრულუფლებიანი ჯიუტი წევრია, დაუკითხავად გახვევს თავს ათასგვარ სიბინძურესა და უხამსობას, ტყუილსა და მართალს. ამ ისტერიაში შეუღლი იმიჯით, სრული მიუწვდომლობით წარმოვიდგებიან თავად ტელესახეები, - ყოფისმტოვნი და საზოგადოებრივი აზრის მიმართულების მიმცემნი. ბუნებრივად მივდივართ ტელე-ნამყვანის ფენომენტთან. ეს ის ფაქტორია, რომელიც ყველაზე მეტად აღიზანებს საზოგადოებას. ძალიან ბევრი ადამიანია ეკრანზე ისეთი, რომლის ადგილიც იქ არ უნდა იყოს. ასე თუ ისე კარგი ტელენამყვანი რამდენიმე კატეგორიით განიხილება: რამდენად აქვს მას საკუთარი თავის რწმენა, არის თუ არა კომუნიკაბელური, როგორია მისი პროფესიული კომპეტენცია, სტილის ინდივიდუალობა და ა. შ. ქართულ ტელევიზორებში გავიჭირდება დაგასახლოვებულ ტელესახე (ახალი ამბების, დისკუსიის, საავტორო პროგრამის თუ შოუშენი), რომლის მიმართაც სერიოზული პრეტენზია არ გვქონდეს. გამონაკლისებიც არიან, მათ შორის -გიორგი მერებაშვილი, რომელსაც თავისი ესთეტიკა მოაქვს ეკრანზე.

ნაწილი 2

ერთ-ერთი უპირველესი ნაკლი (ზეპირმეტყველების დაბალ კულტურასთან ერთად) ტელეჟურნალისტთა ფსევდოინტელექტუალიზმია. ნივს უნდა ნაკითხვა და არა - გადათვალთვლება, თანაც რაც

შეიძლება ბევრი უნდა იკითხო და საფუძვლიანად უნდა გესმოდეს ის სფერო მაინც, რომლის შესახებაც ადამიანებს ესაუბრები. ტელევიზორზე, რეალურად, პირადი ამბიციის დაკმაყოფილების საშა-ალებადაა გამოყენებული. ტელესახეებს სჭირდებათ ახლო ნაცნობები მაღალ სახელისუფლებო წრეებში, სნობური მიდრეკილებების დასაკმაყოფილებლად კი - დასაყრდენი ხელოვანთა წრეებში და, ამასთანავე, მასების უპირობო სიყვარული. კარგად მახსოვს ერთი განანყენებული და დაბოლმილი ტელეწამყვანი, რომელიც ვერ ვიცანი (იმ უბრალო მიზეზის გამო, რომ ტელევიზორს იშვიათად ვუყურებ და იმ არხს, რომლის სახესაც ის წარმოადგენდა, საერთოდ, არ ვრთავ შინ). ვერბალური კომუნიკაცია ეკრანზე განუყოფელია ვიზუალურისაგან. უმრავლეს შემთხვევაში სასაცილოა საავტორო გადაცემათა წამყვანების ჩაცმულობა, კაბების შრიალ-შრიალი და მაკიაჟი. ერთ-მა ქართველმა ოპერატორმა, რომელიც დიდი ხანია საბერძნეთის საზოგადოებრივ მაუწყებელში მუშაობს, თქვა: ვუყურებდი გადაცემას, ბუნებრივად იჯდა წამყვანი, ნ. ჟორჟოლიანი, რაღაც სადედოფლო კაბის მსგავსი ეცვა და ასე ესაუბრებოდა სტუ-მარსო. საქმეს ისიც აფერხებს, რომ არ არსებობს პროფესიული კრიტიკა, რომელიც წამოაჩენდა და განსაზღვრავდა გადაცემისა თუ წამყვანის ავ-კარგს. თუმცა, სხვის აზრს ვინ აქცევს დღეს ყურადღებას?! წერეთ და იკითხეთო - ამ განწყობაზეა უმრავლესობა!

ის, რაც, ზოგადად, ქვეყანაში ზეპირმეტყველების კუთხით ხდება, ვერბალური ნონსენსია. მომრავლდნენ ისეთი ჟურნალისტიკები, რომელთა საარტიკულაციო-საწარმოთქმის სისტემა თანდაყოლილი დეფექტებითაა სავსე (ზოგადად რბილი, ზოგსაც მაგარი „ლ“ აქვს (ვინმე არ უნდა უთხრას თ. ასათიანს, მიხედოს თავის გამაგრებულ ლასს?!). ზოგიერთი იმდენად გაუმართავად, ბუნდოვნად საუბრობს (მაგალითად, რ. მუჯირი), ვერც გაარჩევ, რას ამბობს).

ამასთანავე, დაუძლეველ პრობლემას ქმნის გაუაზრებელი კონსტრუქციები, უამრავი ნეოლოგზმში, დარღვეული სინტაქსი და მოშლილი ფონეტიკური სისტემა. არსებული ფონის გათვალისწინებით, დაისმის ლეგიტიმური კითხვა: როგორია ჩვენი მენტალური და კულტურული რეალობა?! ენა ერის ფსიქოლოგიის, მისი სულიერი და ინტელექტუალური საწყისის, მისი მენტალობის გამომხატველია. ენა აძლევს პიროვნებას სტატუსს, განასხვავებს ამ სამყაროში ყველა სხვა არსებისაგან. ენა ადამიანს ღმერთთან აკავშირებს, მარადიულობასთან წილნაყარს ხდის. ენის ნიაღში დაცულია ღვთაებრივი ენერგია, რომელიც სხვადასხვა დროს ამოხეთქავს, როგორც განსაკუთრებული ფენომენი პოეტურ სიტყვაში გამოვლენილი თუ მეცნიერულ აზრში გაცხადებული. ენა თავად ქმნის რეალობას და ამ სინამდვილის მოწმედ გხდის. ენის განცდა საკუთარი თავის შემეცნებას უკავშირდება, ამ გზით კი პირველხატს მივყავართ. მეტყველება ესაა მინაგანის გამოვლენა გარეთ თავისი ავ-კარგით. ამიტომ ადამიანის საუბრის მანერა ხშირად წარმოაჩენს მის ფსიქო-ემოციურ სამყაროს, ხასიათს, ბუნებას, სულიერობას. სიტყვას აქვს დიდი ძალა, იგი აღიქმება, როგორც სიმბოლო, როგორც ხატ. სიტყვა ქმედითი ფენომენია, საქმეს უდრის. ერთმა სიტყვამ შეიძლება გაცხოვოს ან წარგწყმოდოს. ჯვარზე გაკრულმა ავაზაკმა სიკვდილის ჟამს აღიარა ქრისტე და კაცთაგან პირველი შევიდა სასუფეველში. თავად მაცხოვარი

დასასრული მე-9 გვ.

ვინც საცდითუღოს ემასსთუტება

თემურ ქორიძეზე საუბრობენ როგორც პუბლიცისტზე, როგორც მეცნიერზე, ლიტერატორზე, უპირველეს ყოვლისა კი იგი თავისუფალი საქართველოს ერთგული შვილია. ის არ პირველია, ვისაც წუთისოფლის მუხანათობამ სიმწარე აგვმა და გულს იარა დააჩნია როგორც მამულიშვილს. ეს მაშინ მოხდა, როცა არაადამიანურმა საწყისმა გაიმარჯვა და საქართველოს თავისუფლება გარიჟრაჟზე წყვედა და აქციეს. ამ რაფინირებულ ადამიანს ყველაზე შეუსაბამო დროში მოუხდა ცხოვრება. ასეთების არ არის ეს უამო, მისი შესაფერისი დრო აღაგმეს, ხელმოწერა დაარჩა საქართველოს დამოუკიდებლობის აქტზე. თითქოსდა დაობდა სამშობლო და ყველას ცალკე, ეულად უნია უღლის წევამ, ვინც არ შეეგუა გარემოდგომილ ბოროტებას. ცხოვრება კი დილევს ემსგავსა. შესაძლოა ბედნიერება დაგენგრეს, მაგრამ ადამიანობა გადაარჩინო. თემურმა ეს შეძლო - სიყვარულით განაგრძო სვლა წუთისოფლის გზაზე და რუდუნებით ეკიდებოდა რჩეულ საქმიანობას. მართალ სიტყვასაც ძალდაუტანებლად, ჩვეული ღიმილით ამბობდა, თუმცა რამდენადმე შევიწროვდა ეს ასპარეზიც, ბუნებრივია. საბოლოო ასეთ ერისკაცებს როდია ეთმობათ.

მაინც როგორი იყო იგი?! რუსთველური გაგების კაცი - როგორი შეფასებაც დამკვიდრდა ზვიადისგანვე. „ბოროტსა სძლია კეთილმან“ - ამ მრწამსის ადამიანი, ქართული სულისკვებით ნასაზრდოები. კონსტანტინე გამსახურდიას ღირსეული ფრაზა თავისთავად მახსენდება - პოლიტიკური დიქტატურის დროს კულტურამ უნდა გამოაცხადოს საალყო წესები. ამგვარი ერთ-ერთი მეციხოვნე იყო თემურ ქორიძეც... ხშირად უყვარდა თქმა „ქილილა და დამანაშია“ - ჭაროს ნათქვამი არაკის - „მე და შენი საქმე ჭიქასა და ქვასა ჰგავს, თუცა ქვა ჭიქასა ეცა, ანუ ჭიქა ქვასა დაჰკრა, ორგანვე ჭიქა დაილენება და ქვა უფნებლად დადგება“. მას მაინც სწამდა ფრანც კაფკასავით, რაღაც დაუნგრეველი საწყისის არსებობა ადამიანში, ურომლისოდაც არსებობას აზრი არ ექნებოდა...

მე იგი დამამახსოვრდა ჯერ კიდევ ეროვნული მოძრაობის პერიოდისა. 1989 წლის ბოლოს ზვიადისა და მერაბის დაარსებული "ჰელსინკის კავშირი" შედარებით გაფართოვდა, (შეზღუდულად) და მეც იმ ხუთი ადამიანის შემდგომ აღმოვჩნდი, ვინც პირველ რიგში ანუ ავანგარდში ჩადგა. ყოველ სამშაბათს, ხუთ საათზე, ლიტერატურის ინსტიტუტის დარბაზში შეხვედრები დაინიშნა, საინფორმაციო ხასიათის კრებები და აქ, ერთ-ერთი გამწევი ძალა, წამყვანი ძალა ბატონი თემურიც იყო; საინტერესო, ენამახვილი გამოსვლებით, ჩვეული შემართებით. ეს იყო უზომოდ კულტურული, პროგრესული თავყრილობები. ამ მოძრაობის ბაზაზევე ჩამოყალიბდა რამდენიმე კომისია, რომელსაც დარღვევები უნდა გამოევიწყინა და დაეცვა ადამიანის უფლებები. მე და დედა განათლების კომისიაში აღმოვჩნდით, რომლის თავმჯდომარეც თემური გახლდათ. ჯერ კიდევ არაფორმალური ვამონიშნებდით სკოლებს, განათლების სამინისტროს. მახსოვს, ნათელა ვასაძესთანაც შევედით ერთ-ერთი წერილის საფუძველზე და მოინიშნებთ, ფერ-

გამკრთალმა მიგვიღო კიდევ. ზომებიც მყისვე ტარდებოდა და ადამიანთა სასარგებლოდ წყდებოდა საკითხი. ხალხს უბრუნდებოდა დაკარგული სილამე და სამართლიანობის განცდა. ძალიან ბევრისთვის იყო იმედი ეს მოძრაობა და თანდათანობით ვძლიერდებოდით, იზრდებოდა ჩვენი რიგები, სიყვარულით გვიერთდებოდა მთელი საქართველო და ეროვნული მოძრაობა მართლაც იყო სრულიად საქართველოს მომცველი და ერთიანობის სიმბოლო!

დაპირისპირების ინსპირაციაც მოხდა და პროვოცირებულმა ჯგუფმა საზიანო ხელისშემშლელი საქმიანობა წამოიწყო, ღალატი ღალატზე მზადდებოდა, იმატა ქვენაინსტიტუტებით ამოძრავებულმა ქვეგამხედვარებმა და აქაც აღიმართა ციხე-სიმაგრესავით თემური, რომელიც დიდი გაბედულებით იცავდა სიმართლეს, სახელმწიფოებრივ ინტერესებს, ზვიად გამსახურდიას თაოსნობით დანებულ ეროვნულ და სამომავლო საქმეს. ისტორიული მისია ხვდა წილად ეროვნულ მთავრობას და ყველანაირი ქარტახილისთვის მზაობაც იყო. რას აღარ უმკლავდებოდნენ, რის წინაშე აღარ იდგნენ... საქართველოს ბედნიერი დღეებისთვის თავდაუზოგავი ბრძოლა მიმდინარეობდა. ოცდაათ-საათიან რეჟიმში მუშაობდა „მრგვალი მაგიდა“, უზენაესი საბჭო, მაინც ეროვნული ძალებისა და თავისუფლების მარცხით დასრულდა ეს დიდი თავგანწირვა, თუმცა ეროვნული მთავრობის მონაპოვარი და ღვანლი - პირველი მრავალპარტიული არჩევნები საბჭოთა რეგლამენტაციის (ანუ საბჭოთა კონსტიტუციის) გარეშე, რეფერენდუმის მნიშვნელობა - სრულიად საქართველოს ისტორიულ ტერიტორიებზე ჩატარებითა და სრულიად მოსახლეობის ნების გამოხატვით, დამოუკიდებლობის აქტის აღდგენა - თავისთავად დიდი გამარჯვებებია ისტორიულ საბიულზე. ეს იმ კანონზომიერებისა და სამართლიანობის აღდგენაა, რაშიც ღვთის ნება და ხელდასხმაცაა. ქართულ ზნეობას, ქართულ სულსა და კულტურას ქომავი ჰყავდა. „ჩვეულებებისა-მებრ მამულისა სვლა“ გრძელდებოდა. რაოდენ გულისმომკვლელია, როცა თვალწინ ცდილობენ ყოველივე ამის გაცამტვერებას და თემურიც არ ეპუება ამას... ამოღებული სატყვარივით იყო მისი სიტყვა, თავგზიანი, გზაგაკვალული. უწესობა ექციათ წესად - ამგვარ მტარვალთა და უბირთა გულისწადილს შემკავებელ ზღუდედ ედგა. არაღირებულ ყოფაში კვლავაც ღირებულს ნერგავდა. შემდგომაც - კალმით, კრიტიკით, ახალგაზრდების აღზრდით, ლიტერატურულ სალონებში მონაწილეობით, ცდილობს ზღვარის გაველებას საუკეთესო პერიოდსა და უკეთეს საქართველოს შორის. ყველა გამოსვლა კულტურული პროტესტია, კულტურული გალაშქრება და, რაც მთავარია, პროტესტია ძალით აღაგმული ადამიანობის, ზნეობის გამო... იგი სხვა რეალობაში იმყოფება, იმ ხელშეუხებელ სამყაროში, რომელსაც ვერადროს ვერაფერი გაანადგურებს.

ის მართლაც საზრდოობს ქართული სულით, წარსულით, ტაძრით, მინით, საფლავებით, წიგნით, მამულით, უფლისმიერი საქმით და ცდილობს ალაღვინოს "უმითო დროში" ჰეროიკული სული, ავთანდისეული ვალი, მაღალზნეობრივი შეგნება, ილიას მრწამსი და მოლოდინი, რომ - ოქროს აკვანში ის ყრმა წევს... ამ მომავალს აღზრდა სჭირდება, აქ ვერ იტყვი - "ზვალემ იზრუნოს ხვალისა", ძველისა და ახლის გზაგასაყარზე მოქცეულს გსურს - "ანმყო შობილი წარსულისაგან იყოს მშობელი მომავლისა." ეს უკვე სამშობლოს მსახურებაა, რუდუნება და სხვა ტკივილს წარმოშობს... დიაგნოზიც არ აყოვნებს და ოთხგზის შეჭირვებულმა სწულმა გულმა საბოლოოდ უმტყუნა. ლექციის წინ, ახალგაზრდებთან შეხვედრის მოლოდინში, საქართველოს ფეხზე წამოდგომის მოლოდინში თავად დაეცა. ძალა აღარ ეყო, ის ხომ შეჩერებულ დროს ძრავდა, შეჩერებულ დროს აცოცხლებდა. მახსენდება ნიკო ლორთქიფანიძის „გული“ - როცა რუკა იტყვის: - მე დავაჭკნე, მე დავწვი. ასეთია მამულიშვილთა სიკვდილიც, ხან მუხანათი ხელი აჩერებს ამ გულს, ანდაც ის

ალღვინოს "უმითო დროში" ჰეროიკული სული, ავთანდისეული ვალი, მაღალზნეობრივი შეგნება, ილიას მრწამსი და მოლოდინი, რომ - ოქროს აკვანში ის ყრმა წევს... ამ მომავალს აღზრდა სჭირდება, აქ ვერ იტყვი - "ზვალემ იზრუნოს ხვალისა", ძველისა და ახლის გზაგასაყარზე მოქცეულს გსურს - "ანმყო შობილი წარსულისაგან იყოს მშობელი მომავლისა." ეს უკვე სამშობლოს მსახურებაა, რუდუნება და სხვა ტკივილს წარმოშობს... დიაგნოზიც არ აყოვნებს და ოთხგზის შეჭირვებულმა სწულმა გულმა საბოლოოდ უმტყუნა. ლექციის წინ, ახალგაზრდებთან შეხვედრის მოლოდინში, საქართველოს ფეხზე წამოდგომის მოლოდინში თავად დაეცა. ძალა აღარ ეყო, ის ხომ შეჩერებულ დროს ძრავდა, შეჩერებულ დროს აცოცხლებდა. მახსენდება ნიკო ლორთქიფანიძის „გული“ - როცა რუკა იტყვის: - მე დავაჭკნე, მე დავწვი. ასეთია მამულიშვილთა სიკვდილიც, ხან მუხანათი ხელი აჩერებს ამ გულს, ანდაც ის



სიყვარული, (მომზობილი მოთხრობის რუკასავით), ფერფლად რომ აქცევს მსხვერპლადქმნილ გულს...

განისვენე, ვალმოხდილო მამულიშვილო! სამაგიეროდ, ღირსეული საქართველო გეჭირისუფლა, გულმა უთხრაო, რადგან ყველასვე უყოფდი თავად გულს. დიდი იყო გამომხმარებელი და ელდანაცემი შეკითხვა - იუთუბზე, ვიდეოებზე მინანქრიც - ეს კაცი გარდაიცვალა? ეს რა კაცი ჰყოლია საქართველოს, კიდევ ერთი პიროვნება წავიდა დაუფასებლად... გინაკლისა საქართველომ, გინატრა ქართველობამ... შენ თავისუფალი საქართველოს შვილად დარჩი, მიტომაც იყავი ასეთი დახვეწილი, ოპტიმისტი, მხნე, ერუდიტი და უდიდესი საგანმანათლებლო მოღვაწე!.. ასეთი ურიგო ბედი აქვთ ზოგჯერ სიყვარულის დიდ მხედრებს, მაგრამ მათი კვალი მაინც წარუშლელად რჩება და ილიასი არ იყოს, - „დასაწყისია განთიადისა“.

არავითარი მედიდურობა, არავითარი ამბიცია არ იყო მასში. ყველასთან მოკრძალებული გახლდათ და რაც არ უნდა მიმე ან სააუგო ამბავი გეთქვათ - რას ბრძანებთ, რას მეუბნებით, გულწრფელად გაიკვირვებდა. თქვენობის გარეშე კი ბავშვსაც არ დაელაპარაკებოდა. გულდადებით ისმენდა ყველაფერს და მერე გამოსავალს ეძიებდა. რამე იმედიანს კი აუცილებლად იტყვოდა. წუხდა სხვის გამო და სხვის მაგიერადაც... მის საცხოვრებელ სახლსაც ეტყობოდა ეს მოკრძალება, მხოლოდ აურაცხელი წიგნები მთელ კედელზე, მაგიდაზე წიგნები - საწიშნეებით, ჩაკეცილი ფურცლებით... დიდი აკაკი განერეილას ჩინებული

ალზრდილი, ზვიადს თურმე მუდამ გამორჩეული პატივისცემით ეპყრობოდა, (ერთად მუშაობდნენ ადრეული წლებიდანვე ლიტერატურის ინსტიტუტში). სხვანი როს უფროხდნენ, გაურბოდნენ სხვაგვარად მოაზროვნესა და თავისუფლების მებარახტრეს, გუმანმა, სიბრძნემ, ღირსებამ უკარნახა ვინც იყო მის წინაშე, ამ კეთილმოპყრობისთვის კი ხშირად იბარებდნენ დაკითხვებზე, სულს უწენავდნენ...

ადამიანი რომ ეთიკური არსებაა - ამ ურყევ რწმენას ასეთი პიროვნებები გინარჩუნებენ... კვლავ ილია მართალს გავისხენებ, "გულთა ძვრა" საჭირო და რჩეულ ადამიანთა მოვლინება, მათი სანიშნურო საქმენი ამადაც ფასობს, ცხოვრება ხომ მაგალითის დასწავლაცაა. ქართული ხალხური საგანძურიც ამას გვასწავლის - „გული სანთლებერ მნათობელი გულდამწვათა მცნობელია.“ ერისკაცებიც მუდამ დაფასებულნი იქნებიან...

მინდა ჩემი ორი ლექსით დავასრულო ეს მოსაგონარი, რადგან ერთობლივი ბრძოლიდან და ერთნაირი ტკივილით დაიბადა ეს ლექსები. ჩვენ ასეთ გმირებს და ამგვარ საქმეს ვერთგულებდით, უმცდარი ხედვით და გვჯეროდა სულ, რომ ამ გზასაც მათ ამარა არავინ მიატოვებს... ტვირთი კვლავაც ასაწვია.

ზვიადს და მერაბს

ვერ შეგიძღვრის ტკივილებით სული მაღალი, შორეულ ხედვით სანუთროს გზებს სევდით ქარგავდით... ოქროსფერ ფუნჯით კვლავ ვარდისფერ აღმართს ხატავდით; არწივის ფრთებით სიყვარულის კალთებს ფარავდით; ყაჩაღებს დარჩათ საუნჯენი როგორც ნადავლი.. იყავით ორნი უფალივით დიად -მართალნი.

ეს კი უკვე თემურის ხსოვნასაც ეძღვნება, რადგან იგიც იმ გმირებში მოიაზრება, ვისი სვეც მწარეა და ცხოვრება მონამეობრივი.

(მამულის მსახურ გმირებს)

ეს მერამდენე გაზაფხული ფერს ძერწავს ზამთრის! შავჩოხა გმირებს მზე ამწყალობებს ალვებით მაღლის! შორს მიაქვს მზერა დაუნჯებას ფერმცვლილ ღამის! უნდოთ განგმირეს მზე წინამურის, მზე ჯიხაშკარის! ცარიელ ადგილს აბეზარი ქარილა დაქრის! ზამთარმონეულ ყვავილად მარტის - უჭკნობად განქრით!.. სამშობლოსათვის დაუღლილთა ნაქცევით ხარის, ქვითინი არის ქარშემოკრული ნაბზარი ზარის!

(ლექსები დაწერილია ჩემი სტუდენტობის ხანაში).
ლალი ბარბილაშვილი,

პანტალონის ქოხლის პეზიზისა და ღვინის ოქმი

ლოთი ქოხლი: ეს რომ პრეზიდენტ გამსახურდიას გაეგო, მე ღვინის ოქმი

დაკითხვის ოქმი 22 ივნისი, 1994 წელი

დაკითხვა განსაკუთრებით მნიშვნელოვან საქმეთა გამოძიებებშია, იუსტიციის მრჩეველმა ა.ხვადაგიანმა. დაკითხვაში მონაწილეობდნენ: ადვოკატები ლ. ბერიძე, ი. ბერიძე და გენ. პროკურორის მოადგილე ა. ბალუაშვილი

პრეზიდენტის, აბსანძის, გელანტიასა და სხვების მიზანი იყო შეიარაღებული გზით დაეკავებინათ საქართველოს ტერიტორია ენგურისა და ცხენისწყალამდე. ამის შემდეგ გვეიძულებინა დღევანდელი ხელისუფლება შეექმნა კოალიციური მთავრობა და ჩაეტარებინა არჩევანი. ეს გეგმა მოდიოდა გამსახურდიასგან, აბსანძისაგან, გელანტიასაგან, გუგუშვილისაგან და ყველა იმ პირისგან, ვინც აქტიურად იბრძოდა დღევანდელი ხელისუფლების წინააღმდეგ. მე მართლაც შევასრულე პირობა და ჩემი შეიარაღებული ძალებით გამოვედი მდ. ცხენისწყალზე, ქ. სამტრედიისში და ქუთაისში შესვლა დაგეგმილი არ ყოფილა. მე აქ ჯარები შევაჩერე და დაახლოებით ორი დღე, რიცხვი არ მახსოვს, ვიყავი მარტვილში და ჩემს გარეშე ჩვენმა მეზობლებმა დაიკავეს სამტრედია. ჩემთვის ეს იყო მოულოდნელი. ამ დროს გამსახურდია იყო აბაშაში, როცა მე ჩამოვედი სამტრედიაში, მეზობლებისაგან გავიგე, რომ სამტრედიაში შესვლის ბრძანება გაუცია გამსახურდიას. გამსახურდიასთან ამ თემაზე არ მილაპარაკია, რადგან ვერ შევხვდი. რატომ დაარღვია მან ჩვენი პირველი გეგმა ცხენისწყალზე გამაგრების, არ ვიცი, აბსანძეს რომ ვკითხე, თურა მოხდა მიპასუხა, რომ მანაც არაფერი იცოდა. მეზობლებში დომინირებდა აზრი, რომ ისინი მიდიოდნენ თბილისის ასაღებად. სამტრედიისში გამსახურდიამ და აბსანძემ მომცეს მითითება, რომ ჯარები დამეძრა ქუთაისისაკენ, რადგან, მათივე თქმით, დაზარალების მონაცემებით, ქუთაისამდე გზა იყო თავისუფალი და ქუთაისი იყო დაუცველი. მივხვდი, რომ გამსახურდიას უნდოდა სამხედრო ძალით აეღო თბილისი. მე ეს მიმანდა აბსურდად, რადგან ჩვენ ამის სამხედრო ძალა არ გავაჩნდა. მეორეც ის, რომ თუკი მოვლენები ისე განვითარდებოდა, რომ ჩვენ თბილისისაკენ დავინყებდით სვლას, მთელს სამხედრო დაუპირისპირდებოდა დანარჩენი საქართველო და ეს კატასტროფულ ზიანს მოუტანდა ერს. ამასთან ერთად, მე ვიცოდი, რომ ჩვენი გეგმა ითვალისწინებდა ცხენისწყალზე გამაგრებას და შემდეგ ხელისუფლებასთან მოლაპარაკებას. ეს გეგმა გამსახურდიას გადაწყვეტილებით დაირღვა ისე, რომ მე არაფერი ვიცოდი. ამიტომ გადავწყვიტე მიმელო ყველა ზომა, აღარ გაგრძელებულიყო ქუთაისისაკენ სვლა. ამიტომ მოვიფიქრე და აბსანძეს და პრეზიდენტს ვუთხარი, რომ ხონში დაიძაბა კრიმინალური ვითარება, ადგილი აქვს ყაჩაღობებს, ხალხი შეწუხებულია, ჩავალ ხონში, მოვავარებ სიტუაციას და მერე ვიფიქროთ ქუთაისზე-მეთქი. ხონში შეიარაღებულ ფორმირებებს ხელმძღვანელობდა ანზორ ჩხეიძე. აქვე იყო თენგიზ ბულია, იგივე „კიროკი“. მე მათ ვუთხარი,

რომ ყაჩაღობის ფაქტები რომ აღკვეთილიყო, შეიარაღებული ფორმირებები უნდა გაეყვანათ ხონიდან ქ. ზუგდიდში. ხონში ისინი იყვნენ 4-5 დღე და ფორმირებები გაიყვანეს ზუგდიდში. აქვე მოვიმიზეზე ის ამბავიც, რომ ჩემი ინფორმაციებით სამთავრობო ჯარებს ეხმარებოდნენ რუსები და ამას შეიძლება მოჰყოლოდა უაზრო სისხლის-



ღვრა. მივალწიე იმასაც, რომ დავიხიეთ უკან აბაშამდე. ამ პერიოდში აბსანძისაგან ჩემთვის ცნობილი გახდა, რომ დამხმარე ძალებს მივიღებდით აფხაზეთიდან. როგორც მოგახსენეთ, მე შინაგანად ამის წინააღმდეგი ვიყავი, მაგრამ აბსანძისათვის არ გამომჟღავნებია. ამის შესახებ ვუთხარი გურამ ლაკიას. ისიც წინააღმდეგი იყო აფხაზი ბოევიკების შემოყვანის, ამიტომ მე და ლაკიამ გადავწყვიტეთ ყველა ღონე გვეხმარა და ჩვენი ფორმირებები გამოგვეყვანა ბრძოლიდან. ამასთან დაკავშირებით, როგორც მახსოვს, პირადად მე და ვუთხარე ივლიძის თქმით ქ. ფოთში კუკური როგავას. მე ანაკლიაში შევხვდი მას და ვახტანგ გვარამიას. მათ ავუსხენი ვითარება, რომ პრეზიდენტი და აბსანძე აპირებდნენ აფხაზი ბოევიკების შემოყვანას, რომ



მე და ლაკია ამის წინააღმდეგი ვიყავით. ამის წინააღმდეგი იყო სოხუმის ბატალიონი და სხვები, რომლებიც ჩვენს მხარეზე იბრძოდნენ. გადავწყვიტეთ, რომ მე ჩვენს პოლიტიკოსებს, ე. ი. გამ-

სახურდიას, აბსანძეს, გელანტიასა და სხვებს ჩამოვიცილებდი. გავიყვანიდი ქ. ზუგდიდიდან და ამის შემდეგ, დაახლოებით სამ დღეში შევხვდებოდი მათ, სადაც გადაწყდებოდა საქითხის მშვიდობიანი მოგვარება. ამის შემდეგ მე ჩამოვედი ზუგდიდში. მოგახსენებთ, რომ ჩვენი ზემოაღნიშნული შეხვედრა იყო საიდუმლო. ამის შესახებ პრეზიდენტმა, აბსანძემ და სხვებმა არაფერი იცოდნენ. ამ შეხვედრისა და გადაწყვეტილების მიღების შესახებ რაიმე დოკუმენტი არ შემდგარა. ჩამოვედი

ბით წამოვიდნენ გამსახურდია, აბსანძე და სხვები. მე ამის შესახებ მოგვცით ჩვენება და მის დეტალებზე აღარ შევჩერდები. სოფ. აჩიგვარასთან შემოგვხვდა ა/მანქანების კოლონა. წინ მიდოდა თეთრი ნივა. მოყვებოდა „ბმპ“, ავტობუსი. ადრე ჩვენებაში გითხარით, რომ მიყვებოდა ერთი ავტობუსი „პაზიკი“. ამ შემთხვევაში შეიძლება მე ვცდებოდა და თქვენს მიერ დაკითხული მონმები უჩვენებენ სიმართლეს. მე როგორც მახსოვდა, შემოგვხვდა „ბმპ“ და „პაზიკი“. როგორც მოგახსენეთ, პრე-

ზიდენტის მანქანების კოლონას მიყვებოდი უკან, როცა ჩვენ შევჩერდით. მე ვიჯექი უკან, ამდენად ყურადღება არ გამიმახვილებია სამხედრო ტექნიკისა და მანქანების კოლონის მიმართ, რომლებიც შემოგვხვდა. ისინი არ გაჩერებულან, ისე გააგრძელეს გზა. მე ვიცი, რომ როცა ჩვენი მანქანების კოლონა გაჩერდა, მათთან გაჩერდა შემხვედრი მიმართულებით მოძრავი „ნივა“, „ნივიდან“ გადმოვიდა ქიშპარია და იგი ესაუბრებოდა აბსანძეს. მათ საუბარს შევუერთდი მეც. აქ გავიგე, რომ ქიშპარია შეასრულა პირობა და ჩვენს დასახმარებლად მოყავდა „ბოევიკები“ და მძიმე ტექნიკა. აქვე დავაზუსტებ, რომ ჩვენს მანქანების კოლონას წინ შემოხვდა ქიშპარიას „ნივა“. ამიტომ შევჩერდით გზაში, გადმოვიდით მანქანებიდან და ამის შემდეგ დაახლოებით ერთი წუთის შემდეგ ჩავიარა აფხაზეთის მხრიდან მომავალმა სამხედრო ტექნიკამ და ავტობუსებმა, ისე რომ ისინი არ შეჩერებულან. როდესაც აბსანძემ გაიგო დამხმარე ძალის შესახებ, მითხრა და მისი წინადადებით მე, აბსანძე, ქიშპარიასთან ერთად დავბრუნდით ზუგდიდში ისე, რომ მანამდე ჩვენთვის უცნობ ოჯახში დავაბინავე ჩემი ცოლ-შვილი, მეორე ოჯახში დაბინავდა გამსახურდია და მისი დაცვა.

შემდეგ მოვლენები განვითარდა ისე როგორც წინა ჩვენებებში მოგახსენეთ და მის განმეორებას აღარ ვთვლი საჭიროდ. გამსახურდიას ზუგდიდან გაყვანამდე დაახლოებით ორი-სამი დღით ადრე განმეორებით შევხვდი. ვაცნობე, რომ

პრეზიდენტის გაყვანის საკითხი მოგვარებული მქონდა. მას გავიყვანიდი კიდევ და შემდეგ კიდევ ეცლიათ სამ-ოთხი დღე, მოვავარებდი შეიარაღებული ფორმირებების მთლიანად გაყვანას და შემდეგ შემოსულიყვნენ სამთავრობო ჯარები სისხლისღვრის გარეშე. მე ზუგდიდი დავტოვე ნოემბრის დასაწყისში, რიცხვი არ მახსოვს.

ამ დროისათვის სოფ. ცაიშთან და ჭითანყაროსთან იდგა დაახლოებით ორმოცდაათი-სამოცდაათი კაცი. ამ ბიჭებმა ჩემი გასვლის შესახებ არაფერი იცოდნენ. მათ იცოდნენ, რომ სამთავრობო ჯარები დაინჭიდნენ წინსვლას. მათ პოზიციები უნდა დაეტოვებინათ ყოველგვარი წინააღმდეგობის გარეშე, ეს მართლაც ასე მოხდა. როცა მე დავბრუნდი აჩიგვარაში ცოლ-შვილთან შესახვედრად, ლაგვილავამ, რომელმაც მე მიმაცვია აფხაზეთის საზღვრიდან სოფ. აჩიგვარაში, მითხრა, რომ ამავე დღით პრეზიდენტი, მისი დაცვა და ჩემი ოჯახის წევრები დაბრუნებულან ზუგდიდში. აფხაზეთის საზღვარზე გამოუცინებიათ მხოლოდ პრეზიდენტი, ჩემი ოჯახი აღარ დაბრუნებულა უკან. დაახლოებით ორი-სამი თვის შემდეგ, უკვე სუბდალში გავიგე, კერძოდ, ვისაგან აღარ მახსოვს, რომ როცა პრეზიდენტი და აბსანძე დაბრუნებულან ზუგდიდში დაცვას პრეზიდენტი წაუყვანია სხვა მიმართულებით ისე, რომ აბსანძე აღარ წაუყვანიათ. აბსანძე დაახლოებით ერთი თვის შემდეგ გამოსულა სამხედროლოდან და წასულა მოსკოვში ბათუმის გავლით. თუ რა იყო ამის მიზეზები, რომ აბსანძე აღარ დარჩა გამსახურდიასთან არ ვიცი. როგორც აბსანძის საუბრიდან ვასკენი, აფხაზი ბოევიკების ზუგდიდში შემოყვანას ორგანიზაცია გაუკეთა მან, გამსახურდიასთან ერთად. როგორც თქვენს მიერ დასმულ შეკითხვაში ნაჩვენებია მონმების კონტეინერიდან ირკვევა, 1993 წლის ნოემბრის პირველ რიცხვებში აფხაზი ბოევიკები და მძიმე ტექნიკა კვლავ შემოყვანილი ზუგდიდში, თუ ვინ გაუუკეთა ამას ორგანიზება არ ვიცი. ამ ფაქტის შესახებ მესმის პირველად.

ზაურ გერგედავა იყო ჩვენი შეიარაღებული ფორმირებების სამხედრო სამსახურის უფროსი. მისი მოვალეობა იყო საჯარისო ფორმირებების მორაგება სურსათით, ტანსაცმლით და სხვა ასეთით. იგი ასევე აწარმოებდა საჯარისო ნაწილებზე სურსათისა და სხვა სახის პროდუქტების განაწილებას. ქარცხია, რომლის სახელით არ მახსოვს, იყო ჩემი ა/მანქანა გაზ-31-ის მძღოლი. ეს მანქანა თეთრი ფერისაა. ნომერი არ მახსოვს. მანქანა იყო დაზიანებული და ფაქტიურად მე ამ მანქანით არ დავდიოდი. ამიტომ ქარცხიას ჩემს მძღოლად არ ვთვლი. ჩემი მძღოლი იყო სახელად ციქორი, გვარი არ მახსოვს.

ჩემი ჩვენება ნავიკითხე, ჩანწერილია ჩემი კარნახით სწორად.
 ვ. ქიშპარია
 წყარო:
 გაზეთი „საქართველო“,
 №66(1504), 9-12 დეკემბერი,
 1996 წელი



მარაბ კოსტაშა - ნატოზე რატონაა საჯირო ნაციონალური არმია

პაქტის ქვეყნებს თუმცა გააჩნიათ ეროვნული არმიები, მაგრამ ყოველი მცდელობა რომელიმე მათგანის კავშირიდან გასვლისა მუდამ სისხლიანი ტრაგედიით გვირგვინდება. რუსის ჩექმა თავსმოხვეული მარქსისტული იდეოლოგიიდან გამონთავისუფლების საშუალებასაც არ აძლევს მათ. სსრკ-ში შემავალ ხალხებს კი არათუ არმია საკუთარი სამხედრო ნაწილებიც არ მოეძებნება. ზემოაღნიშნულის შედეგად თავლსაჩინო ხდება კარდინალური განსხვავება აშშ-ს და სსრკ-ს შორის.

პარტნიორი ქვეყნებისადმი დამოკიდებულებაში პოტენციური უპირატესობის მიუხედავად, აშშ უდავოდ თანასწორუფლებიანი პარტნიორია ნატოს დანარჩენი ქვეყნებისა. იგი ცდილობს თითოეულმა მისმა მოკავშირემ რაც შეიძლება მეტი თანხა გაიღოს საკუთარი ეროვნული არმიის გაძლიერებად.

შეერთებული შტატები პარტნიორთა სამხედრო პოტენცილის გაზრდით განაძლიერებს და განამტკიცებს ამ ერების სახელმწიფოებრიობას, ხოლო საბჭოთა კავშირმა პირიქით, იმიტომ მოსპო ჯარის უკანასკნელი ეროვნული შენაერთები, რომ ამ ხალხებში საბოლოოდ მოესპო სახელმწიფოებრიობის ნებისმიერი ელემენტები, გადაშენების გზაზე დაეყენებინა სსრკ-ში შემავალი ერები.

ამგვარია რუსეთის ნდობა საქართველოსა და ეგერთნობეული რესპუბლიკების მიმართ. ამკარად ვხვდებით, თუ რატომ უგულვებლყოფს იგი ერთა სუვერენულობის აუცილებელ ატრიბუტს ნაციონალურ არმიას. იმპერიის მესვეურებმა უწყიან, რომ საქართველოში ქართული ჯარის ნაწილების ჩამოყალიბება და მათი ქართული ენის ფუნქციონირება დაანახებს ქართველობას,

თუ რა ურყევი და ორგანულია კავშირი სამშობლოს ჭეშმარიტ გაგებასა და ეროვნულ არმიას შორის, თუ რა მნიშვნელობა აქვს ამგვარ კავშირს ჯანსაღი ფსიქიკის ჩამოყალიბებისთვის. მხოლოდ ასე თუ ამოიძირკვება ქართველების შეგნებიდან ღირსების შემლახველი აზრი: რომ თითქოს საქარველოს ურუსეთოდ, ანუ დამოუკიდებლად არსებობა არ შეუძლია.. თუკი საკუთარი ძალებისადმი რწმენა დამკვიდრდება ქართველთა გულებში. ამგვარი რწმენის დამკვიდრება კი სხვა ყველაფერთან ერთად ეროვნული არმიისთვის ზრუნვით უნდა დაიწყოს. ქართველებმა სამხედრო სამსახური საქართველოში უნდა გაიარონ. ამით და აქედანვე უნდა ჩაეყაროს საფუძველი ეროვნული არმიის შექმნას, როგორც ქართული სახელმწიფოებრიობის სამომავლო გარანტიას. 1988 წ.

„ნაციონალური არმია ერთა უმთავრესი ნიშანსვეტია და ამ თვალსაზრისით ვარშავის პაქტის ერები ახლოსაც ვერ მოვლენ ნატოს ქვეყნებთან; ნატოს ხალხებისა და არმიების უფლებები ამკარად თანაბარია. ნებისმიერი მათგანისთვის გარანტირებულია სამხედრო და ეკონომიკური კავშირიდან გასვლის თავისუფლება და მათთვის რომელიმე იდეოლოგიის ან ენის გარედან თავს მოხვევას არა აქვს ადგილი. ვარშავის

სვდა-გეზი უმოძველობისკენ...



2 დეკემბერს, თბილისის 51 სკოლის (დირექტორი ხათუნა ბარაბაძე) მოსწავლეების, 16 წლის დათო სალარიძისა და ლევან დადუნაშვილის, სკოლის მიმდებარედ, სადისტური სისასტიკით დანით მკვლელობის ფაქტს, გულისტკივილით ეხმაურება მწერალი მიხეილ ლანიშაშვილი. 2 დეკემბერს კიდევ ერთი მოზარდის მკვლელობა მოხდა წყალტუბოს რაიონის სოფ. ოფშკვითში, 17 წლის თორნიკე ბეგალიშვილი მისმა სკოლელებმა დანით გულმკერდის არეში სასიკვდილოდ დაჭრა,



რის შედეგადაც იგი გრდაიცვალა(რედ.) თავის დროზე მე, ჩემს ერთ-ერთ პოსტში, 2012 წლის პირველი ოქტომბრის არჩევნებს კრიმინალური-კლერიკალური გადატრიალება ვუნოდე.

ეს იმიტომ კი არ მითქვამს, რომ ყოფილი ხელისუფლების ნაკლოვნებებს ვერ ვხედავდი და მათი შეუცვლელი მომხრე ვიყავი.

არა. ეს იმიტომ ვთქვი, რომ იქიდანვე კარგად ჩანდა, რა ძალებიც მოდიოდნენ ხელისუფლებაში და, რაც მთავარია, რა მენტალობასაც მოუწევდა გაბატონება საქართველოში.

იმ დღეებში გლდანის საპრობოლის გისოსებიდან წარმოთქმული ფრაზა - „ბიძო მევიდა, მევიდა ჩვენი დრო!“ - ავისმომასწავებლად ჟღერდა, მაგრამ ემოციასაყოლილმა საზოგადოებამ ამ ფატალურ ტემბრს ყურადღება არ მიაქცია.

მე კი, მაშინვე 90-იანი წლების, ჯაბა იოსელიანისა და მისი „მხედრონის“ აჩრდილი ამომიცურდა თვალწინ და ავი მოლოდინის განცდა დამიტოვა.

ჩემი შიშები კიდევ უფრო გაამყარა ხელისუფლების გაუგონარმა აქციამ, როდესაც მათ, იუსტიციის სახლის წინ, საზეიმო ვითარებაში, ძეგლი დაუდგეს სამართალდამრღვევებს.

„მკვლელობებს და დანაშაულებს გაგებით უნდა მოეკიდოთ!“ - სულ მალე გაისმა ამ ავისმომასწავებელი ჟამის დამავგირგვინებელი ფრაზაც.

ეს იყო სიგნალები საზოგადოებისთვის, რომ ქვეყანაში ძალოვანი ინსტიტუტების გარდაუვალი დეგრადაცია მოხდებოდა და კრიმინალური მენტალიტეტი ნელ-ნელა ისევ ძალას მოიკრებდა.

ამიტომ როდესაც თბილისის 51-სკოლის მოსწავლეების მიერ ორი თანატოლის უსასტიკესი მკვლელობის ტრაგიკულ ისტორიას ვისმენ, რომელსაც გუშინ ქუთაისში კიდევ ერთი მსგავსი მკვლელობა შემატებია, ქვეყანაში საზოგადოებრივი პროცესების განვითარების ჩემი იმჟამინდელი შეფასება მახსენდება და ამ ყველა

უბედურებაზე პასუხისმგებლად ის ადამიანები წარმომიდგებიან, ვინც, ცხელ გულზე, ჯიბრით, გაბოროტებით, პერსპექტივის გაუანალიზებლად მივიდა საარჩევნი ურნასთან და ხმა ჩვენი სახელმწიფოებრიობისა და შვილების მკვლელობის დასაწყისის მისცა.

მომხდარში კონკრეტული დამნაშავეების ძებნა და მათში ხან შეყვარებული გოგონების, ხან პედაგოგების, ხან მანდატურებისა და ხან მშობლების დადანაშაულება გაუმართლებლად და არასაკმარისად მიმაჩნია.

მომხდარში უმთავრესი დამნაშავე ახლად-ძალამოკრებილი და ახალგაზრდობაში საცუცებგამპილი კრიმინალური ქურდულ-ქურჩური ავტორიტეტობა, ბაცნურ-ჩაცუცქული მენტალობა, დაუსჯელობის ატმოსფერო და მათი ნაზახალისებლები არიან.

ნიშანდობლივი ფაქტია: მოკლულთა კლასელ-მეგობარი 15 თანამხილველიდან ყველა უარს აცხადებს გამოძიებასთან თანამშრომლობაზე, ხოლო ერთ-ერთ მკვლელს, რომელიც, როგორც ამბობენ, საკმაოდ მაღალჩინოსანი მოხელის შვილი ყოფილა, მალავენ (ანუ მართალ კა ცად მიაჩნიათ).

ტკივილითა და სინანულით ვიზიარებ გარდაცვლილი ახალგაზრდების ოჯახების მწუხარებას, ვწუხვარ იმასაც, რომ მათი ოჯახების ეს უმძიმესი ტრაგედიები ჩემი მორიგი პოსტის განსჯის საგნად ვაქციე, მაგრამ ეს უკვე იმდენად პერმანენტული, სიმპტომატური და ზოგადი მოვლენაა, რომ ვერცერთი ჭკუათამყოფელი ადამიანი მასზე ჩაფიქრებასა და აზრის გაოთქმას ვერ ასცდება.

უფრო უარესი კი ის არის, რომ, შექმნილ ვითარებაში, მე, პირადად, გამოსავალსაც კი ვეღარ ვხედავ!..

მიხაილ ლანიშაშვილი

კიდევ ერთხელ მსაფრულ ვილა — „ხიზულას“ გაყო...



ამა წლის 21 ნოემბერს, სახელმწიფო ფილარმონიის ქვემოთ მდებარე (კოსტავას ქ. N36) კინოთეატრ „ამირანში“, 20 საათზე გაიმართა კინორეჟისორ გიორგი ოვაშვილის ფილმ „ხიზულას“ პირველი ჩვენება, რომელზედაც საგანგებო მოსაწვევებით მიწვეულნი იყვნენ სამთავრობო გუნდი კულტურის სფეროდან, კინოსა და თეატრის წარმომადგენლები, პრეზიდენტ ზვიად გამსახურდიას ოჯახი (შვილები ცოტნე და კოკო), მიწვეული ვიყავით მეც და ნუგზარ მგალობლიშვილი, როგორც ზვიადის თანამებრძოლები. კინოთეატრის დარბაზი სავსე იყო მიწვეული მაყურებლებით. საპრეზენტაციო ოფიციალური გამომსვლელების შემდგომ დაიწყო ფილმის ჩვენება, რომელიც 23 ნოემბრიდან გავიდა საქართველოს კინო-ეკრანებზე. ფილმი დრამა პრეზიდენტ ზვიად გამსახურდიას კანის კინოფესტივალზე წარსადგენად გათვალისწინებული ფილმია, მაგრამ ვეჭვობ, რომ მან გამარჯვება ან რაიმე აღიარება მოიპოვოს.

პრეზიდენტ ზვიად გამსახურდიას უცხოელი პროტოტიპი, ტანმორჩილი მსახიობი ირანელი ჰოსეინ მაჰჯუბია. მაჰჯუბის გმირს ფილმის დაწყებიდან სახეზე და თვალეზშიც აღბეჭდილი აქვს მძიმე დრამატული განცდა, რომელიც მოუშორებლივ მიჰყვება მას ფილმის კულმინაციურ დასასრულამდე, სტერკინის პისტოლეტის საფეთქელზე მიდებით რომ ეთამაშება სიკვდილს. თუმცა, ფილმი სრულდება წარწერით, რომ დღემდე არავინ იცის მოკლეს თუ თავი მოიკლა პრეზიდენტმა.

სამეგრელოს მთიანეთში, თეთრი ვეტმფრენით ჩაფრენილი ფილმის გმირი პრეზიდენტი ფეხებით უმაღელვლობა ტალახში, რომლიდანაც მძიმედ ამოდის და მძიმედვე გააგრძელებს გზას ზამთრის ნისლსა და ჭირხლში. ნიშანდობლივია, რომ ფილმის ეს სიუჟეტი ასახულია მოსაწვევე ბარათის სატიტულო გვერდზეც.

მას გზა და გზა უერთდება ავტომატიანი მცირე ჯგუფი. ისინი, მდეურების გამოისობით დროდადრო მონაცვლეობენ ტყეებსა და სოფლებში, თუმცა აშკარაა, რომ გზა არსაითაა, ანუ ყველგან სიკვდილის გზაა.

ფილმის გადაღება, როგორც ბატონმა ოვაშვილმა გვაუწყა, ფინანსურად და იდეოლოგიურადაც მხარდაჭერილია კულტურის მინისტრ მიხეილ გიორგაძის მხრიდან, რომელიც თავმომწონე სიტყვითაც გამოვიდა პრეზენტაციაზე და განაცხადა: ფილმის გმირი არ უნდა გავაიგივოთ ზვიად გამსახურდიასთან, მაგრამ არც უნდა დავაშოროთ მასო.

კინორეჟისორმა ოვაშვილმა, აშკარად ვერ გაართვა თავი ფილმის გმირის ფენომენს, ვერც იდეურ-პოლიტიკურ ნაწილში და ვერც, როგორც მამულიშვილისას. მან პროტოტიპიც კი ვერ შეარჩია რაიმეთი მიმსგავსებულს. საათნახვერიან ფილმში არ მონაწილეობს ცნობილი

როდესაც აზროვნება მიეჯახება ადამიანის ფიზიკურ სხეულს... და არის დატყვევებული ამ ფიზიკურ სხეულში“. ტყვეობის მდგომარეობა კი, მოგეხსენებათ, არის ადამიანის არა ნებელობითი, არამედ ძალადობრივი მდგომარეობა, რისგან გათავისუფლებისკენ ისწრაფვის ყოველი ჯანსაღი ადამიანის აზროვნება და გული.

პრომეთეს მითი, შეიძლება ითქვას, რომ პერსონიფიცირებულია ზვიადის ფენომენთანაც; პრომეთე, მოგეხსენებათ არის მკვიდრი კავკასიის მოდგმისა, რომელიც ქედზე ძალადობით მიაჯახება შემდგომ მოსული რასის წარმომადგენელმა ზევსმა...

ლი ლალატის ისტორიას კი დღემდე მწვავედ იმკის საქართველო (ტერიტორიების პერმანენტული მცოცავი ანექსიით) და ქართველი ერი.

ხილული ლალატისა და განწირულობის პირისპირ მდგარი ზვიადი (როგორც გადმოგვცემენ), საკუთარი მწარე აღსასრული ჟამსაც კი არ შეუპყრია უმწეობის ტკივილს და უღვთო ჯალათების წინაშე იგი იდგა სულიერად გაუტეხელი და გულით უდრეკი. მისი ერთადერთი ვარამი, საქართველოს შემდგომი ბედი თუ იქნებოდა მხოლოდ, რასაც მრუმე ფერებში აჩენდა ხიზულა...

ხიზულა, დამოუკიდებელი საქართველოს პირველი პრეზიდენტის, ზვიად გამსახურდიას წამებით მოკ-



ან მეტ-ნაკლებად ცნობილი არცერთი მსახიობი. მეტისმეტად კინობით როლშია წარმოდგენილი პრემიერ-მინისტრ ბესარიონ გუგუშვილის გმირი (-ანტიგმირი) სახასიათო დიდი სათვალთ და ზამთრის ტყეში თითქმის ტიტველი, რომლის ქცევები ამაზრუნენ შთაბეჭდილებას ტოვებს... ხელოვნურია ფრაგმენტული ეპიზოდი რუსი სამხედრო ემისრებისა პრეზიდენტ ზვიად გამსახურდიასადმი ულტიმატუმით, დატოვოს საქართველოს ტერიტორია...

ხიზულა, ოვაშვილისეული გააზრებით, პრეზიდენტის პიროვნული მარცხისა და უიმედობის ეპოპეაა, რომელიც თვითმკვლევლობის ბუნებრივ დასასრულამდე მიდის, თვითკრიტიკული სიტყვებით: „რამდენჯერ უნდა გავიქცე“...

ჩვენული აღქმა:

ვიდრე ხიზულას კიდევ ერთ ისტორიული ლალატის ფურცელს შევხებით, ორიოდ სიტყვით, თავად ზვიადის არქე-ტიპის წარმოჩენა დაგვჭირდება უსათუოდ; ზვიადი თავის ცნობილ ლექციურ წიგნში „საქართველოს სულიერი მისია“, პრომეთეს მითის განხილვისას ამბობს: „აზროვნების ევოლუციაში არის ის ეტაპი,

დეკემბერ-იანვრის სამხედრო-კრიმინალური გადატრიალებით სამშობლოდან განდევნილმა პრეზიდენტმა ზვიად გამსახურდიამ არ ინება კავკასიის გეოგრაფიული არეალიდან, მისი საზღვრებიდან გასვლა, უფრო შორეულ, რომელიმე ევროპულ ან დასავლურ ქვეყანაში, სადაც უფრო გარანტირებული იქნებოდა მისი სიცოცხლის უსაფრთხოება. ზვიადმა, როგორც მებრძოლმა გმირმა (პრომეთემ) განაგრძო ბრძოლა იძულებითი მდგომარეობიდან დასხნისა და სამშობლოში დაბრუნებისათვის, რათა კვლავ შებოდა და დაემარცხებინა ზევსი, ანუ იმ რეალურ პოლიტიკურ ვითარებაში, მოსული რუსული იმპერიალისტური ურჩხული.

ზვიადი, როგორც ნითელი ცენზურის 70-წლიანი ეპოქის დამსრულებელი, მე-20 საუკუნის 90-იანი წლების საქართველოში, ვერაფრით შეეგუებოდა, საქართველოს ძირძველი სამკვიდროს - აფხაზეთის კაპიტულანტურად ჩაბარებას რუსეთის ემისარ ე. შევარდნაძის მხრიდან და იგი თავგანწირვით ჩაება საქართველოს ტერიტორიული მთლიანობისათვის ომში, რისთვისაც მას, რუსულმა იმპერიალისტურმა ძალებმა განუზადეს ხიზულა. ხიზულას უღმობე-

ვდინების ადგილია მხოლოდ (როგორც პრომეთესი კავკასიის ქედზე, მაგრამ მის მიერ მოპოვებული ცეცხლი აჩირადდნებს კაცობრიობს). საქართველოს დაცემულ ღირსებას უეჭველად აღადგენს ზვიადის იდეური მემკვიდრე ქართველი ერი; ზვიადმა თავისი ისტორიული მისია - საქართველოს სახელმწიფოებრივი თავისუფლებისა და დამოუკიდებლობის აღსარულია, რაც შეუქცევადი პროცესია და რაზეც, აგერ უკვე 26 წელზე მეტია, მყარად დგას სახელმწიფო საქართველო. ზვიადმა თავის სამშობლოს და ქართველ ერს მოუპოვა თავისუფლება და აღუდგინა დამოუკიდებლობა.

მიმაჩნია, რომ ყოველმა ხელოვანმა: მხატვარმა, დრამატურგმა, კინორეჟისორმა, მოქანდაკემ, თუ მწერალმა, ამგვარი გმირული სულისკვეთებით უნდა წარმოაჩინოს ზვიადი, რადგან სწორედ ეს სულისკვეთება ასახავს ზვიადის ნამდვილ პოლიტიკურ რენომეს და არამც და არამც სიურრეალისტური ან რუტინული, როგორადაც სურთ რომ წარმოადგინონ იგი, ანუ წარმოადგინონ ზვიადი, როგორც ანტიგმირი...

ლეილა სოფია

2017 წლის 30 ნოემბერი.

ღია წერილი ტელეკედიას

დასაწყისი გვ. 4

ასე გვაფრთხილებს: „სიტყუათა შენთაგან განმართლდე და სიტყუათა შენთაგან დაისაჯო“. ენა ღვთაებრივი საუნჯეა – როგორც ბრძანა წმიდა ილია მართალმა (ჭავჭავაძემ) – და მაგას კაცი ცოდვილი ხელით არ უნდა შეეხოს! ერისა და პიროვნების კულტურა განიზომება მეტყველების კულტურის ხარისხითაც და, როცა ზეპირმეტყველების კულტურა დაეცემა, ეს აზროვნების დაბალი დონის მანიშნებელიცაა, რადგან აზროვნება და მეტყველება ერთმანეთისაგან განუყოფელია. ვინ ვართ ჩვენ დღეს? – საკუთარი დედის მაგინებელი, ბილწისტყვაობის უმძიმეს ცოდვაში ჩარჩენილი ერი! მეტი სასჯელი და უბედურება რაღა უნდა იყოს! ამიტომ წერდა თავის დროზე სულით შეძრული პოეტი ანა კალანდანიძე: „ბილწისტყვაობას ქვეყნისთვის ნარკოზიანიზე არანაკლები ზიანის მოტანა შეუძლია“. წერა და აზროვნება ერთი მთლიანი პროცესია, ლოგიკა კი დიდი ხანია აღარ გვაქვს არაფერში, ამისი ნათელი მაგალითია „ანუს“, ასე ხშირად და უკონტექსტოდ გამოყენება, ფრაზის, წინადადების, საუბრის „ანუთი“ (ძველად ე. ი - ით) დანყება, ვითომდა ლოგიკას მიყვებით, რაღაცას ვუხსნით ერთმანეთს და ვაზუსტებთ ჩვენსავე ნათქვამს.



ხშირად იცვლება სიტყვის სტანდარტი, ჟურნალისტების ზეპირმეტყველება სწრაფი, აგრესიული და არაბუნებრივი, გაუმართავი და ლარიბია. რაც დრო გადის, ვმორდებით ბუნებრივ ქართულს, დარბაისლურ მეტყველებას. მასმედიაში გაქრა ჟანრები, ყველაფერს ერთნაირი ქართულით გვიყვებიან, ინფორმაციის ენა აღარაფრით განსხვავდება რეპორტაჟის ან მონიხვევ სტატიის ენისაგან. რადგან ასეთი გაუმბრალოებული და ერთგვაროვანია ყველაფერი, ეს იმასაც ნიშნავს, რომ ენა, ზოგადად, ვეღარ ვითარდება. გადაუჭარბებლად შეიძლება ითქვას, რომ მდგომარეობა საგანგაშოა! ყველაზე უარყოფითი გავლენა თაობაზე მაინც ტელევიზიამ მოახდინა, მან ინდივიდუალურობა წაართვა და დაუკარგა ჩვენს მომავალს. ხშირად მინატურია, ვიცხოვრო იმ ქვეყანაში, რომელიც არ არის ტელეისტერია და რადიოს უფრო მეტი მსმენელი ჰყავს. ჯერ ერთი, ამდენი გაყალბებული, არაფრისმთქმელი, უნიჭო და უკულტურო სახის ყურება; მათი ცხოვრების წესის გაპიარება და ვითომ კომპეტენტური (საექსპერტო) აზრების ფრქვევა უკვე ვერანაირ კრიტიკას ვეღარ უძლებს, ამდენი გასართობი შოუპროგრამა და ტაკიმასხარა წამყვანები, რომლებსაც არც ესთეტიკა აქვთ და არც ეთიკა. მათი ვითომ „სეგეტური“ დამოკიდებულება ცხოვრების მიმართ მხოლოდ პოპულარობის სინდრომით შეპყრობილი ადამიანების უსუსურ ბორგვას მაგონებს. გარდა ამისა, ტელევიზორც საესეა სკანდალებზე აგებული გადაცემებით, სენსაციებზე, ერთობ პიკანტურსა და ინტიმურ თემებზე დასმული აქცენტებით (ჟურნალისტური პროვინციალიზმი), რომელი ერთი ჩამოვთვალო... აღარ მოგწყინდათ ამდენი ტრანსი და მაჩო; ამდენი ფსევდო და ანტი?! იქნებ განმიმართოთ ვინემ, რა ჰქვია იმ ტელეპოლიტიკას, რომელსაც აინტერებს ერთი კანონდამრღვევი თუ დაუმორჩილებელი უნიგურ-უტიფარი ქალის ცხოვრება?! როდემდე უნდა აკვირდებოდეს პიჯაკოსხმული ე. ხოფერია სხვის გარდერობს?! როდემდე ვუსმინოთ მ. ასათიანის სიბრძნისმეტყველებას, გ. ჯაფანიძის მისნობა-მჩხიბაობას, დ. სხირტლაძისა და დ. ობოლაძის ფრთიან გამოთქმებს... როდემდე უნდა დავძვრე-

ჩვეით ერთმანეთისაგან. განა ბევრია ამ ტელევიზორცეში მარი მალაზონისანაირი დარგობრივი ჟურნალისტი თავისი უმაღლესი კვალიფიკაციისა და საჭიროების გადაცემით?! თქვენთვის უფრო მნიშვნელოვანია ე. დეისაძისა და პ. ბურჭულაძის გაპიარება, ვიდრე ის, რომ ერი უსმენდეს ლ. სტურუასა და ბ. ხარაზულს, გ. დონანაშვილსა თუ ბ. ბრეგვაძეს... მეცნიერება (თავი) და ხელოვნება (გული) უნდა იყოს წარმართველი ერის ცხოვრებისა და ეს პროპორციები როგორ გაქვთ დაცული, ჩემზე უკეთ მოგესხენებათ!

ან რაზე უნდა ვილაპარაკო - მისალმება ვერ ისწავლეს წამყვანებმა. გაიძახიან: დილა მშვიდობის, საღამო მშვიდობის. კონსტრუქციის ჩამკეტი „ა“ ხმოვანი ჩაიყოლა: მშვიდობის საღამო, მაგრამ (პრეპოზიციური), შებრუნებული წყობის დროს) საღამო მშვიდობისა, დილა მშვიდობისა - ამის დამახსოვრებას მაინც რაღა უნდა, მაგრამ მასობრივი უცოდინრობა ყველგან და ყველადღერში!! სამწუხაროდ, ქალაქურობადაა მიჩნეული უცხო სიტყვების სპეციფიკური პრონონსით წარმოთქმა (ალარაფერს ვამბობ იმაზე, რომ „ფ“ თანხმოვანი დიდი ხანია F - ით ჩავანაცვლეთ), წამლერებითი ინტონაციის მოძალება, არაბუნებრივი მახვილები. თბილისელობა სკაბრეზულობასაც კარგად ირგებს და ცისფერი ეკრანებიდან დავაკანონეთ დღევანდელი მეტყველება - უვიციობისა და უნიგურობა-უკულტურობის გამოხატველი ვერბალური ნონსენსი!

მომაბეზრებელია ჟურნალისტის გამოჩენა კალმით ხელში (უხეხულობის დაძლევის უსუსრი სახეობა). რაც შეეხება გადაცემის, პროგრამის შინაარსს, ამაზე ზედმეტია საუბარი, რადგანაც კონცეპტუალურად გააზრებული, მიზეზ-შედეგობრივ კავშირებზე დაფუძნებული და შერჩეული არაა არც მთავარი თემა და არც - სათქმელი. როდემდე შეიძლება, მაგ., ი. გრიგოლია სვამდეს შეკითხვას ისე, რომ არც უსმენდეს პასუხს და, თანაც, მეორე შეკითხვად რესპოდენტის პასუხს

იყენებდეს?! დაიკარგა დილოგის კულტურა ცხოვრებაში, უფრო სწორად, განიდევენა! თავისი არსით, დილოგი ჩვენი თანაარსებობის ფორმაა, რომლის აუცილებლობა ბადებს იმის გააზრებას, რომ ამ სამყაროდან არ განიდევენოს საზრისი, უცნაური, დაუსრულებელი ინერციით არ ვიყოთ თვითტკობაში. არადა, ახლა ყველაფერი მონოლოგის რეჟიმშია გადასული. ეს არის ერთგვარი მარგინალიზაცია. „ჩვენ ვსაუბრობთ“ ნიშნავს, რომ ვუგებთ ერთმანეთს. გაგება მოსმენით იწყება და კიდევ იმის სურვილით, რასაც განსხვავებულის შემწყნარებლობა ჰქვია! გადაცემის წამყვანს დასმული არა აქვს შეკითხვა და უკვე წამებს უთვლის მოპასუხეს - ასეთ რეჟიმში შეიძლება დაიბადოს აზრი?! მასმედიის შინაარსი უნდა აკმაყოფილებდეს ობიექტური ჟურნალისტის მოთხოვნებს. ეს ელემენტარული ქეშმარიტება დღეს სასაცილოდ არ ჰყოფნის ბევრს. საქართველოში ისე წავიდა საქმე, რომ ტელევიზიებს ზედმეტი სახელებიც შეარქვეს: პატარაკიშვილის ტელევიზია, მიშას, ანუ ნაციონალურ ტელევიზიას (იგივე ხალხზე გამარჯვებული არხი), ბერას ტელევიზია და მისთ. ასეთ აჯაფანდალში დარღვეულია ყველაზე მთავარი პრინციპი: ჟურნალისტს, ბუნებრივია, ექნება პიროვნული პოზიცია თუნდაც მიმდინარე პოლიტიკური მოვლენების ირგვლივ, მაგრამ ის არ უნდა წარმოადგენდეს მხარეს (როგორც თანამედროვე საქართველოში „რუსთავი 2“ და „ტაბულა“ ან „იმედი“ და „კავკასია“) და გადაცემა უნდა იყოს ყოველთვის დაბალანსებული. რადგანაც ქართულ ტელეარხებზე ეს ფუნდამენტური უფლება, უმრავლეს შემთხვევაში, დარღვეულია, ზედმეტია იმაზე საუბარი, თუ რას და როგორ გვესაუბრებინან ცისფერი ეკრანებიდან. ტელევიზიების ენა სიძულვილითაა აღსავსე და, ნაცვლად სამოქალაქო თანხმობისა და კონსოლიდაციისა, თავად სამაუწყებლო კომპანიები ანგრევთ ერთსულლოვნებას, აპირისპირებთ მხარეებს. ადამიანები პოლიტიკურ დებატებში კი არ კბენენ ან კორტინან ერთმანეთს, არამედ უკვე ჭამენ!

ტელეინდრომი „დაიბადა“ მაშინ, როცა პირველი გადაცემა გავიდა ეთერში. ადამიანებს აქვთ დაუძლეველი სწრაფვა და სურვილი საეთერო სივრცისაკენ. განსაკუთრებით აქტიურობენ მსახიობები. ბოლო პერიოდში ბევრმა მათგანმა მოირგო ტელენამყვანის ამბულა. ძირითადად, ეს ის ნაწილია, რომელიც, სხვადასხვა მიზეზთა გამო, არაა დაკავებული თეატრში. როგორც ჩანს, მათი თვითრეალიზაციის ეს ფორმა არცთუ იშვიათადაა წარმატებული, მაგრამ ზოგიერთის ტელეეკრანისაკენ ლტოლვა, არხიდან არხზე კურდღელივით ხტომა უკვე ირონიას იწვევს. ამ ქვეყანაში არა აქვს მნიშვნელობა, ვინ რას და როგორ იტყვის. მთავარია, ტელევიზორში ჩანდე, მთავარია მეზობელი და ახლობელი, მეგობარი და ოჯახის წევრი თვალს გადავენებდეს ცისფერ ეკრანზე - დავარქვით ამასაც საზოგადოებრივი მენტალობის დეფორმაცია.

რადგანაც ცხოვრება გვიწევს დიდი საკაცობრიო კულტურული დეკადანსის პირობებში, ბუნებრივია, რომ მოთხოვნა ღირებულსა და ფასეულზე ვერ იქნება პრიორიტეტი და ტელევიზიები ზუსტად ისე იქცევიან, როგორც ამ დროს შეჰყვრის. ვის ეთმობა ასპარეზი? - მათ მიერ გაპიარებულ „ცნობად“ (უკვე გაყალბებულ) სახეებს. არხიდან არხზე ერთი და იგივე ადამიანები: ან პოლიტიკოსები (ათას პარტიგამოვლილი), ან გაცვეთილი გრძნობების, ფსევდოკულტურის მატარებელი

ქვეყნის „ელიტა“. ჩვენ წინასწარ ვიცით, ვინ რას იტყვის. პროგრამათა პროდიუსერებს ეზარებათ ახალი სახეების ძებნა, მათი გადაცემები აღარ იქნება, როგორც თავად ამბობენ, „ყურებადი“ და ვართ ამ ჭაობში. პრობლემა არის ჩვენში, ჩვენს მიდრეკილებებში, პრიორიტეტებში, ინტერესებსა და განათლების დიაპაზონში. ახლა ყველა ექსპერტია - ველარანაირ იუმორს ვეღარ უძლებს საეჭვო კვალიფიკაციის ადამიანთა გაპიარება. ქვეყანაში, სადაც კომპეტენციის სერიოზული დეფიციტია, როგორ შეიძლება ყველა დოქტორი იყოს, ვინც ორ სიტყვას დაწერს და დაბეჭდავს პუბლიცისტი ერქვას, ექსპერტის ნოდება ჰქონდეს... ნებისმიერი ქვეყნის ელიტას, უპირველესად, სამეცნიერო საზოგადოება ქმნის. ჩვენთან მეცნიერის სახელი და ღირსება ისეა შელახული, მივიწყებული, რომ მას ასევე სჯობს სცენაზე ერთხელ გასული ვაიმომღერალი.

ტელევიზიამ დაამკვიდრა უგემოვნობა და უტიფრობა, მან შექმნა გაუკულმართებული საზოგადოებრივი აზრი, ცხოვრების „სვეტური“, თანამედროვე გაგებად გამოაცხადა გარყვნილება და აღვირახსნილობა, წაგვართვა მშობლიური ენის კულტურა, გაგვიყალბა ისტორია, დაგვინგრა ტრადიცია, დანერგა ეროვნული ნიჰილიზმი, გამოგვათავყვანა, გვაქცია პოლიტიკური ავანტიურის მსხვერპლად... ცხოვრება გადის ერთად ფექრსა და განსჯაში კი არა, - ლაყბობაში, რომელიც უმალ გადაიზრდება უხამსობასა და დაპირისპირებაში. ორი განსხვავებული პოზიცია ერთად ვერ თანაარსებობს. სხვისი აზრის ბოლომდე მოსმენა, ალქმა, გაგება და ინტერპრეტაცია დიდ პრობლემად იქცა. ყველა დეტალში აგრესია იკვეთება - ესაა პოლიტიკური ტოკმოუების მახასიათებელი.

ასეთ პირობებში, ასეთ სოციო-კულტურულ სივრცეში სანთლითაა საძებნი ანალიტიკური, შემეცნებითი, ისეთი გადაცემები, რომლებიც ხელს შეუწყობენ გონების მოვლემარე ფაზაში მყოფი ხალხის გამოცოცხლებას, ჯანსაღი საზოგადოებრივი აზრის შექმნას, ეროვნულ-სახელმწიფოებრივი ცნობიერების ჩამოყალიბებას, მაღალი იდეალებისა და ღირებულებების დამკვიდრებას (ამას ესწრაფვის „ერთსულლოვნება“, მაგრამ მკაცრად რეგლამენტირებული იდეოლოგიით).

მთავარია, ტელეარხებმა გააცნობიეროთ თქვენი მისია, მნიშვნელობა სამოქალაქო საზოგადოების ჩამოყალიბების საქმეში, გესმოდეთ ის რისკები, რომლებიც თან სდევს საეთერო ცხოვრებას, რომ ბოროტება ძალიან ხშირად სიკეთის ლოზუნგით ცდილობს გზის გაკაფვას, რომ ეკრანიდან სხვათა დაცინვით, ლანძღვით, სიძულვილის ენით საუბრის საშუალება არ მიეცეს არავის. ასევე, მნიშვნელოვანია იმის გააზრება, რომ ვინროპარტიული თუ სახელისუფლებო ინტერესები ვერ შეინიღბოს ხალხის სახელით. ძალიან მინდა, რომ ტელევიზიები მასაზე კი არა, პიროვნებაზე იყოს ორიენტირებული.

საზოგადოება არჩევს პირისპირ დგას: ან უარი უნდა თქვას ტელეისტერიაზე, ან უყუროს ტოკმოუებს, პარლამენტის სხდომებს, პოლიტიკურ დებატებს, გადაერთოს სერიალების დაუმთავრებელ ნაკადებზე, ღამის გასართობ შოუებზე... და არ იკითხოთ, არ იფიქროს, არ განმარტოვდეს საკუთარ თავთან, იცხოვროს სხვისი ცხოვრებით, ინტრგით, ჭორით, სკანდალებით...

ძვირფასო ტელემედიო!!! იქნებ რამე შეცვალოთ თქვენი პოლიტიკაში და ხელი შეუწყოთ სამოქალაქო საზოგადოების განვითარებას, ეროვნულ-სახელმწიფოებრივი ცნობიერების ამაღლებას და ფასეულობების დამკვიდრებას!

საპა მამბრევილი

ლიტერატურული ბვირდი



სპარიონ ნალირაძე

ზვიადს

დიდგორის ქარი საქართველოს გმირებს დაითვლის ბაგრატის ტაძრის კედლებიდან გალობს დავითი

ნაბიჯების ხმა, ტყვიის სროლა-ის დაჭრილია..... წინამურიდან გაგვალვითებს დღესაც ილია...

ხევიხევ მთებში, მისდევს რაინდს მელა წყვიდადის.... მაგრამ სიბნელეს გაანათებს კვარი ზვიადი...

დიდგორის ქარი საქართველოს გმირებს დაითვლის ბაგრატის ტაძრის კედლებიდან გალობს დავითი.

ძვილი თიბა

ძველი თემაა ქამი და სემი, აქ შეუყვარდა ადამი ევას, გორგასალსა ჰვავს ქალაქი ჩემი, ხოლო ქუჩები ცხენების რემას...

კლდის ქიხს მაგონებს ამაყი ხედი, პერგამენტს ქსოვენ მათე და ლუკა, აქ წარღვნი მერე მოფრინდა მტრედი და არ დაბრუნდა ნოესთან, უკან...

ჰვანან დღეები გაფრენილ ქედნებს, ცა მეტყველია წვიმების ბროლით, და დედამინის ცარციან კედლებს მოარგო ტალღამ ფრაზა და როლი,...

ისევ ღრუბლების იარუსს შევრჩი, მზეს ოქროსფერი უჭირავს თარი,

და მობარბაცე ხეების წრეში ჩრდილების თეატრს აცოცხლებს ქარი...

მშორი მგლები

დილით მშიერ მგლებს აღვიძებენ კაცები თოფით და კერიაზე დაბრუნება რადგან წესია, თონეებად და მონასტრებად შეზრდია სოფლებს, რაც გლეხის ხელებს ხნულში თიხა დაუთესია...

რადგან მეფენი ეცემიან, ჟამი კი მეფობს და სევდის ხავსი ეჭიდება სასახლის ფანტომს... დრო ფქვავს საკუთარ ფოტოსურათს - წარსულის ექოს და პეშვით, როგორც პურის თავთავს, გზადაგზა ფანტავს...

ჩვენს დროში კუმტად იცინიან მოცარტზე, ვერდზე, თითქოს ბოთლიდან ამოუშვეს ერთად ჯინები, რკინის ჟირაფებს აძოვებენ ქალაქის მკერდზე გოლიათივით ამოზრდილი ცათამბვჯენები..

დილით მშიერ მგლებს აღვიძებენ კაცები თოფით და კერიაზე დაბრუნება რადგან წესია, თონეებად და მონასტრებად შეზრდია სოფლებს, რაც გლეხის ხელებს ხნულში თიხა დაუთესია...

ორი მშლილი

ერთად დადიან-იტყვის მავანი და გვერდს ჩაუვლის ორი შემლილი-ლექსი, ჩემსავით ამპარტავანი, მე, სუსტი ყველა ჩემი ლექსივით.

სარკესთან ისევ პირისპირ დავრჩი, როგორ დამეტყო შფოთი და დაღლა, ვერ მოვიშორე მათხოვრის ჩაჩი, ვერ მოვიშუშე მასხარის დამლა...

ნეტავი ცოტაც გამაძლებინა, ზაფხული ქმინავს სიცხის დილეით, ლარზე გაბმული ნაგაზებივით წრეებს უვლიან

სახლებს ჩრდილები...

სულ პანანინა ლაქა ვარ მელნის, ისევ ღრუბლიან ფურცლებს ვერვევი, გალუმპული მაქვს წვიმებით მხრები და გუბები დამაქვს პეშვებით...

ბილიკს შეაცვდა ჩემი ღიმილი, მაკრთობს სანუთროს სახე ტიალი, და მონანიე პილიგრიმივით ლექსიდან ლექსში დავხეტიალობ...

შრილებს პალმა თუ პაპირუსი, ზღვა ლელავს, როგორც ლექსის სტრიქონი და ცდილობს ტალღა სანაპიროზე ყველაზე ძველი კენჭი იპოვოს.

ცაზე მთვარეა - ღამის არაბი, თეთრი ცხენით და ცხელი მითებით, ვარსკვლავებს შორის თრთოლვით გავაბი ლექსები - ჩემი ბენვის ხიდები...

შენიღბულია ისევ დარბაზი, ისევ ღიმილი მტკივა ბაგეზე და შიშით ხელში, როგორც ჯამბაზი, ისე გაავდივარ სიტყვის ბაგორზე...

ივამლი

ისევ ამოდის კვამლი ბუხრიდან, ზამთარიც თოვლის ზღაპარს ამთავრებს და სავსე მთვარეს ვერცხლის ბუდიდან გზადაგზა სტაცებს ქარი ვარსკვლავებს...

მთა არ მინახავს ასე გულდიდა, ცა არ მინახავს ასე მარტივი და გაზაფხული ოქროს ბუდიდან მზეს დაუვარდა ჩიტის ბარტყივით...

ღდა სახლშია

ის ღამე უნდა თეთრად მეთია, იქ ვარსკვლავები იყვნენ მცველები,

ცივ სამარეში ვერ ჩაეტია და სახლში დარჩა დედას ხელები...

ლამეს ვჭვრეტ მთვარის თასით გაღე-შილს და ემატება ტკივილს ტკივილი, ვერ ჩაეტია ცივ სასახლეში და სახლში დარჩა დედას ღიმილი...

მხრებით ტკივილი მიმაქვს ქარიქარ, ცივ სუდარაში გამოხვეული, ვერ გაეტია ჩახსნილ კარიდან და სახლში დარჩა დედას სხეული...

ბორცვი მარტოა ახლა სრულიად, და მეც მშვიდი ვარ ახლა სრულებით და რადგან სახლი დედის სულია მათობს საკმევლის ნელი სურნელით...

ვყბი

მე დამაგუბეს და ახლა ტანზე, ჩვეულებრივი ხავსი მედება, მესვრიან კენჭებს და ვტოვებ ხაზებს, სიურეალურ შემოქმედებას... ჩვენში მარტივად იცვლიან როლებს აუღელვებლად, როგორც იციან, მესვრიან ქვებს და ითვლიან რგოლებს, ფსევდობსტრაქტულ კომპოზიციას...

რად გამახსენა ქაობმა ბროდსკი, ან ამ შეხვედრას ნეტავ რა ჰქვია?!... მესვრიან ლოდს და იზრდება ბორცვი, ფუტურისტული ეპიტაფია...

მე დამაგუბეს და ახლა ტანზე, ჩვეულებრივი ხავსი მედება, მესვრიან კენჭებს და ვტოვებ ხაზებს, სიურეალურ შემოქმედებას...

ყუნაური სვლში

მზე დილიდან ისევ სათევზაოდ ნავა, ღრუბელი აქვს ბადედ ხელში აკეცილი, ახლა მეტყვის კლდეც ქიმზე შემდგარ ქალაქს მტკვარში გადაკიდებს ძველი ანკესივით...

ჩქერში ჭანრის ქვრით ერთად დავიღლებით, მეც მაქვს ჩემი ხერხი, უცნაური სვლები, ეს სახლები ახლა თავის აივნებით, ანკესს გამოვავი როგორც ტივტივები...

ამ ქალაქში ლექსთან ერთად დავიბადე და მადლობის ნიშნად ცისკენ ვინვდი ხელებს, მტკვრის ჩქერებში გაშლის მზეც სულ მალე ბადეს და თბილისთან ერთად ფეხებს დაისველებს...

მზე დილიდან ისევ სათევზაოდ ნავა, ღრუბელი აქვს ბადედ ხელში აკეცილი,

ლიტერატურული ბზმერდი

ახლა მეტყვის კლდეც ქიმზე შემდგარ ქალაქს მტკვარში გადაკიდებს ძველი ანკესივით...

ვარსული ფრინველები

ტყვის წვიმებმა გაგვანებოვრა, გასასვლელს ვეძებთ დენთის ზამთრიდან, ჩვენ გარეული ფრინველები ვართ, და თოფის ლულებს შორის დაფერინავთ...

უჩინარდება დღე უდროულო, მიმწურში მტვრიან თვალებს აცეცებ და ჩიტისფერი წვიმა პოულობს ქარში დაფანტულ გულის ნამცეცებს...

ნოტებს ეხები მხოლოდ თითებით, განიცდი ზარებს დაუფრეკავებს, გარს გახვევია წვიმის ჩიტები და ნაწილ-ნაწილ შენს გულს კენკავენ...

ისევ ბებერი მთვარე აყეფდა, ისევ გაიხსნა, ისევ გეტკინა, იმდენჯერ დაგწყდა გული ამ ქვეყნად, რომ ფეთქავს მხოლოდ წყვეტილ-წყვეტილად...

ტყვის წვიმებმა გაგვანებოვრა, გასასვლელს ვეძებთ დენთის ზამთრიდან,

ჩვენ გარეული ფრინველები ვართ, და თოფის ლულებს შორის დაფერინავთ...

შპოდგობა დაიღალა

ზღვა დილიდან აფერადებს აფრებს ლილით, ბავშვობიდან ჰყვარებია როდენს ბია, და ფოთლები ტოტებიდან აფრენილნი, ჩიტებივით მინდორ-მინდორ გროვდებიან...

ასავსავეს მეძებარი „გადა“ ენას, სიცივესაც მოეხალა აპათია, თბილ ქვეყნებში უნდათ ფოთლებს გადაფრენა, ზამთარი კი თოფს უმიზნებს საფანტისანს...

კვლავ თოვლიან ამინდებზე გვაფრთხილებენ, სველ ტოტებზე გადაკიდებს ქარი ფრაზებს, წეროებმაც ოქროსფერი მარხილებით შემოდგომა თბილ ქვეყნებში გაიტაცეს...

ზღვა დილიდან აფერადებს აფრებს ლილით, ბავშვობიდან ჰყვარებია როდენს ბია, და ფოთლები ტოტებიდან აფრენილნი, ჩიტებივით მინდორ-მინდორ გროვდებიან...

შპოდგობა

ისევ ამინდები დგება რუხი, ვაზი ჩამოკრიფეს სადაფებად, წვალობს შემოდგომაც ოქროს კრუხი, ფოთლებს რომ ასწავლოს გადაფრენა... წარსულს ჩაბარდება მწვანე მითი, ხეებს ვაყურადებ ნოტებიანს, მალე ოქროსფერი დედა ჩიტე, ფოთლებს წამოაფრენს ტოტებიდან...

მღვპარი და მნაშავე

თურმე სანოლი ჩემთვის უკვე გაუფენიათ, დღეს ლექსს ვამთავრებ უჩვეულოდ, წერტილ - მძიმეთი, ნეტავ შენს ყეფას ლომის ძალა ჰქონდეს ფინია, შენ ხომ არ იცი როგორ მშვიდად დავიძინებდი...

მიყვარს თბილისის ყველა ქუჩა, ყველა აღმართი, აქ ქარაც ძველი აშულია, დუღუკზე კენესის, სხვისი არ ვიცი, მე სამშობლო რომ ვერ წამართვან ნიგნში ჩაუხატე, ცხრა ურდული დავადე ლექსის...

უნდა მოვუშვა უკვე წვერი, როგორც მგოსანმა, და ჩემი ფოტო ჟურნალ-ჟურნალ გავაპირო, ჩვენს დროში ლექსზე უმთავრესი რადგან პოზაა, მე ვტყვავ კალამს და ექსცენტრულს ესწავლობ სიარულს...

მელნის კაცები მელნის ღრუბლებს ისევ სერავენ, ისევ ნიღბებით იკავებენ მელნის იარუსს, დღეს ვის რად უნდა წრფელი წიგნი, კარგი მწერალი, მთავარი არის შეგფუთონ და გაგაპირონ...

ველარ იტყვენ ეს კედლები დღეს ცრუ დაინჩებს, ქუჩებში ურჩად იხახიან თეთრზე შავია, მე ვხვდები როცა მატყუებენ, მაგრამ არ ვიმჩნევ, სწორედ ამიტომ მეც მღვპარე დამნაშავე ვარ...

თურმე სანოლი ჩემთვის უკვე გაუფენიათ, დღეს ლექსს ვამთავრებ უჩვეულოდ, წერტილ - მძიმეთი, ნეტავ შენს ყეფას ლომის ძალა ჰქონდეს ფინია, შენ ხომ არ იცი როგორ მშვიდად დავიძინებდი.

ლელა მამონია



ამარკორდი (იმერულად)

ბებიაჩემს ტირისდენში სტუმრობდა ერთი საყულიელი ნათესავი, მარუსია კვერნაძე, ნამეტნავად შეუხედავი, ხმელი და გაფშიკული ქალი მაგრამ უფლისმიერ სათნობასთან და გამრჯელობასთან ერთად, საოცრად მონესრიგებული და პენიანი გახლდათ...

მე კი სულ მეგონა, რომ საყულია რალაც უცნაური, ჰიბრიდული არსებების, (ფრინ-

ველ-ცხოველა) „ყულების“ სამყოფელი იყო, ან თუნდაც „ყულარიების“ ან საყურყუმალავო რაიმე, კამკამა წყალ-გუბებით, ნალკოტ-ბალნარის ტიპის „ალთქმული“ მინა... ბებიაჩემი სულ მარუსიას ქებაში იყო: „აი ნახეთ მამისეული პალტო დღემდე გაუხდელად აცვია და თუ ახალივით

არ არისო „ამბობდა, მარუსიას მამა კი სალორის ტყეში, ჩემს დიდ ბაბუასთან ერთად, ბოლშევიკების სასაკლაოზე, ერთ ღრმა და უთვალო ორმოში განისვენებდა...

ჩუმად იცოდა შემოსვლა „ხალხის მტერის“ შთამომავალმა, და გადაუჭარბებლად ვიტყვი, რომ ცოცხალი უცხოპლანეტელი სახე-იერი ნამდვილად არ შემეშლებოდა. ღრმად ჩამჯდარი „ყურყუმელა“ თვალეზი, ჩახმახზე შეყენებული მზერა-მტყორცნით, ოდნავ შიშვენიული გამო-მეტყველებით,

თხელი, ცვილისფერი სახე, ნაჯახით „გამოჯღვარკული“ ყვრიმალეები, ძაფივით გადაჭიმული, უფერული ტუჩები და ოთხკუთხედი, მამაკაცური ნიკაპი...

თავზე „კასინკა-მუზარადი“, აუცილებელი შტრიხი, ყრონტთან ისე მჭიდროდ გამონასკვეული, რომ იფიქრებდით, რა ასუნთქებს ამ გაჭივრებულსო...

მიმრეც-მომრეცი თანკბილვით და მაინც ისე მზეუკლები... ბუნდოვნად მახსოვს მაგრამ მარუსია არასოდეს მინახავს შილიფად ჩაცმული,

თითქოს ზამთარს ელოდაო, რომ ისევ ღირსეულად წარმდგარიყო ჩვენს წინაშე, თავისი უმნიკვლო „ფარაჯა-პალტოთი“ და ბებიაჩემი ისევ საქებრად მოემართა... (ან სულაც ამ პალტოთი დაბადებულა)

მარუსიას შემართული აღნაგობა ნამდვილად მოგაგონებდათ თავდადებაზე გამონართობილი ჯარისკაცის მზადყოფნას, მარუსია-ყულია კვერნაძე!!!

ჰაიტ! მოგეცა ღზენა არ დაგიმალავთ და ეს ქალბატონი ცოტა ეჭვის თვალით მიყურებდა, იმიტომ რომ ნუთში ხუთჯერ ვიცვლიდი კაბებს და ჭრელო-პეპელასავით ვუფარფატებდი ცხვირწინ ...

ჩამოგვიტანდა თეთრ, გაკრახმალეულ „ტომსიკებში“ გამოკრულ, ქუთქუთა, დარჩეულ ნიგოზს,

საშუალო ზომის ქილებში, საოცარი ფერის თაფლს, აი ჩემი ბავშვობის ფერისა, გამშრალ კუნელს, ბებიაჩემის პაროქსიზმებთან საბრძოლველად, კონახურსა და ვადკაჭაჭას...

ოდნავ ყურსაც აკლდა და ჩემთვის ვიცოდი ჩალაპარაკება- „საყულია-საყულია“, მარუსია კვერნა და ა.შ.

როგორ შეიძლება ერთი პალტო ატარო ორმოცი წელიწადი და არ გაცვითო, თვალისმომჭრელი სილაპლაპე და პენი არ დაუკარგო, არ გამოუყვანო წირვა?

რა ფენომენია ეს? მიჩემებ-ამოჩემებულობა? ჯინაზე მოქცევა? უქონელობა?

არ ვიცი, ახლა ვფიქრობ, ალბათ მისი ეს უინმომრეობა უფრო პოლიტიკურ ხასიათს ატარებდა, როგორც ძვირფასი მამის ხსოვნას და მიჯინებული სიყვარულის აკვიატებას...

ბებიაჩემი თვალებს მიპაჭუნებდა, მანიშნებდა არ შეგამჩნიოს ოხუნჯობაო, არ ეწყინოსო,

მე კი ჩემსას არ ვიშლიდი და ჩუმად მივაყოლებდი ისევ: -„საყულია-საყულია“

„მარუსია კვერნა“ „მარუსია კვერნა“ რა უცნაურად მომაგონდა ამ სალამოს, „სტაჟიანი“ მიცვალებული იქნება ახლა. ალბათ, იმ პალტოთი დამარხეს, ან იქნებ ჩემს ხსოვნაში დაუდევს სამარადუა-მო სამყოფელი... არ ვიცი!

ივანე ჯავახიშვილის პირადი და ილუზორი ურთიერთობანი ილია ჭავჭავაძესთან



1907 წლის, 12 სექტემბერს, როდესაც ილია მოკლეს, მაშინ ივანე ჯავახიშვილი 31 წლის იყო. იგი, ბოლო 12 წლის განმავლობაში, ძირითადად პეტერბურგში ცხოვრობდა, მაგრამ სახელმწიფო ისტორიკოსი დრო და დრო თბილისში ჩამოდიოდა ხოლმე. თვითონ ილიასაც, სახელმწიფო საბჭოს წევრად არჩევის გამო, რუსეთის იმპერიის სატახტო ქალაქში 1906-7 წლებში ხშირად უხდებოდა



ყოფნა. თბილისის პირველ გიმნაზიაში სწავლისას, ივანე ჯავახიშვილს, ცხადია, ყოველ შემთხვევაში, იდეური ურთიერთობანი ექნებოდა დიდ მოაზროვნესა და ეროვნულ მოღვაწესთან. თავიანთი ძირეული მისწრაფებებითა და მსოფლმხედველობით ამ ორ პიროვნებას ბევრი რამ ჰქონდა საერთო. ივანე ჯავახიშვილის მსოფლმხედველობა, ილიასა და სხვა გამოჩენილი სამოციანელების იდეების ზემოქმედებით ჩამოყალიბდა უთუოდ.

გიმნაზიაში სწავლისას, ყმანვილი ივანე ჯავახიშვილი დიდად იყო ჩახედული ქართულ პრესას. ჯერ გიმნაზიისა და შემდეგ პეტერბურგის უნივერსიტეტში მისი მეგობარი ივანე ნიჟარაძე იგონებდა: „ჩემის თვალთ მინახავს, როგორ ცდილობდნენ ძმები: ვანო, გიორგი, მიშა და დათა უფრო ადრე ნაეკითხათ ქართული ჟურნალ-გაზეთები, ვიდრე შეუდგებოდნენ გიმნაზიის გაკვეთილების შესწავლას“, რადგან, ერთადერთი, ამ პერიოდის გამო თუ ხდებოდა დავა-კამათი და-ძმათა შორის,

სახელდობრ როგორ დაედგინათ მისი ნაკითხვის რიგითობა“.

უჩუქველია, რომ ქართულ პერიოდიკაში ივანე ჯავახიშვილს, ყველაზე დიდ ინტერესს, ილია ჭავჭავაძისეული „ივერია“ აღუძრავდა. 1897 წელს, უკვე პეტერბურგის უნივერსიტეტში სწავლისას, ივანე ჯავახიშვილმა შეადგინა ბიბლიოგრაფია „ივერიის“ წინა ათი წლის (1886-1896) მიხედვით. პეტერბურგში სტუდენტ ივანე ჯავახიშვილს ოჯახიდან ხშირად უგზავნიდნენ ქართულ ჟურნალ-გაზეთებს, რომელთა შორისაც „ივერიას“ გამოჩენილი ადგილი ეკავა. ამ გაზეთის რედაქციის თანამშრომლებსაც მხედველობის არედან არ გამოჰპარვიათ დიდი იმედის მომცემი ახალგაზრდა და მის შესახებ გაზეთში ხშირად აქვეყნებდნენ მასალას. 1898 წლის 13 ოქტომბრის ნომერში „ივერია“ იუნყებოდა, რომ სტუდენტმა ივანე ჯავახიშვილმა რუსულ ენაზე თარგმნა „სიბრძნე ბალავარისა“. ამავე წლის 11 ნოემბერს გაზეთი იტყობინებოდა თხუთმეტი ქართველის მიერ პეტერბურგის უნივერსიტეტში სწავლის დამთავრებას და ამათგან ივანე ჯავახიშვილის დატოვებას აღმოსავლური ენების ფაკულტეტზე „ივერიაში“ პირველ გვერდზე მოათავსა ცნობა ივანე ჯავახიშვილის ოქროს მედლით დაჯილდოვების შესახებ. 1902 წლის 16 ივნისს გაზეთი იუნყება ნიკო მარისა და ივანე ჯავახიშვილის გამგზავრების შესახებ პალესტინაში, რათა შეესწავლათ ძველი ქართული ძეგლები. 24 აგვისტოს კი „ივერია“ საზოგადოებრიობას აუნყებს ორი სწავლულის დაბრუნებას პალესტინიდან.

1906 წლის აპრილში, როდესაც ილია სახელმწიფო საბჭოს წევრად აირჩიეს, თვითონ ივანე ჯავახიშვილის გადმოცემით, პეტერბურგში ილიას ჩასვლისას იქაურ ქართველობას მისთვის შეხვედრა-ბანკეტი გაუმართავთ. ბანკეტს დასწრებიან ივანე ჯავახიშვილი, ლუარსაბ ანდრონიკაშვილი, სპირიდონ ვირსალაძე და სხვანი. ლუარსაბ ანდრონიკაშვილს ილიასათვის ჩინებული სიტყვით მიუმართავს, რაზედაც ილიას საკმაოდ ვრცლად უპასუხნია. ივანე ჯავახიშვილს კარგად დახსომებია მისი პირველი ფრაზა: „ქართველები ბედოვლათები ვართ ქებაშიც და ძაგებაშიც“-ო. ე.ი. იგულისხმება, რომ ჩვენ ზომიერებას ვერ ვიცავთ ვერანაირი მიმართულებით. თუ ამჯერად ილია ჭავჭავაძის ქება-დიდება მოისმინა, მეორე მხრივ, განსაკუთრებით, ამ პერიოდში, ასევე უზომოდ ძაგებაც ხშირად სმენია ქართველი სოციალ-დემოკრატებისაგან, როგორც მენშევიკების, ისე ბოლშევიკების მხრიდან.

1907 წლის 7 იანვარს, თბილისის საკრებულოში თუ არტისტული საზოგადოების სახლში, ივანე ჯავახიშვილმა ნაიკითხა მოხსენება, სახელწოდებით: „საქართველოს ეკონომიკური ისტორია უძველესი დროიდან მე-18 საუკუნემდე“. როგორც გაზეთი „ისარი“ გვაუწყებს, აღნიშნულმა ლექციამ დიდძალი საზოგადოება მიიზიდა და ბევრიც გაბრუნდა უადგილობის გამო. ამავე

გაზეთში იგივე საკითხს კომენტარს უკეთებდა ცნობილი ისტორიკოსი და საზოგადო მოღვაწე ალექსანდრე ყიფშიძე. საინტერესოა, რომ ივანე ჯავახიშვილის ამ ლექციას დასწრებია ილია ჭავჭავაძე. ივანე ჯავახიშვილი და ილია ჭავჭავაძე კვლავ შეხვდნენ ერთმანეთს პეტერბურგში 1907 წლის ზაფხულში. ივანე ჯავახიშვილის მოგონებით, ილიას, როცა იგი აქ ჩამოსულა სახელმწიფო საბჭოს არჩევითი წევრის ამპლუაში, ერთ-ერთი შეხვედრისას მისთვის უთქვამს: გადანყვეტილი მაქვს დავწერო წიგნი კოოპერაციაზე და საამისოდ მუშაობას უკვე შევუდექი. მაინტერესებს, იყო თუ არა ამის მსგავსი რამ ჩვენს წარსულში. როდესაც ივანე ჯავახიშვილს უთქვამს, რომ საამისო ისტორიული ფაქტები საკმაოდ მოიპოვებოდაო, ილიას ასეთი წინადადება შეუთავაზებია: იკისრეთ თქვენ ამ საერთო წიგნისათვის ისტორიული ნაწილის დანერა, ხოლო თანამედროვე ვითარებაზე მე დავწერო. ამ შემთავაზებას ივანე ჯავახიშვილი დასთანხმებია.

პეტერბურგის უნივერსიტეტის ქართული სამეცნიერო წრის წევრებს ივანე ჯავახიშვილი, როგორც ამ წრის ხელმძღვანელი, დავალებას აძლევდა თითოეული მათგანის მშობლიური კუთხის მასალების მიხედვით ასეთი საკითხიც დაემუშავენინათ, როგორია გლენთა შორის შრომაში ურთიერთდახმარების ფორმები? სასურველი იყო დანვრისელებითი ცნობები. გაჩნდა შესაძლებლობა ერთი კონკრეტული საკითხის თაობაზე ორ მოღვაწეს - ერთს ისტორიის ასპარეზიდან უკვე მიმავალს, ხოლო მეორეს - მომავალს ერთად ემუშავათ. საერთოდაც, რა ნაკლოვანებასაც მშვენივრად აცნობიერებდა ილია - საქართველოს ისტორიის ახლებურად, თანამედროვე მეცნიერებისა და აზროვნების დნეზე გაუმართაობას, იმას უკვე თანდათანობით ავსებდა ივანე ჯავახიშვილი.

ილიასა და ივანე ჯავახიშვილის ურთიერთობა უფრო მჭიდრო ხასიათს მიიღებდა, მაგრამ დიდი ქართველის სიცოცხლის ხელყოფამ გამორიცხა ამის შესაძლებლობა. ამიერიდან, ჩვენს ხელთაა სხვა ფაქტები, რომლებიც ადასტურებენ ივანე ჯავახიშვილის, ილიას ყველაზე გამოჩენილი სულიერი მეგობრის მცდელობას, უკვდავყოს დიდი წინაპრის ხსოვნა. ილიას დასაფლავებისთანავე, 1907 წლის 9 სექტემბერს, საქართველოს სხვადასხვა კუთხიდან ჩამოსულმა და თბილისის წარმომადგენლებმა მოიწვიეს კრება, რომელზეც დაადგინეს შეგროვებინათ ფული ილიას სახელის უკვდავსაყოფად, კერძოდ, მისი ძეგლის დადგმა თბილისის მთავარ მოედანზე. ამ საქმის მოგვარება ითავა „ქართველთა შორის წერა-კითხვის გამავრცელებელმა საზოგადოებამ“, რომელმაც სპეციალური კომისია შექმნა, რომლის ერთ-ერთ წევრად აირჩიეს ივანე ჯავახიშვილიც. 1910 წელს პარიზიდან ჩამოიტანეს იაკობ ნიკოლაძის მიერ შესრულებული ქანდაკება, ივანე ჯავახიშვილმა

მოიწონა თვით მონუმენტი, მაგრამ წინააღმდეგი იყო მისი არქიტექტურული გადანყვეტისა. ჯავახიშვილი აღნიშნავდა პ. მამრადის აგებული ნიშის შეუფერებლობას ქართულ ხუროთმოძღვრებასთან. ამგვარი ნაგებობის აშენება სრულიად მცდარი და დასახული მიზნისათვის არადაამაყმაყოფილებელი იქნებოდა. შენიშვნა კომისიამ გაითვალისწინა, რამაც გარკვეული დროით გადანია ილიას ძეგლის დადგმა. 1913 წლის პირველ აპრილს კომისიამ საბოლოოდ მოიწონა ძეგლი, რომელიც მომდევნო თვის ხუთ რიცხვში გაიხსნა: „მწუხარე საქართველო“. კომისიის აზრით, მომავალში უნდა შესრულებულიყო უფრო უკეთესი ქანდაკება და დადგმულიყო უფრო შესაფერის ადგილას.

ივანე ჯავახიშვილი კრიტიკულად იყო განწყობილი გიგო ყიფშიძის მიერ დანერგილი ილიას ბიოგრაფიისადმი; იგი წერდა: „გ. ყიფშიძის დანერგის ბიოგრაფიის შესახებ მე მაშინაც მოგახსენეთ, რომ ილიას დიდებულს ღვანლს არ შეეფერება და მის სულიერს განვითარებას არ გვისურათებს; თუ ეხლაც იმნაირივე დარჩა, რასაკვირველია, მეც სუსტად



ჩავთვლიდი“. მან მშვენივრად იცოდა, თუ ვის ხელენიფებოდა ყველაზე უკეთ აღნიშნული ამოცანის აღსრულება: „საუბედუროდ ის, ვისაც ყველაზე კარგად შეეძლო ილიას ბიოგრაფიის დანერა, არჩილ ჯორჯაძე, სამარეში დევს!.. ესეც ჩვენი ბედი!...“

1915 წელს დაიბეჭდა ქართულ სტუდენტთა სამეცნიერო წრის კრებული, სადაც გიორგი ჭუბაბრიას წერილში განხილულია მოქალაქეობრივი ჰანგები ილია ჭავჭავაძის ნაშრომებში. კრებულის წინასიტყვაობაში რედაქტორი ივანე ჯავახიშვილი აღნიშნავდა, რომ ეს წერილი მიძღვნილია „იმ მოღვაწის შემოქმედებისადმი - ილია ჭავჭავაძისადმი, რომლის ღვანლი ახალი საქართველოს წინაშე განუზომელია“.

ივანე ჯავახიშვილი დიდად განიცდიდა ქართველი სოციალ-დემოკრატების ნიჰილისტურ დამოკიდებულებას ილიას მიმართ: „თუ თავდაპირველად ილია ჭავჭავაძე ახალი ქართული მწერლობისა და ქართულთა საზოგადოებრივი აზრის უცილობელ ბელადად ითვლებოდა, წარსული საუკუნის დამლევი თვან

ივანე ჯავახიშვილის პირადი და ილუზორი ურთიერთობანი ილია ჭავჭავაძესთან

მოყოლებული, როგორც ცნობილია, თავი იჩინა ისეთმა მიმართულებამ, რომელიც არამცთუ საზოგადოებრივი აზრის მის ბელადობას სრულებით უარყოფდა და მიწასთან გასწორებას ცდილობდა, არამედ პოეზიის დარგშიც კი მისი ღვანლის მთლიანად გაქარწყლებას ლამობდა. ასე გრძელდებოდა, სანამ 1936 წლის „პრაგმა“ 4 სექტემბრის ნომერში გამოქვეყნებული სტატიით სათავე არ დაედო დიდ შემობრუნებას ილიას გაგებისა და პროპაგანდის საქმეში. ივანე ჯავახიშვილი ახლა უკვე კმაყოფილების გრძნობით აღნიშნავდა: „საბედნიეროდ, ამ უმაგალითო უმადურობას უკვე საბოლოოდ ბოლო მოელოდა, უეჭველია, მთელი საქართველო გულწრფელ მადლობას უძღვნის იმას, ვისი წყალობითაც ეს საშინელი უსამართლობა მოსპობილია და ლია ჭავჭავაძის დიდი ღვანლიც საქართველოს წინაშე ღირსეულად შეფასებულია („პრაგმა“ 4.09.1936). ცხადია იგულისხმება სტალინის გარკვეული დამსახურება, რომლის წყალობითაც, სხვათაშორის, გადარჩა თვითონ ივანე ჯავახიშვილიც.

1937 წელს საბჭოთა კავშირში ფართოდ აღინიშნა ილიას დაბადების ასი წლის იუბილე. ამ მოვლენას დიდი ენთუზიაზმით გამოეხმაურა ივანე ჯავახიშვილიც, რომელმაც საჯარო სხდომაზე წაიკითხა მოხ-

სენება „ილია ჭავჭავაძე და საქართველოს ისტორია“. მოხსენების თაობაზე ივანე ჯავახიშვილი ვარლამ დონდუასადმი გაგზავნილ წერილში უდიდესი კმაყოფილებით აღნიშნავდა: „გუშინწინ მოვიხადე ილია ჭავჭავაძის ხსოვნის წინაშე ვალი და აქაური ფილიალის სხდომაზე წავიკითხე მოხსენება „ილია ჭავჭავაძე და საქართველოს ისტორია“, რომელზედაც ამ უკანასკნელ დროში ვმუშაობდი, რომელშიც აღნიშნული მაქვს ის დიდი ღვანლი, მას რომ ამ დარგში მიუძღვის. მოხსენებელი არ იშურებდა ეპითეტებს ილიას მიმართ, მას მოიხსენიებდა როგორც „ჩვენს დაუფინყარ მოამაგეს“, „ქართული საზოგადოებრივი აზრის მესაჭეს“, „ჩვენს დიდებულ მგოსანსა და პუბლიცისტს“. მოხსენებაში ცალ-ცალკეა განხილული ილიას ზოგად-ისტორიული კონცეფცია და მეთოდოლოგიური შეხედულებანი. აღნიშნულია ილიას რევოლუციური მიდგომა საქართველოს ისტორიული პროცესის ახლებური გააზრებისადმი. ივანე ჯავახიშვილის მიხედვით ისტორია მარტო ფაქტების გროვა არ იყო, მას ისტორიული პროცესის საფუძველი და ამამოძრავებელი ძალა აინტერესებდა, ხოლო შემდეგ, მოვლენათა შეფასებაც. მისი რწმენით, მთავარი ყურადღება შინაგან-სოციალ-ეკონომიურსა და კულტურის პრობლემებს უნდა მიჰქცეოდა“.

ივანე ჯავახიშვილი ეხებოდა ილიასეულ მოსაზრებას ძველ საქართველოში მინისმფლობელობის თავისებური წესის არსებობის თაობაზე, რისი წყალობითაც ჩვენი ქვეყანა, ილიას აზრით, უამრავ შემოსევას უძლებდა. ამიტომ მასში მომხდარი არასასურველი ცვლილებანი საზოგადოების დაძაბუნებას იწვევდა. საკითხის ამგვარი გააზრება მეცნიერული თვალსაზრისით მიუღებელია. ასევე ფიქრობდა ივანე ჯავახიშვილიც: „საქმე ის კი არ არის, სწორია თუ არა თვით ილია ჭავჭავაძის ზემომოყვანილი განმარტება. აქ ყველაზე საყურადღებო ის გარემოებაა, რომ მან ჯერ კიდევ 1880 წელს აღიარა ისტორიული პროცესის გასაგებად ეკონომიური საფუძვლის ცოდნის აუცილებლობა“. მოხსენებაში ცალკე იყო განმარტებული ილიას დამოკიდებულება ქართველი ისტორიული მოღვაწეებისადმი. ივანე ჯავახიშვილი შეეხო შესასწავლი პიროვნების მეთოდოლოგიურ პოზიციას. კერძოდ, ილიას მიერ ისტორიული კრიტიკისა და ისტორიულ-შედარებითი მეთოდის მნიშვნელობის აღიარებას. ილია ჭავჭავაძეს ისტორიული კრიტიკაცა და შედარებითი მეთოდიც ისტორიული მეცნიერების მძლავრ და აუცილებელ საშუალებად მიაჩნდა, მაგრამ ივანე ჯავახიშვილის ნაშრომებმა დაარწმუნა, რომ მას ვერც ერთი ამ მეთოდთაგანის ვერც დანიშნულება გაუგია და ვერც

მათი გამოყენება შესძლებია“. რაკი ამ ორი აღნიშნული მეთოდის მცოდნე და გამოყენებელი იმ პერიოდის საქართველოში არავინ იყო. ილიამ განმარტა მათი არსი. ივანე ჯავახიშვილის აზრით, „ამაზე საყურადღებო და უფრო მნიშვნელოვანი ის გარემოებაა, რომ მარტო ამით არ დაკმაყოფილებულა, არამედ ყველას საქართველოს წარსულის შესასწავლად ამ ორი მეთოდის მარჯვედ და ნაყოფიერად გამოყენების რამდენიმე მაგალითიც უჩვენა“.

ივანე ჯავახიშვილი დაასკვნია: „ფიქრობ და დარწმუნებული ვარ მხოლოდ, რომ ვინც მომავალში ქართული ისტორიოგრაფიის თავგადასავლის მე-19 ს-ის ამბების შესწავლასა და აღწერას შეუდგება, ის ვალდებული იქნება ისიც აღნიშნოს, რომ ილია ჭავჭავაძე დიდებული იყო მარტო პოეზიასა და პუბლიცისტიკაში კი არა, ანდა კიდევ მარტო ვითარცა ახალი სალიტერატურო ქართულის შემქმნელიც კი არა, არამედ რომ საქართველოს ისტორიოგრაფიაშიც მას ისეთი ღვანლი ჰქონია, რომლის დავინყების უფლება არცერთ ქართველს არა აქვს“.

ასეთი იყო ივანე ჯავახიშვილის, პირადი და იდეური ურთიერთობანი, ილიასთან. ასე ფიქრობდა იგი თავისი დიდი ისტორიული წინამორბედის შესახებ.

თინათინ პიკაშვილი
თბილისის სახელმწიფო უნივერსიტეტის მე-3 კურსის სტუდენტი



ინგა გრიგოლიას „ჩიქორტულობანი“

ნოდარ კოპარიძე

ბოლო სატელევიზიო გამოსვლაში ჟურნალისტმა ინგა გრიგოლიამ „გააჟღერა“ და „გააჟღერა“ სიტყვანი ქართულნი, თავი ლამის კონსერვატორიაში თუ არა, ფილარმონიაში მეგონა. არადა დღემდე ვთვლიდი? რომ სიტყვა ითქმება და იგი-სიტყვა „ჟღერდება“ მუსიკალურ ნაწარმოებში სიმღერის სახით, მაგრამ....

მარტო ინგა გრიგოლია რომ იყოს ასეთი „ნოვატორი“ რა გვიჭირდა, ლამის მთელი ჟურნალისტთა კორპუსი თავიანთი უვიც „პოლიტიკოს“ რესპონდენტებთან ერთად „აჟღერებენ“ და „აჟ-

ღერებენ“ სათქმელ ქართულ სიტყვას და ამას ისეთი მონდომებით აკეთებენ, რომ მათში ეჭვის შეტანა...

გვეყო სარკაზმი და დაიმახსოვრეთ ერთხელ და სამუდამოდ ქართული ჟურნალისტიკის მსახურნი: სიტყვა- ითქმება და იგი ჟღერადობას იძენს მხოლოდ და მხოლოდ მუსიკალურ კონტექსტში! და კიდევ მოეშვით ქართული ენის დამახინჯებას და დანაგვიანებას ათასგვარი ბარბარიზმებითა თუ სხვა „იზმებით“, ჩაიხედეთ ქართული ენის განმარტებით ლექსიკონში და აღარ ჩაიგდებთ თავს უხერხულ მდგომარეობაში-დერეფანში (და არა „კორიდორში“) გავლისას!

საკონსტიტუციო სასამართლოს გადაწყვეტილებით საქართველოში მარიხუანას მოხარების დაკრძალვის შესახებ

საკონსტიტუციო სასამართლომ უპრეცედენტო გადაწყვეტილება მიიღო. გივი შანიძის საკონსტიტუციო სარჩელი, რომლითაც მარიხუანას მოხარებისთვის სისხლის სამართლებრივი პასუხისმგებლობის გაუქმებას ითხოვდა, დააკმაყოფილა.

„2017 წლის 30 ნოემბერს 15:00 საათზე საქართველოს საკონსტიტუციო სასამართლოში გამოცხადდება საქართველოს საკონსტიტუციო სასამართლოს პირველი კოლეგიის გადაწყვეტილება საქმეზე „საქართველოს მოქალაქე გივი შანიძე საქართველოს პარლამენტის წინააღმდეგ“ (კონსტიტუციური სარჩელი №732)

დღეს, 30 ნოემბერს 15:00 საათზე საქართველოს საკონსტიტუციო სასამართლოში გამოცხადდება საქართველოს საკონსტიტუციო სასამართლოს გადაწყვეტილება საქმეზე „საქართველოს მოქალაქე გივი შანიძე საქართველოს პარლამენტის წინააღმდეგ“ (კონსტიტუციური სარჩელი



№732).

მოსარჩელე ითხოვდა სადავო ნორმის იმ ნორმატიული შინაარსის არაკონსტიტუციურად ცნობას, რომელიც ითვალისწინებდა სისხლისსამართლებრივ პასუხისმგებლობას ნარკოტიკული საშუალება მარიხუანის მოხმარებისთვის.

საქმე განიხილა საქართველოს საკონსტიტუციო სასამართლოს პირველმა კოლეგიამ.

დავის საგანი: საქართველოს კონსტიტუციის მე-16 მუხლთან მიმართებით საქართველოს სისხლის სამართლის კოდექსის 273-ე მუხლის სიტყვების „ექიმის დანიშნულების გარეშე უკანონოდ მოხმარება“ იმ ნორმატიული შინაარსის კონსტიტუციურობა, რომელიც ითვალისწინებს პასუხისმგებლობას „ნარკოტიკული საშუალებების, ფსიქოტროპული ნივთიერებების, პრეკურსორებისა და ნარკოლოგიური დახმარების შესახებ“ საქართველოს კანონის დანართი №2-ის 92-ე ჰორიზონტალურ გრაფაში განსაზღვრული ნარკოტიკული საშუალება მარიხუანის მოხმარებისთვის“- ნათქვამია საკონსტიტუციო სასამართლოს განცხადებაში.

წყარო: <http://www.ipress.ge/new>

„ჯამბაზი“ მავთულზე... კომუნისტური „დროშით“



კორესპონდენტ ქეთევან მელიქიძის ინტერვიუ ჯანსუღ ჩარკვიანთან, რომელიც გაზეთ „შანსის“ მიმდინარე წლის 7 აგვისტოს ნომერში დაიბეჭდა, სიცრუესა და სიყალბეზეა აგებული და წარმოადგენს ფარისეველთა დიალოგს.

ნათქვამია: ქურდს ყური უგდე და თვითონ წამოცდება ქურდი ვარო. ბედნიერი შემთხვევა: ჯანსუღ ჩარკვიანსაც წამოსცდა, ერთხელ თავის სიცოცხლეში, ორად-ორი მართალი სტრიქონი, რომელიც არავისგან არ გადაუწერია:

„მავთულზე ვდგავარ როგორც ჯამბაზი და მემონია ძირს ჩამოვარდნის“. ცირკის ჯამბაზი დიდებისა და პატარების სიხარულია, იგი ერთნაირად ართობს ყველას. ჯანსუღ ჩარკვიანი კი, ნურას უკაცრავად, ოდიტგან „ძლიერთა ამა ქვეყნისათა“ ართობდა მხოლოდ. მათთვის ჯამბაზობდა, მათ გამო იდგა მავთულზე და არც არასოდეს ეშინოდა ძხობორციელისა, რადგან მის ქვემოთ იდგა მთელი პარტიული ელიტა, რომელიც მავთულზე მდგარი ჯამბაზისათვის ქვეშ ზამბარებიან ლეიბებს ფენდა, რათა შემთხვევით, ძირს ჩამოვარდნილ ჯამბაზს არაფერი დაშავებოდა.

ყოფილა შემთხვევა, როცა მისი ჯამბაზობით გაბეზრებულებს, ჯანსუღ ჩარკვიანის ჩამოგდება მოუთხოვიათ გარკვეული სიმაღლიდან, რადგან სულ ერთ ადგილზე, ერთნაირი ჯამბაზობა მოსწყენია ხალხს. ჯ. ჩარკვიანი ჩამომხტარა მავთულიდან, ჯამბაზის ჯოხიც გადაუგდია, ვითომ აღარც ეგ ჯოხი მჭირდება, არც ეგ მავთული და არც ეგ ადგილი, მაგრამ დაცემულა თუ არა პარტიული ელიტის მიერ მისთვის საგანგებოდ დაგებული სასწაულმოქმედ ლეიბზე, მას ისევ ზევით, უფრო ზევით აუტყორცნია უშიშრად, რადგან იქ უკვე წინასწარ იყო გამზადებული ახალი მავთული და ახალი ჯოხი, რათა უფრო კარგად ეჯამბაზა, უფრო დიდ სიმაღლეზე.

ჯამბაზობდა და ჯამბაზობდა ჯანსუღ ჩარკვიანი. მიაბიტებს და საქმეში ჩაუხედავებს ეგონათ, საწყალი გადარეულა და ვერა ხედება თავს როგორ იმცირებსო, მაგრამ რა იცოდნენ, რომ „ჯამბაზის“ ყოველ ილეთს მანქანა, ბინა, საზღვარგარეთის საგზურები, საუკეთესოდ მოწყობილი კაბინეტები, რბილი სავარძლები და სხვა უამრავი სიკეთე მოსდევდა.

ყოველგვარი მინიერი სიკეთით სავსე ჯანსუღ ჩარკვიანი, თუმცა თავის საქმეებს გვარიანად აგვარებდა, მაინც მუდამ გაღიზიანებული იყო და „ზევით მდგომით“ თუ ართობდა, სიცოცხლეს უმწარებდა უკლებლივ ყველა თაობის ნიჭიერსა და ტალანტს, რომლებიც რატომღაც „ქვევით მდგომებდა“ ჰყავდა

წარმოდგენილი. ჯანსუღ ჩარკვიანი ყოველთვის გამწარებული იყო მათ მიმართ, თითქოს ისინი იყვნენ დამნაშავენი, რომ ღმერთმა მათ ნიჭი მისცა, ხოლო, რა დასამალია და, იგი ამ მიმართულებით, ღმერთმა გვარიანად გაანაწყენა.

თუმცა, არ ვიქნებით ობიექტური, თუ ვიტყვით, რომ ღმერთმა მთლად ხელი ჰკრა და არავითარი ნიჭი არ გაიმეტა მისთვის.

მლიქვნელობის ნიჭი! – აი, რითაც, ზომაზე მეტი სიუხვით დააჯილდოვა მამაზეციერმა. ეს არის ჯანსუღ ჩარკვიანის უცვლელი იარაღი, რასაც იგი თავისი მდგომარეობის გასაუმჯობესებლად და სხვების დევნისათვის იყენებდა.

ჩვენ ვგრძნობთ, რომ ყოველივე იმით, რასაც ახლა ვწერთ, ახალს არაფერს ვეუბნებით მკითხველს. მერე რა მოხდა?!

არც ჯანსუღ ჩარკვიანს უთქვამს და დაუწერია ახალი რამე თავის სიცოცხლეში, მაგრამ გაუთავებლად ლაპარაკობს, გრამაფონისთვის დამახასიათებელი სიუხვით წერს და სულაც არ დაგიდევს ვინმე უსმენს თუ არა მის ნათქვამს, ვინმე კითხულობს თუ არა მის ნაწერს, თუ კითხულობს, რა შეფასებას აძლევს მას.

სხვისი აზრი არ აინტერესებს. იცის და იმიტომ არ აინტერესებს. სამაგიეროდ, მან თავი მოუყარა ხალხს, რომელთაც უბინაობა, უმანქანოობა, უმუშევრობა, უფულობა და ათასგვარი მოუგვარებელი პრობლემა აწუხებდათ, დაუფრიალა მათ ბინები, მანქანები, გამოუცა წიგნები, მისცა სამსახური, აშოვნინა ფული და გაიხადა პირად კრიტიკოსებად, დაქირავებულ მეხოტბეებად.

თქვენ იტყვიან – კი მაგრამ, ერთ კაცს ვინ მისცა ამდენი მანქანა, ამდენი ბინა, სამსახური... როგორ ურიგებდა იგი, ყოველივე ამას, მისთვის სასურველ ადამიანებსო.

ეს ყველაფერი საქართველოსი იყო, იმ საქართველოსი, რომელიც თავიანთი ამბიციების შესასრულებლად, ჯანსუღ ჩარკვიანმა და მისთანებმა გამოხრეს, გააკოტრეს, გაალატაკეს, დაავსეს კომუნისტური პარტიის მეშვეობით და მერე პარტიული ბილეთები გადაყარეს და სრულიად სხვაგვარი თამაში დაიწყეს.

ახლა „ზევით“ ისინი აღარ არიან, ვინც მწერლობაში გამწესებულ პარტიულ ფუნქციონერს ჯ. ჩარკვიანს, ყველა სურვილს უსრულებდა.

ზოგიერთ რედაქციაში, აღარც იმგვარი რედაქტორები არიან, რომლებიც ჯანსუღ ჩარკვიანის სახობო წერილებით ავსებდნენ გაზეთს და ბინძურად ესხმოდნენ თავს მათ, რომლებსაც უჭირდათ ჯანსუღ ჩარკვიანის გრაფომანული ნაცოდვილარისათვის პოეზია ეწოდებინათ.

ამ ბოლო დროს, თითქმის მიწყდა ყალბი ყაყანი ჯანსუღ ჩარკვიანის ირგვლივ, თითქოს სადღაც მართალმა სიტყვამაც გაჟონა, მაგრამ მის მიერ მაშინ დაქირავებული, ხელზე მიჩვეული მეხოტბენი კვლავ მის სამსახურში არიან, ადვილად ვერ შელევნიან ლიტერატურულ საქმოსანს.

იქნებ არც ტყუიან. მათ იციან, რომ ჯანსუღ ჩარკვიანი ის „კატაა“, რომელიც თერთმეტსართულიანი სახლის სახურავიდანაც რომ გადმოვადგო, ზურგით მაინც არ დაეცემა, გმირთა მოედანზე „გმირულად“ დადგება ფეხზე.

მას ისიც ეყოფა, რომ პოეზიაში მისდღემში ზურგზე დაცემულია და თვით მისმა „მშობლიურმა კომუნისტურმა

პარტიამ“, რომელმაც ყველაფერი მისცა, ნიჭის მიცემა ვერასგზით ვერ შესძლო:

„თქვენ ვერ მოიგებთ იმის გულს, რადგან არ შეგიძლიათ მიცემა ნიჭის“.

ამ ჭკუმატილებას იმათ შევასხენებთ, ვინც კვლავ ცდილობს ჯანსუღ ჩარკვიანის გულის მოგებას.

ჰაი, ჰაი რომ ეს ისეთივე ძნელი და მიუღწეველი რამ გახლავთ, როგორც ჯანსუღ ჩარკვიანისათვის ჭკუმატილი და ნაღდი ლექსი.

მცდელობა კი არის.

ერთ-ერთ ამგვარ მცდელობად მიგვაჩნია მიმდინარე წლის 7 აგვისტოს გაზეთ „შანსში“ გამოქვეყნებული ინტერვიუ ჯანსუღ ჩარკვიანთან, რომელსაც უძღვება კორესპონდენტი ქეთევან მელიქიძე, მას ინტერვიუსათვის შეურჩევია მეტად მორგებული სათაური: „აინონა–დაინონა“.

ვინც იმ სათაურს ნახავს, შეიძლება იფიქროს – ჯამბაზი მავთულიდან ჩამოსულა, ან უფლებლად ჩამოვარდნილა და გასართობად ბავშვური თამაში „აინონა–დაინონა“ დაუწყიაო, მაგრამ ნაიკითხავთ და დარწმუნდებით, – ჯამბაზი ისევ მავთულზეა, ისევ ჯამბაზობს. ზოგიერთებს ეგონათ, ჩამოვარდაო, მაგრამ შეგიძლიათ მშვიდად იყოთ, მას ისევ კომუნისტური „დროშა“ უპყრია ხელში, თუმცა ისევ „ემონია ძირს ჩამოვარდნის“, მაგრამ ჯერ არ ჩამოვარდნილა.

შანსიანები ხელს აშველებენ.

ხელის შეშველების მცდელობაა სხენებული ინტერვიუც, რომელიც არასწორ ფაქტებს შეიცავს, და, აქედან გამომდინარე, დასკვნებიც მცდარია, ნაძალადეგობა და სიყალბე გასდევს ინტერვიუს, პირველიდან ბოლო სტრიქონამდე.

იქნებ ამაში ვერც დავადანაშაულოთ ქალბატონი ქეთევანი, როდესაც საქმე გაქვს სიყალბესთან, ძალიან დიდი ოსტატიც რომ იყო, ვერ იქნები გულწრფელი.

ინტერვიუ იწყება ტყუილით:

„ახლახან პრესიდან შევიტყვეთ, ბატონი ჯანსუღ ჩარკვიანი გამომცემლობის დირექტორის თანამდებობიდან გაუშვესო“.

პრესას ჩვენც ვადევნებთ თვალყურს, მათ შორის „შანსის“ ხელმოწერები და მკითხველებიც გახლავართ და არსად, არც თვით „შანსში“ არ ნავიკითხავს მსგავსი რამ. სხვათაშორის, არც ნიკოლოზ ჯამბაზი გამომცემლობა „ხელოვნება“ დირექტორის თანამდებობის გაშვების შესახებ ნავიკითხავს პრესაში რაიმე.

დიახ, გულდასმით გადავათვალიერეთ ქართული და რუსული გაზეთები, რომლებიც ჩვენს რესპუბლიკაში გამოდის და არსად მსგავსი რამ არ შეგვხვედრია.

იმპერიის პრესა და „გაზინტონ პოსტი“ კი, ვფიქრობთ, „ჯანსუღ ჩარკვიანის დირექტორობის თანამდებობიდან“ გაშვებით არ დაინტერესდებოდნენ.

რას ვიზამთ, ტყუილი, სიყალბე, ფარისევლობა, ოდიტგანვე თან სდევს არა მხოლოდ იმას, რასაც სწერს ჯანსუღ ჩარკვიანი, არამედ იმასაც, რასაც სწერენ მასზე, რამაც გამოიწვია ის, რომ არც ჯანსუღ ჩარკვიანის სწამდა და სჯეროდა მკითხველს და არც მის მიერ დაქირავებული მეხოტბეებისა. ყოველივე ზემოთქმულის მიუხედავად, არ ვიქნებით სწორი თუ ვიტყვით, რომ საერთოდ არავინ უსმენდა ჯ. ჩარკვიანს და მის მეხოტბეებს.

რა დასამალია და „ზევით“ უსმენდნენ. აწყობდათ და უსმენდნენ. „ქვევით“

თუ არ მოსწონდათ და არ თვლიდნენ პოეტად, ეს გულში კი სწყინდა ჯანსუღ ჩარკვიანს, მაგრამ არ იმჩნევდა. თუ ჭკუმატილი პოეტი საკუთარ მაგიდასთან, საკუთარ თავს ებრძვის, ქართულ სიტყვასთან იბრძვის და მისი „ბრძოლის ველი“ სუფთა ქალაქი მხოლოდ. ჯანსუღ ჩარკვიანი მუდამ „ზევით“ იბრძოდა, მუდამ „ზევით“ იყო მისი „ბრძოლის ველი“, რადგან ისევე, როგორც „ვოლგებს“, პოეტურ რეგალიებსაც პარტია და მისი „მებრძოლი შტაბი“ – ცენტრალური კომიტეტი არიგებდა.

ზევიდან ეძლეოდათ მითითებები რედაქტორებსაც, ვისზე რა და როგორ უნდა ეწერა.

როცა ვლადპარაკობთ პარტიის „ნებიერზე“, ჯანსუღ ჩარკვიანზე და იმასაც დაეძინეთ, რომ „ქვევით“ მას მაინც დამაინც დალინებული სიცოცხლე არ ჰქონდა, რადგან არსებობდნენ ჭკუმატილი და უშიშარი მწერლები, რომლებიც ყოველთვის პირში ახლიდნენ მწარე სიმართლეს, ამით სულაც არ გვსურს იმის თქმა, რომ იგი „ქვევით“ მთლად დედიდობილა და ღმერთის ანაბარა იყო დარჩენილი თავისი მონინალმდეგების პირისპირ.

როგორც უკვე ვთქვით, მან შექმნა დაქირავებულ „კრიტიკოსთა“ მთელი არმია.

თავისი „მშობლიური კომუნისტური პარტიის“ მიერ, ჯერ „პოეტად“, ხოლო შემდეგ სხვადასხვა ხელმძღვანელ, განსაკუთრებით კი მწერალთა კავშირის მდივნის პოსტზე დანიშნვისას, ჯანსუღ ჩარკვიანი, თავისი მოხერხებულობის წყალობით, საქმეს ისე აწყობდა, რომ ბინების, მანქანების თუ სხვა სიკეთის განაწილება, მწერალთა კავშირის წევრად მიღება და წიგნის გამოცემა მას ეხებოდა. კარგი ბიჭი იყო მწერალთა კავშირის თავმჯდომარე და ან ის საკითხი არ გადაეწყვიტა ისე, როგორც ჯანსუღ ჩარკვიანს სურდა, მაგრამ ჯანსუღ ჩარკვიანს არ ეხებოდა.

თქვენს მტერს არ ვუსურვებ, მათ რომ დღე დაადგებოდა, გადაეკიდებოდა და...

„რომელი სუკის გადაკიდება არ ჯობია ჯანსუღ ჩარკვიანის გადაკიდებასო“, აღმოხდა ამას წინათ, პრესის ფურცლებზე, სულ ცოტა ხნის წინ მის მეხოტბესა და თანამზრახველს.

ამ სიტყვებში იყო სიმართლე, მაგრამ იმავე კაცის ადრინდელ ნაწერებში ისეთივე არარსებული ჩარკვიანის პორტრეტის დახატვის ცდაა შენიშნავდით, როგორსაც ინტერვიუში, რომლის შესახებ ახლა ვაქვს საუბარი.

ეს ინტერვიუ კი, როგორც უკვე მოგახსენეთ, იმდენ ტყუილს შეიცავს, რამდენი წინადადებაც არის მასში:

„ვილაცამ თქვა, კი არ გაუშვეს, ჟურნალ „დროშის“ რედაქტორად გადაიყვანესო. ჭკუმატილების დასადგენად თავად ბატონ ჯანსუღს ვეწვიეთ“.

ეს ხომ ფარსი და ფამილარობაა. ხერხია იმისათვის გამოგონილი, რომ კორესპონდენტმა ჯანსუღ ჩარკვიანთან ინტერვიუს ასაღებად მისვლა გაამართლოს. თორემ, როგორ დავიჯერო, რომ არც „შანსის“ კორესპონდენტი და არც მისი შანსიანი რედაქტორი „შანსის“ გარდა, არც ერთ გაზეთს არ კითხულობენ.

ვილაც–ვილაცების თქმა რაში სჭირდება, ან განა მათი „ბატონი ჯანსუღის“ შეწუხება ღირდა იმ „ჭკუმატილების დასადგენად“, გადაიყვანეს თუ არა იგი „დროშის“ რედაქტორად?

აი, „ახალგაზრდა ივერიელის“ მიმდინარე წლის 11 ივლისის ნომერი, რომელშიც თვალშისაცემ ადგილზე,



„ჯამბაზი“ მკვთელზე... კომუნისტური „დროშით“

პირველ გვერდზე დაბეჭდილია საქართველოს რესპუბლიკის უზენაესი საბჭოს თავმჯდომარის ბატონ აკაკი ასათიანი ბრძანებულება ჯანსულ ჩარკვიანის ჟურნალ „დროშის“ რედაქტორად დანიშვნის შესახებ.

განა „ვილაც-ვილაცების“ ნათქვამთან ერთად, ეს დოკუმენტიც საეჭვოდ მოეჩვენათ „შანსის“ თანამშრომლებს? მე კი უფრო სხვა რამემ დაამეჭვა:

ნუთუ კვლავ უნდა გაგრძელდეს ფართო მკითხველი საზოგადოების წინაშე ჯანსულ ჩარკვიანის პიროვნების უსაფუძვლო განდიდების ცდა, რომელიც კომუნისტურმა პარტიამ წამოიწყო?

ხომ დაინიშნენ, ამ ბოლო დროს, სხვადასხვა ჟურნალ-გაზეთების რედაქტორებად: ნარგიზა მგელაძე, იორამ ქემერტელიძე, ნანა ჩიგოგიძე, ია მუხრანელი, რატომ არ დაბეჭდა იგივე „ახალგაზრდა ივერიელმა“ უზენაესი საბჭოს თავმჯდომარის ბატონ აკაკი ასათიანის ბრძანებულებები.

„ახალგაზრდა ივერიელისგან“ ახალგაზრდული ლიტერატურული ჟურნალი „ცისკარის“ მთავარი რედაქტორის იორამ ქემერტელიძის დანიშვნის ამბავის გამოქვეყნება, უფრო უპრიანი არ იქნებოდა?!

რა საკვირველია, ყველა მათგანზე დაინერებოდა ბრძანება ან უმაღლესი საბჭოს, ან მწერალთა კავშირის თავმჯდომარის ხელმოწერით.

რალა მაინცდამაინც ჯანსულ ჩარკვიანის „დროშის“ რედაქტორად დანიშვნის ბრძანება გამოაქვეყნა ახალგაზრდულმა გაზეთმა მაშინ, როცა ამ ბრძანებას, ჯერ კიდევ, მელანი არ შეშრობოდა?

ნუთუ იგი ფიქრობდა, რომ ამით უშველიდა ინფორმაციის დეფიციტს?

არა, ეს არ უფიქრიათ შანსიანებს. მათ სურდათ ამით ჯანსულ ჩარკვიანისათვის ეშველათ.

ეს იმის ბრალია, რომ როგორც „შანსის“, ისე „ახალგაზრდა ივერიელის“ რედაქტორები შანსიანი ბიჭები არიან და შანსი არ გაუშვას ხელიდან შანსიანი ჯანსულ ჩარკვიანის საამებლად.

ბატონო ჯანსულ – გაგანთავისუფლეს (უნდა იყოს „გაგათავისუფლეს“) „სხვა სამუშაოზე გადასვლასთან დაკავშირებით? – ეკითხება კორესპონდენტი.

ვიდრე ჯანსულ ჩარკვიანის ტყუილს და დემაგოგიას მოისმენდეს მკითხველი, ჩვენ გვსურს ვუთხრათ მას, რომ წაიკითხოს გაზეთ „ქომაგში“ დაბეჭდილი გ. პეტრიაშვილის ინტერვიუ. გამომცემლობის ახალი დირექტორი ამბობს: საგამომცემლო გეგმებში სრული დომხალიაო.

გამომცემლობაში თუ საგამომცემლო გეგმები არ არის წესრიგში, ე. ი. დირექტორი არ ვარგებულა.

მიზეზიც აი, ეს არის და სხვაგან ნუ ვეძებთ, სხვა რამეს ნუ ვიმიზეზებთ.

გარდა ამისა, თქვე მამაცხონებულებო, რა განგაში ატყებთ.

რატომ იმაზე არაფერს ლაპარაკობთ, რომ ჯანსულ ჩარკვიანის დონის პოეტისათვის ისიც ძალზე ზედმეტია, რაც მიაღწევს, რომ იმ პოეტებს, ვისგანაც ჯანსულ ჩარკვიანი ინერს, ეგ ადგილიც სანატრელად აქვთ გამხდარი.

განა რბილ-რბილ სავარძლიანი ადგილები მამამისმა დაუტოვა, ან ცოლს მოჰყვა მზითვემი?

თუმცა, მზითვეზე თუ ჩამოვარდება სიტყვა, ჯანსულ ჩარკვიანს მზითვემი თვითონ უნდა წაეღო, რადგან მას ცოლი კი არ მოუყვანია, თვითონ მივიდა ცოლთან ქალაქის ცენტრში მდიდრულად განწყობილ უზარმაზარ ბინაში.

აქედან დაიწყო ჯანსულ ჩარკვიანის „ბრძოლა“ კომუნისტების „წინააღმდეგ“.

მან ჯერ შეავიწროვა, ხოლო შემდეგ საკუთარ სახლში არ შეუშვა თავისი კომუნისტი სიმამრი.

ამან ბრწყინვალე ბინა შესძინა ჯანსულ ჩარკვიანს, მაგრამ თავისებური უარყოფითი შედეგიც მოჰყვა ამ „მონაპოვარს“.

მზამზარეულ ცხოვრებას შეჩვეულმა შემდეგ პოეტებს დაუნყოფი ლექსების წართმევა და თან ცდილობდა მწერალთა კავშირში არ შეეშვა ისინი. უნდა ითქვას, რომ პოეტებს მისი სიმამრივით არ დაუთმიათ ყველაფერი და ცოტ-ცოტა უსიამოვნებები შეახვედრეს, რის შემდეგ ჯანსულ ჩარკვიანი ველარ იყო ხოლმე კარგ განწყობილებასზე.

ეტყობა, მაინცდამაინც არც მაშინ იყო ჯანსულ ჩარკვიანი კარგ გუნებაზე, როდესაც „შანსის“ კორესპონდენტი ეწვია მას, მაგრამ პრესის წარმომადგენლისათვის ის კი არ უთქვამს – „საკუთარ“ ლექსებს ვერ ვამუშავებ და ამხელა გამომცემლობის კოლექტივს

როგორ უნდა ემუშავა ჩემი ხელმძღვანელობით, წამომსვლელი ვიყავ და სამართლიანადაც გამომისტუმრესო, თავისი ნაცადი ხერხებისათვის – დემაგოგიისათვის მიუმართავს და ისეთი ტყუილი მოუხსენებია, დაბეჭდვის ტოლფასი რომ არის და ამის იმასთან წაიკიდებას ისახავს მიზნად.

„დეპარტამენტში დამიძახეს და მითხრეს“, – ცრუობს ჯანსულ ჩარკვიანი, – ნუ მკითხავ საიდან და ვისგან მოდის, მითხრეს – ჯანსულ ჩარკვიანი გამომცემლობიდან უნდა წავიდესო“.

ვირემშაკობს და ვითომ არ შიფრავს ჯანსულ ჩარკვიანი თავის სათქმელს, მაგრამ ვინ ვერ მიხვდება თეთრი ძაფით შეკერილ შავ უნიჭო ეშმაკობას.

კი არ დაუძახეს, გამოიძახა, კი არ უთხრეს, უთხრა. ხოლო თუ „დაუძახეს“ და „უთხრეს“, „ნუ მკითხავო“ კი არა ნუ გვეკითხავო“ ეტყობენ, მაგრამ მსგავსი რამ არაივსაც არ უთქვამს.

რადგან ჯანსულ ჩარკვიანის იაფფასიან და უნიჭო მინიშნებებში ვინ იგულისხმება ხოლმე. ყოველთვის კარგად ვხვდებით, არც ამჯერად უღალატია ჩვენთვის გუჟანს.

აი დეპარტამენტში ვართ, მისი დირექტორის ბატონ რევაზ ლონტის კაბინეტში.

ჯანსულ ჩარკვიანი პირადად მე გამოვიძახე. ვერ მუშაობდა, გამომცემლობისათვის თითქმის არც ეცალა – გვიხსნის ბატონი რეზო და განაგრძობს, – გადმოსვლის დღიდან გული ვერ დაუდო საქმეს. მე ველაპარაკე ჯანსულ ჩარკვიანს მხოლოდ ჩემი სახელით, რისი მორალური და იურიდიული უფლება სასვებით მქონდა.

აი ნახეთ, – გვითხრა ბატონმა რევაზმა და წინ დაგვიდო გაზეთ „ქომაგის“ მიმდინარე წლის 8 ივლისის ნომერი, სადაც დაბეჭდილია ინტერვიუ გამომცემლობა „საქართველოს“ ახალანდელ დირექტორ გურამ პეტრიაშვილთან. აი, რას სწერს იგი: „რა დასამალია და, ამჟამად ჩვენთან საგამომცემლო საქმიანობაში დიდი დომხალია“.

შემდეგ წუხს იმაზეც, რომ მაკულატურა გამოდის. საგამომცემლო საქმიანობაში დომხალია. გეგმის ხელახალი შედგენა მოუხდა გამომცემლობას, იმდენი უსარგებლო ნიგნი იყო შეტანილი და იმდენი საჭირო – გამოტოვებული.

გამოდის მაკულატურა. არ არის მონერსივებული ბინის, ავაჯის თუ სხვა ფასეულობათა განაწილების საქმე.

ქართულ გამომცემლობაში მუშაობს ადამიანი, რომელმაც ქართული არ იცის და ამას მშვიდად უყურებდა გამომცემლობის დირექტორი.

ნუთუ ეს არ არის საკმარისი დირექტორის მოსახსნელად? ამდენი ობიექტური მიზეზის შედეგად შეიძლება დირექტორიც მოხსნა და სხვაც ზედ მიაყოლო.

ამის შემდეგ „შანსს“ განა აქვს მორალური უფლება მკითხველს ჩასჩინებდეს: მოხსნის „მიზეზი კი, როგორც გაირკვა არ არსებობდა...“ო?

სად გაირკვა? ვინ გაარკვია? როგორ გაარკვია?!

ყველაფერი რომ გამოესწორებინა ჯანსულ ჩარკვიანს, მაკულატურის გამოცემას ხომ მაინც ვერ შეაჩერებდა! ხომ არავისთვის წარმოადგენს საიდუმლოს, რომ „ყველა ნიგნი, რომელსაც გარეკანზე აწერია ჯანსულ ჩარკვიანი, არის მაკულატურა. თუ აქა-იქ ძარღვიანი თქმები, დასამახსოვრებელი სახეები და მეტაფორები შეგხვდათ, უნდა იცოდეთ, რომ სხვისია, მოპარულია, ჯანსულ ჩარკვიანის „ლექსებშია“ უცხო სხეულივით რომ ჩანს და აშკარად ყვირის: – მე ამ კაცის გრძობისა და განცდის ნაყოფი არა ვარ, სხვის გულში ვარ ნაშობი; სხვა არის ჩემი პირველმთქმელიო.

ინტერვიუში არის ასეთი მინორული სტრიქონები: „უცებ, როგორც უკვე წასულ კაცს ისე დამიწყო – ლაპარაკი, კი, მაგრამ ამხელა ოჯახს რას უზამ. უმუშევარი როგორ გაძლებო, შენ უნდა, მაგრამ სამაგიერო ვერაფერი შემომთავაზა, არ ჰქონდა ალბათ ამისი უფლება და მისთვის“.

არ შეიძლება არ აღგაშფოთოს ამ მზაკვრული დემაგოგიის ზღვარგადასულმა ცბიერებამ, რაც იმას ისახავს მიზნად, რომ თუ დიდი გამომცემლობის დირექტორი არ იქნება, „ვოლგა“, მთავრობის ტელეფონი, მანქანა და რბილი სავარძელი გარანტირებული ჰქონდეს.

ისახავს მიზნად და... აღწევს კიდევ, ხან მლიქვნელობით და ლაქიაობით, ვისთანაც ეს არ გაუვა, არც დემაგოგიასა და შანტაჟშია ახალბედა და გამოუცდელი.

ერთადერთი, რასაც ჯანსულ ჩარკვიანმა ვერ მიაღწია, თავისი სიცოცხლე ორჯერ რომ გაიმეოროს, ეს

არის, თუნდაც ერთი კარგი ლექსის დაწერა, რომელშიც სხვისგან მოპარული მეტაფორებისა და თქმების გარდა, საკუთარი კარგი სტრიქონებიც გამოერევა.

ნუთუ ამ „სასწაულების ეპოქაში“ არ არის მოსალოდნელი ამნაირი სასწაული?

ჯ. ჩარკვიანი ძალიან დიდ ადგილს უთმობს ინტერვიუში, „შენ უხეზო“ დეპარტამენტის დირექტორის რევაზ ლონტის განცდებს:

არ ვიცით მართლა „შენ უხეზო“ თუ არა ბატონი რევაზ ლონტი, მაგრამ ჩვენ ნამდვილად შევწუხდით, ერთ წინადადებაში, ამდენი „შენ უხეზო“ „შენ უხედათი“, რაც თავისთავად, იმაზეც მეტყველებს ჰქონდათ თუ არა დეპარტამენტის ხელმძღვანელებს მორალური უფლება გამომცემლობის დირექტორობიდან „გაეშვათ“ ამნაირი „მოქართულე“.

ამ „შენ უხეზო“, „შენ უხედას“ აქვს ფარული ქვეტექსტი: – როგორ შეკადრეს, როგორ გაუბედეს ჯანსულ ჩარკვიანს დირექტორობიდან გადადქეო.

რა სავალდებულოა, რომ პარტიული ფუნქციონერი, მწერლობაში კომკავშირის და პარტიის ცენტრალური კომიტეტის ვიზით მოსული, სულ თანამდებობებზე, თანაც მწერლისათვის განკუთვნილ თანამდებობაზე იყოს?!

მეორეც: – ამით ჯანსულ ჩარკვიანი იმას ხომ არ ამტკიცებს, თავისდა საზიანოდ, რომ ის მწერალი არ არის?! უფრო სწორად, რომ ის მწერალი მხოლოდ მანამდეა, სანამ თანამდებობაზეა, სანამ ჭეშმარიტი მწერლების ბედი მისი გადასაწყვეტია, სანამ თავისი თანამდებობით შეუძლია კარის კრიტიკოსთა მოსყიდვა.

თუ ეს ასე არ არის, მის დღემში არ უმუშავიათ კონსტანტინე გამსახურდიას, გალაკტიონ ტაბიძეს, იოსებ გრიშაშვილს... ჯანსულ ჩარკვიანზე ნაკლები მწერლები იყვნენ?!

ღმერთო, შემინდე ეს ცოდვა, ერისათვის დაფერფლილი ამ ლიტერატურული წმინდანების გვერდით რომ ვახსენებ მწერლობაში გამწესებული იმ კომუნისტური ფუნქციონერის სახელს, რომლის ძირითად საქმიანობას შეადგენს სხვისი ნაზრევი-ნაფიქრალის მოპარვა და შემდეგ იმ ადამიანის სასტიკი დევნა, რომლისგანაც იპარავს, მაგრამ ეს შედარებისათვის დამჭირდა და კიდევ იმისათვის, რომ მკითხველისათვის მეთქვა:

არა ბატონებო, ეს სწორედ იმაზე მიგვანიშნებს, რომ ისინი ჭეშმარიტი მწერლები იყვნენ და ჭეშმარიტი მწერალი კი მხოლოდ მაშინ არის ლაღი, თავისუფალი და, თუ გნებავთ, ჭეშმარიტი მწერალი, ამ სიტყვის სრული მნიშვნელობით, როცა ის არ არის „თანამდებობრივი ბორკილებით“ შეპორკილი. რაც შეეხება ჯანსულ ჩარკვიანს, ის მანამდეა პოეტი, ვიდრე თანამდებობა გააჩნია. თანამდებობის გარეშე კი, კარგად გრძობს თვით ჯანსულ ჩარკვიანიც და მკითხველიც, რომ ის მხოლოდ ლიტერატურული ჭორია და მეტი არაფერი. მოუგონეს, დააბრალებს და მიატოვებს ჯანსულ ჩარკვიანს საზოგადო არსებითი სახელი „პოეტი“.

აი, რატომ იკლავს ჯანსულ ჩარკვიანი თავს, რაში მდგომარეობს არსი იმ ინტრიგების ძაფისა, რომელსაც ხლართავს იგი ხელისუფლების ჩიხში მოსაქცევად, თავის მიერ ადრე დაარსებული მაფიის მეშვეობით. სურს აიძულოს ის, ვინც ჯერ არს, რომ მთელი სიცოცხლის განმავლობაში შეუმარჩუნოს მას სარფიანი ადგილი, რათა მის გვარსა და სახელს, სიცოცხლეში მაინც თან ახლავს სიტყვა „პოეტი“, თორემ ღმერთმა დიდხანს აცოცხლოს და მისი გარდაცვალების შემდეგ ისევ მიეცემა დავინყებას, როგორც ხსენება მისი წინაპრისა და სულიერი მამის შაჰრუხ ჩარკვიანისა, რომელიც ჯანსულ ჩარკვიანის მსგავსად, სიცოცხლეში, პოეტად ისხენებოდა. მისი სიკვდილის შემდეგ მას რომ პოეტად არვინ მოიხსენიებს და კაცს თავზე თოფით რომ დაადგე, მის ლექსებს ვერ წააკითხებს, ჯანსულ ჩარკვიანმა ეს ძალიან კარგად იცის.

ჯანსულ ჩარკვიანმა ისიც მშვენივრად უწყის, რომ ვისაც პოეზიის ანბანი ესმის, მისი „პოეტობა“ დღესაც სასაცილოდ ეჩვენება.

გვიან ლამით, როცა „პოეტი“ მარტო რჩება საკუთარ თავთან ჩუმად, ისე რომ არავინ გაიგოს, რამეთუ იცის, მის მიერ ხოტბაშესხმულ საბჭოთა ქვეყანაში კედლებსაც კი ყური აქვთ, დგება სარკის წინ და ასე მიმართავს ხოლმე იმ გამოსახულებას. რომელიც მას სარკიდან უმზერს:

„პოეტო ჯანსულ ჩარკვიანო, წყეულომც იყოს უკუნისიდან უკუნისამდე, ვინც შენ პოეტობა დაგაბრალა, ხალხის ყბაში ჩაგაგდო და ქვეყნის ტაკიმასხარად გაქცია“.

აკი გითხარით – მთელი საიდუმ-

ლოება იმაშია, რომ თუ არ იქნება: ჯანსულ ჩარკვიანი – რედაქტორი, ჯანსულ ჩარკვიანი – დირექტორი, აღარ იარსებებს: ჯანსულ ჩარკვიანი – პოეტი.

როცა ჯანსულ ჩარკვიანი გვამცნობს, რომ ძალიან შენუხდა ბატონ რევაზ ლლონტი და უთხრა – ამხელა ოჯახს რას უზამს, უმუშევარი როგორ გაძლებო, იქნებ ღირდა, გაეხსენებინა თვითონ როგორ ზრუნავდა იმ „უმუშევარ“ მწერლებზე (ეს ტერმინი ჯ. ჩარკვიანი-საა და იმიტომ ვსვამთ ბრწყინებში), მცირეწლოვანი შვილები რომ ჰყავდათ გასაზრდელი და ის, მთელი თავისი მათი მზაკრულად ჩასაფრებული, ხელს უშლიდა: ნიგნის გამოცემაში, მწერალთა კავშირში მიღებაში, სამსახურში მოწყობაში და თვით ლექსის დაბეჭდვაშიც კი.

მწერალი, თუ ის მართლაც მწერალია, არ შეიძლება იყოს უმუშევარი, რადგან თვით ყველაზე გაჭირვებულ ადამიანსაც კი მოუპოვება სახლში მაგიდა და სკამი.

აი, მწერლის სამუშაო. აი, ჭეშმარიტი მწერლის სამუშაო ადგილი.

მისმა „მშობლიურმა კომუნისტურმა პარტიამ“ 27 წლის ასაკში რომ ჩააბრძანა შუა „ვოლგაში“ და იმის შემდეგ კაცისშვილს ვერ გადმოუყვანია იქიდან, ისეა მანქანას ჩაფრენილი „საქართველოსათვის გულდამწვარი“ პოეტი, რა სინდისით მტრობდა პოეტს, რომლისაგანაც სამკვდრო-სასიცოცხლოდ იყო დავალებული, რადგან ის, როგორც „პოეტი“, მისით არსებობდა, მის სტრიქონებს და ლექსებს ითვისებდა. გარდა ამისა, საქართველოს მასზე უფრო ჯანსაღ თაობას უზრდიდა?

ყოველივე ეს მხოლოდ ინტერვიუს თეორიულ, თუნდ მორალურ მხარეს ეხება.

ახლა მე მინდა ვკითხო „მანისის“ რედაქციას: – რატომ ატყუებთ მკითხველს? იცის თუ არა მან, რომ არა თუ „ამხელა ოჯახი“, არამედ ჯანსულ ჩარკვიანს, ცასა და დედამიწას შორის, არავინ არ ჰყავს შესანახი და საპატრონო თვითონ ჯანსულ ჩარკვიანის მეტი?

ჯანსულ ჩარკვიანის მეუღლე ფილოლოგიურ მეცნიერებათა კანდიდატია და მუშაობს. ქალიშვილიც უმაღლესდამთავრებულია და იმ დროს დაამთავრა მისმა ქალიშვილმა უმაღლესი, მამამისის მისთვის სამსახურის შოვნა რომ არ გაუჭირდებოდა, ეს ყველას კარგად მოგეხსენებათ.

მამ, ვინდა დარჩა შესანახი? ვაჟიშვილი?!

კი მაგრამ ვაჟიშვილს რაღა უნდა სჭირდეს შესანახი?

უნივერსიტეტი დაამთავრა თუ არა, იმ წუთში კომკავშირის ცენტრალურ კომიტეტში მიაბრძანა მა-

მამისმა, იქიდან კომკავშირის მთაწმინდის რაიკომის მეორე მდივანად გადმოიყვანა, ახლა ლიტერატურული მუზეუმის დირექტორის მოადგილეა და რამეს აკეთებს იქ, ან რაიმეს გაკეთება შეუძლია თუ არა, ამას რა მნიშვნელობა აქვს?

იქნებ ბინა უჭირს? ვინც ჯანსულ ჩარკვიანის ბინაშია ნამყოფი იცის, რომ ისეთი ბინა აქვს, ცხენი გაჭენდება, იქ სამი ოჯახი თავისუფლად იცხოვრებს, მაგრამ ჯანსულ ჩარკვიანს ისლა აკლდა, რომ საკუთარი შვილისათვის ბინა ვერ მიეღო.

მან მწერალთა კავშირიდან ჯერ სამოთახიანი ბინა მიიღო ვაჟიშვილისათვის ქალაქის ცენტრში, ხოლო შემდეგ ამითაც არ დაკმაყოფილდა და იმ არასტანდარტული პროექტით აშენებულ ბინაში გადაიყვანა, სადაც რესპუბლიკის გენერალური პროკურორი, წამყვანი ჟურნალ-გაზეთების რედაქტორები და რესპუბლიკის სახელოვანი ადამიანები ცხოვრობენ.

–რით დაიმსახურა, ყოველივე ეს ჯანსულ ჩარკვიანის ვაჟიშვილმა?

ამ კითხვაზე ჯერ არც არავის გაუცია პასუხი და ვერც ვერავინ გასცემს.

ვერც ამ კითხვის დასმას გაბედავს ყველა მაშინ, როცა იმ არასტანდარტულ ბინაში შესასახლებელთა სია დგებოდა. და მაინც, წაიღო მისმა წუნუნმა გული.

ყოველთვის რაღაცით უკმაყოფილოა, ყოველთვის ვიღაცას რაღაცას ემდურის, ყოველთვის ვიღაცისგან რაღაცას მოითხოვს, ვიღაცას რაღაცას ამადლის.

ახლა მთავრობისა და ხალხის გასაგონად ამბობს: – ამხელა ოჯახი მანვეს კისერზეო, გეგონებათ, ვინც დირექტორი ან რედაქტორი არ არის მას არ ჰყავდეს ცოლ-შვილი შესანახი, ან ყველა მათგანის ცოლ-შვილი ჯანსულ ჩარკვიანი ინახავდეს.

პარტიამ და საბჭოთა იმპერიამ ქვეყანა დალუპაო. როცა ამბობენ, მე არა მჯერა.

აი, მაგალითად, ჯანსულ ჩარკვიანი ააშენა, მარტო ის კი არა შვილებიც დაუსახლა. დაუსახლა და მერე როგორ!...

ჯანსულ ჩარკვიანი წუხს, „რომ დირექტორის მოხსნა-დანაშინის საკითხი ბრძანებებით ხდება“ და არჩევის მომხრეა.

მაშინ, როცა მიუხედავად დიდი ცდისა, ნუგზარ ფოფხაძემ ვერ შესძლო თავს მოეხვია ქართველი მწერლებისათვის, თავისი პირადი მეგობრის ჯანსულ ჩარკვიანის კანდიდატურა და, რაკი კენჭისყრა იყო, თავმჯდომარედ მუხრან მაჭავარიანი აირჩიეს, ხალხში ხმა გავარდა, რომ ჯანსულ ჩარკვიანს გამომცემლობა „საქართველოს“ დირექტორობა სურსო.

იმ დროს გამომცემლობის მუშაკები მოითხოვდნენ დირექტორის არჩევას და კანდიდატებიც ჰყავდათ. ამ მოთხოვნას მხარს უჭერდა ინტელიგენციაც, მაგრამ ჯერ გამომცემლობის ძველი დირექტორი გურამ ფანჯიკიძე ისევ კაბინეტში იჯდა, რომ სასწრაფოდ „გამოცხვა“ ბრძანება ჯ. ჩარკვიანის დირექტორად დანიშნის შესახებ.

საინტერესოა, რატომ მაშინ არ ისურვა ჩარკვიანმა კრებისა და არჩევნების სცენის გათამაშება?

იმიტომ, რომ ყველაზე დაოსტატებულ რეჟისორსაც კი სპექტაკლის დასადგმელად სჭირდება დრო და სცენარი.

ვინაიდან მაშინ ჯ. ჩარკვიანს არც საამისოდ დრო ჰქონდა და არც სცენარი, ცხადია, ვერც საკადრის სპექტაკლს ვერ დადგამდა მიუხედავად იმისა, რომ ამ დარგში დიდი გამოცდილება ჰქონდა და საკმაოდ იყო დაოსტატებული.

„უზნეობა იქნება ჩემი მხრივ, მივიდე ადგილზე, სადაც კაცი მუშაობს“, – უთქვამს ჯანსულ ჩარკვიანს, როცა მისთვის „დროის“ რედაქტორის ადგილი შეუთავაზებიათ.

დავიჯეროთ??

დავიჯერებდით, მაგრამ ზოგიერთი ეპიზოდი რომ გვასხენდება ჯანსულ ჩარკვიანის მოღვაწეობიდან, იმას რაღა ვუყოთ?

იოსებ ნონეშვილი გადაჰყავდათ „ლიტერატურული გაზეთის“ (ახლანდელი „ლიტერატურული საქართველოს“) რედაქტორად.

როდესაც ჰკითხეს ნონეშვილს თქვენს ადგილზე ვინ გინდათო, მან ასე უპასუხა:

ჩემი მოადგილეა მაცყვალა მრეველიშვილი უფრო უკეთესი საბავშვო პოეტი დღეს ბევრ ხალხს არა ჰყავს. აქ ორი აზრი არ შეიძლება არსებობდეს. მაცყვალა მრეველიშვილს ვინ შეეცილებაო.

გაზეთი „ცისარტყელა“, 1991 წელი, N1-N2 გვ. 13. (რედაქტორი ბერლიზ ბერიპაშვილი)

გაზეთი „განმათავისუფლების“ რედაქტორი-საგან: პოეტისა და პუბლიცისტის ბატონ ბერლია ბერიპაშვილის ჩვენს მიერ გამოქვეყნებული ეს პოლე-მიკა, გაზეთი „ცისარტყელას“ ორ ნომერში დაიბეჭდა გავრძელებებით, გაზეთის მესამე ნომერში, სტატიის დასასრულით, ველარ იხილა დღის სინათლე, რადგან ბერიპაშვილის მოკვლის შემდგომ, მკვლელები სტამბაშიც მიიჭრნენ და გაანადგურეს დაბეჭდილი გაზეთის სრული ტირაჟი და დედნებიც (ლ.ც.).

მთაწმინდაზე უნდა დაივანოს სერგეი მესხის ძვლებმა...



მთაწმინდის პანთეონის თემა რომ არ მიწავლდეს, ამისათვის ასეთი საკითხი მინდა წამოვიწყო:

მეცხრამეტე საუკუნის მეორე ნახევრის საქართველოს ერთ-ერთი თვალსაჩინო მოღვაწის

სერგეი მესხის შესახებ.

სერგეი მესხი სამოციანელთა ავანგარდში იყო იყო!

სერგეი მესხმა წმინდა ილია მართა მხარი-მხარ ზიდა ქართული ჟურნალისტიკის ჭაპანი!

სერგეი მესხის ღვანლი დღემდის დაუფასებელ-შეუფასებელია! მისი საფლავი თავის მშობლიურ სოფელშია ყურადღებას მოკლებული!

სახლი, სადაც დაიბადა აღარ არსებობს... მე არ შევუდგები აქ იმის შესხენებას, თუ ვინ იყო სერგეი მესხი საქართველოსთვის და არა მარტო იგი, არამედ მთელი მისი ოჯახი!

სერგეი მესხის პიროვნების სარკეა დიდი აკაკის ლექსი, რომელიც დღესამომდეა სერგეის საფლავის ქვაზე ამოტიფრული:

სამაგალითო მოღვაწე, ერთგულო შვილო ქართველისა, რწმუნება გქონდა მომავლის, გიყვარდა ძებნა მართლისა. მაგრამ უდროვით გაგვიქრი ერთი ძმა პირველთაგანი... საფლავში ჩაგყვა ნატვრის თვლად ხსნის იმედისა საგანი! აქ კი დაგვიგდე ანდერძად, კვალში რომ ჩაგყვეთ იმ თქმულსა... ამინ! მსხვერპლი ვართ იმ ალთქმის, კიდობნად მივცემთ ჩვენს გულსა! ძნელად თუ მოიძებნება ქვეყანაზედ ისეთი ოჯახი, რომელმაც სამშობლოს 13 დამაშვრალი მამულიშვილი აჩუქა:

- გიორგი — (1841)
- პელაგია — (1842)
- სერგეი — (1845)

- ივანე — (1849)
- ანა — (1851)
- მიხეილი — (1853)
- ნესტორ — (1856)
- იაკობ (კოტე) — (1857)
- დავით — (1860)
- ეფემია — (1862)
- მარიამ — (1864)
- კონსტანტინე — (1867)
- ნინო — (1869)

1883 წლის ივლისში ქართველმა საზოგადოებამ ღრმა გულისტკივილით შეიტყო, რომ აბას-თუმანში გარდაიცვალა სერგეი მესხი.

ს. მესხის ცხედარი 23 ივლისს აბასთუმნიდან ქუთაისში წაასვენეს, საიდანაც გადაასვენეს სოფელ რიონში და დაკრძალეს იქვე 25 ივლისს. სერგეი მესხის მეგობარმა აკაკიმ ასე დაიტირა იგი:

„ჩვენს პატარა წრეს, უმისოდაც ამ მცირე რაზმსა,

დააკლდა მუშა!... შეენირა სამშობლოს მსხვერპლად“.

სამწუხარო რეალობაა, რომ მთაწმინდის პანთეონი უცილობლად საჭიროებს „გამოხელვას“!

სერგეი მესხის წმინდა ნეშტის ადგილი მთაწმინდაზეა!

ამისათვის საჭიროა შეიქმნას საინიციატივო ჯგუფი!

პოეტ ლადო ასათიანის ძვლებმაც მთაწმინდაზე უნდა დაივანოს!

ალექსანდრა სანდუხაძე

როგორ დახვრიტეს ნიკოლოზ მეორე

ისტორიას ახსოვს მონარქი მმართველები, რომლებმაც თავიანთი სიცოცხლე გილიოტინაზე ან ეშაპოტზე დაასრულეს. ძირითადად, მეფის სიკვდილის დასჯას წინ უძღვის ხალხთა მღელვარება, რევოლუციები, არსებული რეჟიმით უკმაყოფილება. ამგვარ ფაქტს ვხვდებით ინგლისის ისტორიაში, როდესაც ე.წ. „ნარჩენმა პარლამენტმა“ გაასამართლა და სიკვდილით დასაჯა ჩარლზ პირველი სტიუარტი 1649 წლის 30 იანვარს. ამ ფაქტს წინ უძღოდა ინტერვენუმი, ხოლო, მომხდარის შემდეგ, კი ოლივერ კრომველის პროტექტორატის დამყარება. ასევე დაუნდობლად მოექცნენ ევროპის ერთ-ერთი ჰეგემონი ქვეყნის მმართველ ლუი XVI-ს საფრანგეთის რევოლუციის შემდეგ. მას 1793 წლის 21 იანვარს გილიოტინაზე თავი მოჰკვეთეს. ამ შემთხვევაში ჯერ დირექტორიამ აიღო ქვეყნის სადავეები ხელში, შემდეგ კონსულებმა, ბოლოს კი ნაპოლეონ ბონაპარტეს ერთპიროვნული მართველობა მივიღეთ. ასევე იყო რუსეთშიც, რევოლუციამ გამოიწვია მონარქიული სისტემის რღვევა, რაც საბოლოოდ სამეფო ოჯახის სიკვდილით დასჯით დასრულდა. ჩვენს ყურადღებას ამ უკანასკნელზე შევაჩერებთ და ვეცდებით, გაზეთ „შრომაში“ (1918წ) აღმოჩენილი დოკუმენტები მკითხველს წარვუდგინოთ.

გაზ. „პრავდას“ ვერსია ნიკოლოზის დახვრიტის შესახებ

გაზეთი „პრავდას“ ვერსია რალაც მხრივ განსხვავდება გაზ. „L Anz“-ში მოყვანილ დაწვრილებით ცნობებისგან. საბჭოს ოფიციალური სიტყვით ეკატერინბურგის საბჭომ ჯერ კიდევ ივნისში აცნობა ცენტრალურ კომიტეტს ნიკოლოზ მეორის დახვერეტის განზრახვის შესახებ და განაჩენის დადასტურებას ითხოვდა. ლევ ტროცკიმ უარით უპასუხა ეკატერინბურგის საბჭოს. ნიკოლოზი ეკატერინბურგის ახლოს გადაიყვანეს, მაგრამ როდესაც ორი კვირის შემდეგ ვილაცამ მოინდომა მისი მოკვლა, ის ხელახლა გადაიყვანეს ეკატერინბურგში. ეკატერინბურგის საბჭომ იმ პერიოდში მიაკვლია კონტრ-რევოლუციონერთა ახალ შეთქმულებას და ამის შემდეგ ხელმეორედ აღძრა შუამდგომლობა ცენტრალურ კომიტეტში ნიკოლოზ II-ის დახვერეტის შესახებ. ამ შემთხვევაში სულ უპასუხოდ დატოვა შუამდგომლობა ცენტრალურმა კომიტეტმა. მიუხედავად ამისა 16 ივლისს მაინც დახვრიტეს ნიკოლოზი II. იგი საპრეზიდიდანი ქალაქგარეთ წაიყვანა 2-მა წითელმა გვარდიელმა, სადაც 10 წითელი გვარდიელი კიდევ ელოდათ. ეკატერინბურგის კომიტეტის თავმჯდომარემ გამოუცხადა ნიკოლოზ მეორეს განაჩენი. ნიკოლოზს მეუღლესთან გამოთხოვება და რამდენიმე წერილის დანერა უთხოვია, რაზეც უარით უპასუხიათ. ცნობების თანახმად, ნიკოლოზს კარგად ეჭირა თავი. მისი გვამი სადღაც ნაუღიათ ავტომობილით.



ჭოს ხელიდან განთავისუფლება. ამის გამო ურალის საალქო საბჭომ დაადგინა: დახვრიტოს ნიკოლოზ რომანოვი, რაც სისრულეში მოიყვანა 16 ივლისს. ნიკოლოზის მეუღლე და შვილი საიმედოდ ადგილას გადაიყვანეს. შეთქმულების საბუთები განსაკუთრებული კურიერის ხელით გამოგზავნეს მოსკოვს.

ამ მოხსენების შემდეგ სვერდლოვი მოაგონებს სხდომას რომანოვის ტობოლსკიდან ეკატერინბურგში გადმოყვანის ისტორიას, როდესაც აღმოჩენილ იქნა თეთრ გვარდიელთა ორგანიზაცია რომანოვის გატაცების შესახებ. უკანასკნელ ხანებში ფიქრობდნენ ყოფილი მეფის გასამართლებას ყველა იმ დანაშაულებათა გამო, რომელიც ხალხის წინაშე მიუძღვოდა მას, თუმცა კვლავ გამოჩნდა ისეთი გარემოებები, რომლებმაც ხელი შეუშალეს შეწყალების გადაწყვეტილებას.

18 ივლისს ც. ა. კ-ს სხდომაზე საბჭოს თავმჯდომარე სვერდლოვმა მოახსენა სხდომას ურალის საალქო საბჭოსგან მიღებული ცნობები ყოფილი მეფის ნიკოლოზ მეორის დახვერეტის შესახებ.

ამ ისტორიულ ცნობას დაესწრნენ პრეზიდიუმის წევრნი: ოვანესოვი, სოსნოვსკი, ტეოდოროვიჩი, ვლადიმირსკი, მაქსიმოვი, სმიდოვიჩი, როზენგოლცი, მიტროფანოვი და როზინი. დანვრისებრთი ცნობები კი ასეთია: უკანასკნელ ხანებში წითელ ურალის სატახტო ქალაქ ეკატერინბურგს დიდი საფრთხე მოელოდა ჩეხო-სლოვაკთა ბრბოების მოახლოებით. იმავე დროს აღმოაჩინეს ახალი კონტრ-რევოლუციონური შეთქმულება, რომელსაც მიზნად დაესახა, ე.წ. „მირონცხეული ჯალათის“ საბ-

ც. ა. კ-ის პრეზიდიუმმა მოისმინა რა ურალის საალქო საბჭოს საბუთები, გადაწყვიტა ნიკოლოზ რომანოვის დახვერეტა. გადაწყვეტილებას მხარი დაუჭირა რუსეთის აღმასრულებელმა კომიტეტმა, რომელმაც სრულიად კანონიერად ჩათვალა ურალის საალქო საბჭოს მოქმედება.

შემდეგ თავმჯდომარე მოახსენებს სხდომას, რომ ც. ა. კ-ს ხელშია ღირსშესანიშნავი საბუთები, ნიკოლოზ რომანოვის ხელნაწერი დღიურები უკანასკნელ ხანამდე, აგრეთვე, მისი მეუღლის და შვილების დღიურები, რომანოვის მიწერ-მოწერა, სხვათაშორის გრ. რასპუტინის წერილებიც.

უკანასკნელი წერილი ნიკოლოზ რომანოვისა

„N treie Prease“-ს სტოკჰოლმიდან აცნობებენ ნიკოლოზ რომანოვის წერილს ერთ მის ნაცნობ გენერალთან, სიკვდილის წინა დღეებში მიწერილს. „ჩვენი მდგომარეობით კმაყოფილნი ვართ, - სწერს ნ. რომანოვი - მხოლოდ რუსულ წიგნებს ვღებულობთ და ისიც მკაცრი ცენზურის შემდეგ. ეკატერინბურგიდან გამგზავრების დროს მეამბოხეთ ძალადობა უნდოდა ეხმარათ. ძლიერ ავად გახდა ალექსი შიშით. ცოცხლები მხოლოდ იმიტომ გადავრჩით, რომ გონება არ დაგვიკარგავს და იმიტომ, რომ იქვე დაგვესწრო სახალხო კომისარი იაკოვლევი, რომელიც ენერგიულად გვიცავდა. იგივე კომისარი განაგებდა ჩვენს დარაჯებს“.

ავტორი: გიგზი გივიშვილი, თსუ-ს მეოთხე კურსის სტუდენტი



✠ სულთანა ✠


ეროვნულ-განმათავისუფლებელი მოძრაობის აქტიურ წარმომადგენელს, ქალბატონ თამარ ლომთაძეს ვუსამძიმრებთ დედის, ასევე ეროვნული მოძრაობის აქტივისტი, ღვანლმოსილი ქალბატონის

ნ ე ლ ლ ო მ თ ა ძ ი ს

გარდაცვალებას. მსუბუქი იყოს ახალშესვენებული მონა-მხველისთვის საბურთალოს პანთეონის მიწა და მართალთა შორის განისვენოს ცათა მარადიულ სასუფეველში მისმა სულმა, ამინ!

ჯანმრთელობის გვერდი

თვინის სისხლძარღვების განმედიის 5 უნიკალური მეთოდი, რომელთა შესახებაც რატომღაც ეძიებთ დუმიან



თავის ტვინის სისხლძარღვების განმედი და ძალიან მნიშვნელოვანი პროცედურაა, რომელიც საგრძობლად გააუმჯობესებს უამრავი ორგანოს მუშაობას და დაგეხმარებათ, გათავისუფლდეთ დაწყებული კისრის ოსტეოქონდროზით, დამთავრებული ათეროსკლეროზისგან. სისხლძარღვების რეგულარულად განმედიის შემთხვევაში, მოგეხსნებათ სიმძიმე თავში, გაგივ-

ლით თავის ტკივილები, გაგინათდებათ გონება, გაგიუმჯობესდებათ განწყობა. გათავაზობთ 5 ეფექტურ და ნაცად რეცეპტს, რომელიც თავის ტვინის სისხლძარღვებს განმედას.

პირველი: თავლი და ნიგოზი

დააქუცმაცეთ 10 ცალი ნიგოზის ლებანი და კარგად აურიეთ ერთ სუფრის კოვზ ნატურალურ, ცაცხვის თავლში. დაუმატეთ მნიკვი დარიჩინი და ჯანჯაფილი. აურიეთ, მოათავსეთ ერთი დღე მაცივარში და შემდეგ დაიწყეთ მიღება: თითო სუფრის კოვზი დღეში სამჯერ, ჭამამდე ნახევარი საათით ადრე.

მეორე: ხახვის ნვიანი და თავლი

გამონურეთ ხახვისგან 1/3 ჭიქა ნვიანი და შეურიეთ ერთ ჭიქა ნატურალურ თავლს. მიიღეთ თითო ჩაის კოვზი ელექსირი დღეში 3-ჯერ, ჭამამდე ნახევარი საათით ადრე. ეს ნახავი არა მხოლოდ ეფექტურად განმედას სისხლძარღვებს, არამედ გაგიმყარებთ იმუნიტეტს.

მესამე: ბუნებრივი წვენები

ყოველდღიურად სადილსა და ვახშამდე სვით ნახევარი ჭიქა ბრონეულის წვენი (ანაცვლეთ ვაშლისა და სტაფილოს წვენი) – თუკი მალაზიაში შეიძინეთ წვენს, ყურადღება მიაქციეთ იმას, რომ იყოს მაქსიმალურად ნატურალური. ყველაზე უკეთესი კი საკუთარი ხელით გამოწურული იქნება.

მესამე: სასარგებლო პროდუქტები

ორგანიზმის საერთო გაკაჟებისთვის და სისხლძარღვების გასანმედად საჭიროა, ყოველდღიურად, საუზმემდე მიირთვათ თითო ცალი მანდარინი, ერთი მუჭა ქიშმიში და რამდენიმე ცალი ნიგოზი. 15-20 წუთში დალიოთ ერთი ჭიქა წყალი, რომელშიც გარეული იქნება ერთი ჩაის კოვზი თავლი და ლიმონის წვენი. ხოლო 10-15 წუთში შეგიძლიათ მიირთვათ საუზმე.

წყარო: <http://www.marao.ge/sakithkhavi/siakhle/10965-tvinis-siskhldzarghvebis-gatsmendis-5-unikal-uri-methodi-romeltha-shesakhebac-ratomghac-eqim-ebi-duman.html>

მე მრცხვენოდა ჩემი ხელების გამოჩენის, სანამ არ გავიგე ამ კრემის შესახებ

მტკივნეული მოვლენაა ხელებზე ასაკობრივი ლაქების გაჩენა, გათავაზობთ საშუალებას, რომელიც ამ პრობლემას დაგავინწყობთ.

- 1 სუფრის კოვზი თავლი
- 1 სუფრის კოვზი იოგურტი
- 1 ჩაის კოვზი ლიმონის წვენი

შეურიეთ ერთმანეთს ინგრედიენტები. მიღებული ერთგვაროვანი მასის მიქსტურა წაისვით ხელებზე, გაიჩერეთ 15 წუთი, შემდეგ კი ფრთხილად აიცილეთ შექმნილი ფენა. გირჩევთ, ეს პროცედურა ღამით ჩაიტაროთ, რადგან ნიღბის მოცილების შემდეგ კანი ოდნავ შეწითლდება. ამ საშუალების გამოყენება შეიძლება კვირაში მასქიმუმ ორჯერ. შედეგით გაოცებული დარჩებით.

წყარო: <http://fpaparazzi.com/index.php?newsid=13911>



ეს რეცეპტი გაგიხსნავს ხელის კანს

ხელის კანს განსაკუთრებული მოვლა სჭირდება, ვინაიდან ის ყოველთვის ყურადღების ცენტრშია. მართლაც ამბობენ, რომ ქალის ხელის მიხედვით შეიძლება მისი ასაკის გაგება. ხელს რომ ახალგაზრდობა დაუბრუნოთ - არც ისე რთულია. ჩვენ გასწავლით.

ხელის კანი დაფარულია თხელი, ცხიმოვანი ფენით. შესაბამისად - კოლაგენის და ელასტინის ქსოვილი იწყებს დაშლას, რაც თვალსაჩინოს ხდის დაბერების პროცესს.

ქიმიური ნივთიერების მუდმივი მოქმედებისგან ხელის კანი უხეშდება და განსაკუთრებულ მოვლას საჭიროებს.

ექსპერტები ირწმუნებიან, რომ კვერცხის ცილა აღადგენს ხელის ელასტიკურობას. ეს ძალიან მარტივია - აიღეთ კვერცხის ცილა და შეურიეთ 1 სუფრის კოვზი თავლი. მიღებული მასა დაიტანეთ ხელებზე და დაიტოვეთ, სანამ გაშრება. შემდეგ ჩამოიბანეთ ხელები თბილი წყლით და წაისვით ქოქოსის ზეთი. მაშინვე იგრძნობთ შედეგს!

კარტოფილი

კარტოფილს შეუძლია კვლავ მიანიჭოს სინაზე თქვენს ხელებს. მოხარშეთ რამდენიმე საშუალო ზომის კარტოფილი და დაამყნეთ ჩანგლის დახმარებით. დაუმატეთ 2 ს/კ ზეთი, თავლი და რძე. მოათავსეთ მაცივარში. დაიტანეთ 2-3 ჯერ კვირაში. გაიჩერეთ ხელზე 15 წუთით და ჩამოიბანეთ თბილი წყლით.

ლიმონი და შაქარი

განურეთ ლიმონი. დაამატეთ წვენს იგივე რაოდენობის შაქარი და შეიზილეთ მიღებული მასა ხელებში. ეს აუმჯობესებს მიკროცირკულირებას. ჩამოიბანეთ თბილი და შემდეგ ცივი წყლით.



ვაზელინი

დაიტანეთ მცირე ოდენობის ვაზელინი ხელებზე წრიული მოძრაობით. გაიკეთეთ ზამბა ქალაქის ხელთათმანები და დაიტოვეთ მთელი ღამით.

ნუ გამოიყენებთ ძალიან ცხელ წყალს, მის ნაცვლად უპირატესობა თბილ და ცივ წყალს მიანიჭეთ.

ნუშის ზეთი



დაიტანეთ ნუშის ზეთი ხელებზე, შემდეგ მოათავსეთ ხელები ცივ წყალში 5 წუთით. დაიტანეთ სქელი კონსისტენციის საცხი, გაიკეთეთ ზამბის ქალაქის ხელთათმანები და გაიჩერეთ მთელი ღამის განმავლობაში. დილით თქვენი ხელები სრულებით დატენიანებული იქნება.

დაიტავით ხელები სიცივისგან

ყოველთვის ატარეთ ხელთათმანები, როცა ცივა, რადგან ხელები ყველაზე მგრძობიარე სიცივეშია.

წყარო: <http://oxotv.com/index.php?newsid=2783>

რელიგია



რაცომ არის მართლმადიდებლობა ქეშმარიტი რელიგია

ალექსი ოსიპოვი

ამჟამად ყველანი ისეთ ცხოვრებისეულ ვითარებაში ვიმყოფებით, როცა უკვე არანაირი ზღუდით არ შეგვიძლია გავემიჯნოთ გარემომცველ სამყაროს, სადაც რელიგიური მრავალმხრივობა სუფევს. ირგვლივ ურიცხვი მქადაგებელი განჩნდა და ყველა მათგანი საკუთარ იდეებს, ცხოვრებისეულ ნორმებს, რელიგიურ შეხედულებებს გვთავაზობს. ამ მხრივ წინა თაობებს თანამედროვეობის შესაბამისი ნამდვილად არაფერი აქვთ. განვლილი უახლოესი ეპოქის პრობლემა რელიგიისა და ათეიზმის, ანუ მათი ურთიერთმიმართების საკითხი იყო.

დღევანდელმა ბევრად უფრო დიდი და უარესი პრობლემის წინაშე აღმოჩნდა. ღმერთის არსებობა-არარსებობის გარკვევა მხოლოდ პირველი საფეხურია. ვთქვათ, ადამიანი დარწმუნდა ღმერთის არსებობაში. რა უნდა ქნას შემდგომ? სარწმუნოება ბევრია, რომელი მათგანი აირჩიოს? ქრისტიანი გახდეს თუ მუსულმანი? იქნებ, ბუდისტია? მაშინ კრიშნაიზმმა რა დააშავა? ჩამოთვლას აღარ გავაგრძელებ. ახლა იმდენი რელიგია არსებობს... ვთქვათ, ადამიანმა გააღწია ამ მრავალრელიგიური ჯუნგლებიდან და ქრისტიანი გახდა. დარწმუნდა, რომ ქრისტიანობა - საუკეთესო და სწორი რელიგიაა. მაგრამ შემდეგ როგორ განაგრძოს? რომელი ქრისტიანობა აირჩიოს? ისიც ხომ მრავალსახოვანია. მართლმადიდებლებს შეუერთდეს, კათოლიკებს, ორმოცდაათიანებს, ლუთერანებს... (ჩამოთვლას ამჯერადაც არა აქვს აზრი). აი, რა ვითარებაში აღმოჩნდა თანამედროვე ახალგაზრდობა. ამასთან, ახალი და ძველი რელიგიების და არამართლმადიდებლური კონფესიების წარმომადგენლებს მასობრივი ინფორმაციის საშუალებებით პროპაგანდის ბევრად უფრო მეტი შესაძლებლობები გააჩნიათ, ვიდრე ჩვენ, მართლმადიდებლებს...

ამდენად, თანამედროვე ადამიანის უპირველესი პრობლემა არის სარწმუნოებათა, რელიგიათა და მსოფლმხედველობათა სიმრავლე.

მოდით, ამ სიმრავლეში გასარკვევად, ისე განვიხილოთ ზოგიერთი მათგანი, თითქოს, შევდიოდეთ იმ ოთახებში, რომლებიც თანმიმდევრობით იღება ჭეშმარიტების მაძიებელი უამრავი ჩვენი თანამედროვის წინაშე. ვეცდები, ძალიან ზოგად, მაგრამ პრინციპულ შტრიხებში დაგანახოთ, თუ რატომ არის ადამიანი ვალდებული (მას არა მარტო შეუძლია, არამედ, მართლაც, ვალდებულია) შეგნებულად გახდეს მართლმადიდებელი ქრისტიანი.

დავიწყოთ პირველი პრობლემა: „რელიგია და ათეიზმი“.

სხვადასხვა კონფერენციებზე, სადაც განათლებულ, განსწავლულ ადამიანებს ვხვდებით, ხშირად გვეკითხებიან ერთსა და იმავეს: ვინ არის ღმერთი? არსებობს თუ არა ის? ან რა საჭიროა იგი? თუ ღმერთი არსებობს, რატომ პირდაპირ არ აცხადებს საკუთარი თავის შესახებ?..

რა პასუხი გავცემთ მათ?

ეს საკითხი, ჩემის აზრით, შეიძლება გადაწყდეს თანამედროვე ფილოსოფიური აზროვნების მეშვეობით, რომელსაც ეგზისტენციალიზმი ეწოდება. რაში მდგომარეობს ადამიანური ცხოვრების საზრისი, მისი ძირითადი შინაარსი? რა თქმა უნდა, სიცოცხლეში, სხვაგვარად როგორ იქნება? რა აზრი შემიძლია განვიცადო, როცა ძიანავს? ცხოვრების აზრი, საკუთარი არსებობისა და მოღვაწეობის ნაყოფთა შეცნობა, „გემოს გავება“ შეიძლება იყოს მხოლოდ. ადამიანი არ ფიქრობს, რომ სიცოცხლის აზრი, შესაძლოა, სიკვდილი იყოს. სწორედ აქ გადის გადაუღალავი ზღვარი რელიგიასა და ათეიზმს შორის. ქრისტიანობა ამტკიცებს, რომ ამქვეყნიური ყოფა მხოლოდ საწყისი, საწინდარი საშუალებაა მარადისობაში გადასასვლელად. იგი უხსნის ადამიანს, თუ რისი გაცემა მართლაც საუკუნო ცხოვრების მოსაპოვებლად. როგორი უნდა იყოს, რომ იქ მოხვდეს. ათეიზმი ამტკიცებს, რომ არ არსებობს არც ღმერთი, არც სული, არც მარადისობა, ამიტომ, გნამდეს, ადამიანი, რომ შენ მოგეღობს საუკუნო სიკვდილი! შიშის ზარი გვეცემა, სამინელი უიმედობა და სასწრაფო კეთილგანგებობა გვიპყრობს, ტანში ყრუანტილი გვივლის ამ საზარელი სიტყვების გაგონებაზე: ადამიანი, შენ საუკუნო სიკვდილი გელის! აღარაფერს ვამბობთ, რბილად რომ ვთქვათ, უცნაური მტკიცებულებების შესახებ, რომლებიც ამ შეხედულების დასაბამებლად მოჰყავთ. იგი ისედაც აძრწუნებს ადამიანის სულს.

როცა ადამიანს ტყვეში გზა დაეხვევა, აქეთ-იქით აწყდება და შინისკენ მიმავალ ბილიკებს ეძებს, ამ დროს თუ ვინმეს გადაეყარა და ჰკითხა: „აქედან როგორ გავაღწიო?“ ეს უკანასკნელი კი პასუხობს: „აქედან ვერ გააღწევ, ამიტომ ეცადე, აქვე მოიხეო, როგორც მოახერხებო“, საეჭვოა, რომ გზააზნებულმა მას დაუჯეროს. იგი აუცილებლად განაგრძობს ძიებას. თუ ისეთი ვინმე შეხვდება, რომელიც ეტყვის: „კი, გასასვლელი არის. ახლავე გეტყვი, როგორ გაიგნო გზა“, - განა მას არ მიენდობა? იგივე ხდება მსოფლმხედველობრივი არჩევანის დროს, როცა ადამიანი რელიგიისა და ათეიზმის პირისპირ აღმოჩნდება. სანამ ადამიანს ჭეშმარიტების, ცხოვრების აზრის ძიების ნაპერწკალი მინც უღვივის, ფსიქოლოგიურად არ შეუძლია მიიღოს კონფესია, რომ ყველა ადამიანს ელის საუკუნო სიკვდილი, რომლის „მისაღწევად“ აუცილებელია ცხოვრების ეკონომიური, სოციალუ-

რი, პოლიტიკური და კულტურული პირობების გაუმჯობესება. შემდეგ კი ყველაფერი კარგად იქნება - ხვალ თქვენ მოკვდებით და სასაფლაოზე წავსვენებთ. პირდაპირ, „შესანიშნავია!..“

ზემოთქმულით მხოლოდ ერთ, ფსიქოლოგიურ ძალზე არსებით მხარეზე მიგანიშნეთ, რომელიც, ჩემის აზრით, სულით ცოცხალი ყოფილი ადამიანისათვის სრულიად საკმარისია იმაში დასარწმუნებლად, რომ ცხოვრების საზრისზე საუბარი იწყება მხოლოდ იმის აღიარებით, ვისაც ჩვენ ღმერთს ვუწოდებთ.

ასე რომ, მე ღმერთი მნამს! ჩავთვალთ, რომ პირველი ოთახი გავიარეთ. რაკი ვინმეზე ღმერთი, მეორე ოთახში შევედი... აქაც დიდი სიტყვლევა, ყველა გაიძახის: „ჭეშმარიტება მხოლოდ ჩემთანაა“. მუსულმანები, კონფუციელები, ბუდისტები, იუდეველები - ვინ გინდა, რომ აქ არ იყოს. ქრისტიანი მქადაგებელიც აქვეა, სხვების გარემოცვაში, და მე ვეძებ, რომელია მათ შორის მართალი, რომელს ვერწმუნო?

აქ ორი მიდგომა არსებობს (იქნებ მეტიც, მაგრამ მე ორს დავასახელებ). პირველი - შედარებითი საღვთისმეტყველო ანალიზის გზაა, რომელიც რელიგიის კარგად შესწავლას ითვალისწინებს. ამ გზას ყველა ვერ გაჰყვება. იგი დიდ დროს, ძალისხმევას და, თუ გნებავთ, შესაბამის უნარსაც მოითხოვს.

არის მეორე მეთოდიც. ბოლოს და ბოლოს, ყველა რელიგია ადამიანისკენაა მიმართული და უხსნის, თუ რა არის ჭეშმარიტება. ამასთან, ყველა მსოფლმხედველობა და რელიგია ერთსულოვანია იმაში, რომ თანამედროვე ადამიანის პოლიტიკური, სულიერ-ეკონომიკური, სულიერი, მორალური და კულტურული პირობები არანორმალურია. იქნებ, ზოგიერთები სწავნიან იმას, რაც არის, მაგრამ ადამიანთა დიდი უმრავლესობა, მეტნაკლებად, სწორედ ამის გამო იტანჯება. მთლიანად კაცობრიობას ეს ყველაფერი ვერ აკმაყოფილებს. იგი ეძებს რაღაც სხვას, უმჯობესს, ისწრაფვის საღვთო, შეუცნობელი მომავლისკენ, ელის „ოქროს საუკუნეს“...

ნათქვამიდან ცხადი ხდება, თუ რატომ დადის ყველა რელიგიის, ყველა მსოფლმხედველობის არსი ცხოვნების შესახებ სწავლებაზე. აი, სწორედ აქ ვხვდებით იმას, რაც, ჩემის აზრით, უკვე გვაძლევს საშუალებას, გავაკეთოთ დასაბუთებული არჩევანი, როცა რელიგიური მრავალფეროვნების წინაშე აღმოვჩნდებით. ყველა სხვა რელიგიისაგან განსხვავებით, ქრისტიანობა ამტკიცებს, რაღაც ისეთს, რაც სხვა რელიგიებმა (და მითუმეტეს, არარელიგიურმა მსოფლმხედველობამ) უბრალოდ, არ იციან. და არა მარტო არ იციან, არამედ, როცა გადაეყრებიან ხოლმე ასეთ რამეს, გაცხარებით უკუაგდება. ეს მტკიცება მოიცავს ე.წ. პირველქმნილი ცოდვის ცნებას. ცოდაზე ლაპარაკობს ყველა რელიგია, მსოფლმხედველობა და იდეოლოგია (მართალია, მას სხვადასხვაგვარ სახელს არქმევენ, მაგრამ ამას დიდი მნიშვნელობა არა აქვს), მაგრამ არც ერთი მათგანი ადამიანის ბუნებას მის ახლანდელ მდგომარეობაში დასწავლულად (დახანებულად) არ მიიჩნევს. ქრისტიანობა კი ამტკიცებს, რომ ის მდგომარეობა, რომელშიც ჩვენ ყველანი, ადამიანები, დავიბადეთ, ვიმყოფებით, ვიზრდებით და ვყალიბდებით, განვიცდით ტკობას, ვერთობით, ვსწავლობთ, აღმოჩნდება ვაკეთებთ და ასე შემდეგ - ეს არის საშინელი სწულეობის, საშინელი დაზიანების მდგომარეობა. ჩვენ ავადა ვართ. საუბარი არაა გრიბზე, ბრონიტზე, ან ფსიქიკურ დაავადებაზე. არა და არა, ფსიქიკურად ჩვენ ჯანმრთელნი ვართ - ურთულესი ამოცანების გადაჭრა და კოსმოსში გაფრენაც კი შეგვიძლია - ჩვენ სხვა მხრივ ვართ მწარედ დაავადებულნი. ადამიანური ყოფიერების დასაწყისში მოხდა ერთიანი ადამიანური არსების რაღაც ტრაგიკული გახლეჩა თითქოსდა დამოუკიდებლად არსებულ ურთიერთმოქმეპე ნაწილებად - გონებად, გულად და ფიზიკურ სხეულად, (მსგავსი კრილოვის იგავისა - „გედი, კობორჩხალა და ქარიყლაპია“). ის, რასაც ქრისტიანობა ამტკიცებს, ბევრისთვის აბსურდია და აღშფოთებას იწვევს: „მე არანორმალური ვარ? დიდი ბოდიში, იქნებ სხვები არიან ასეთები, მაგრამ მე - ნამდვილად არა“. და თუ ქრისტიანობას ვერწმუნებთ, სწორედ აქ არის ძირი და სათავე იმისა, რომ ადამიანის ცხოვრებაში, როგორც ინდივიდუალური, ისე ზოგადსაკაცობრიო მასშტაბით, ერთი ტრაგედია მეორეს მოსდევს. რადგან, თუ ადამიანი სერიოზულადაა ავადა, ის კი ამას ვერ ამჩნევს და არ მკურნალობს, რა თქმა უნდა, ილუპება.

სხვა რელიგიები არ აღიარებენ ადამიანში ამ სწულეებას, მხოლოდ უარყოფენ მას. ისინი თვლიან, რომ ადამიანი - ეს არის ჯანსაღი მარცვალი, რომელიც შეიძლება განვითარდეს როგორც ნორმალურად, ასევე არანორმალურად. მისი განვითარება დამოკიდებულია სოციალურ გარემოზე, ეკონომიკურ პირობებზე, ფსიქოლოგიურ ფაქტორებზე და ბევრ სხვა რამეზე. ამიტომ, ადამიანი კარგიც შეიძლება იყოს და ცუდიც, მაგრამ თავისი ბუნებით ის კარგია. აი, არაქრისტიანული ცნობიერების მთავარი ნატივთხისი. არაფერს ვამბობთ არარელიგიურ ცნობიერებაზე. მასზე სათქმელი არაფერია - ის საერთოდ: „ადამიანი - ეს ამაყად ფლერს“. მხოლოდ ქრისტიანობა ამტკიცებს, რომ ჩვენი ახლანდელი მდგომარეობა - ესაა საშინელი გარყენის, დაცემის მდგომარეობა, ამასთან, ისეთი გარყენის, რომ თვით

ადამიანს საკუთარი ძალებით მისი განდევნება არ შეუძლია. ამ მტკიცებაზე აგებული უდიდესი ქრისტიანული დოგმატი ქრისტეზე, როგორც მხსნელზე.

სწორედ ეს იდეა არის პრინციპული ზღვარი ქრისტიანობასა და ყველა სხვა რელიგიას შორის.

ახლა კი შევეცდები გაჩვენოთ, რომ ქრისტიანობას, სხვა რელიგიებისგან განსხვავებით, შეუძლია, ობიექტურად და-ასაბუთოს მის მიერვე მოცემული მტკიცება. მოდით, მივმართოთ კაცობრიობის ისტორიას, ვნახოთ, რითი ცხოვრობს და რა მიზნები გააჩნია მას ჩვენი, ადამიანური მზერისთვის მისანვლოში დროის მანძილზე. თქმაც არ უნდა - მას სურს, ღვთის სასუფეველი დაამყაროს დედამიწაზე, ე.ი. სამოთხე მოახყოს. ზოგიერთებს ამ მიზნის განხორციელება ღვთის შენეებით სურთ. თუმცა, ამ შემთხვევაშიც უფალი განიხილებს არა როგორც სიცოცხლის უშაღლესი მიზანი, არამედ როგორც საშუალება ამქვეყნიურ სიკეთეთა მისაღწევად. სხვებს ღმერთი საერთოდ არ სჭირდებათ. მაგრამ მთავარი სხვა რამეა. ყველას ესმის, რომ შეუძლებელია დედამიწაზე სასუფეველის მოწყობა ისეთი ელემენტალური რამეების გარეშე, როგორცაა: მშვიდობა, სამართლიანობა, სიყვარული (თავისთავად ცხადია, არ სამოთხე შეიძლება იყოს იქ, სადაც ომი, უსამართლობა და ბოროტება სუფევს!), თუ გნებავთ, ურთიერთპატივისცემა - აქამდეც დავვდით. ესე იგი, ყველას მშვენივრად ესმის, რომ ამ ძირითადი ზნეობრივი ფასულოების განხორციელების გარეშე შეუძლებელია რამენაირი კეთილდღეობის მიღწევა დედამიწაზე. კაცობრიობა კი რას აკეთებს მთელი ისტორიის მანძილზე? ერთი ფრომს კარგად აქვს ნათქვამი: „კაცობრიობის ისტორია სისხლითაა დაწერილი. ეს - მუდმივი ძალადობის ისტორიაა“. ზუსტია!

ისტორიკოსებს, განსაკუთრებით კი სამხედრო ისტორიკოსებს, შესაბამისი მაგალითების მოძიებით თვალნათლივ შეუძლიათ გვაჩვენონ, თუ რითია აღსაყვ კაცობრიობის მთელი ისტორია: ომები, სისხლისღვრები, ძალადობა და სისასტიკე. იდეურად მეოცე საუკუნე „უმალესი ჰუმანიზმი“ საუკუნეა. სინამდვილეში კი, „სრულყოფილების“ ეს მწვერვალი დაღვრილი სისხლით აღემატა კაცობრიობის ყველა წინა საუკუნეს, ერთად აღებულს. ჩვენს წინაპრებს რომ დაანახათ ის, რაც XX საუკუნეში მოხდა, სისასტიკის, უსამართლობისა და სიცრუის მასშტაბები შეაძრწუნებდათ. რაღაც მიუწვდომელი პარადოქსია იმაში, რომ თავისი ისტორიის განვითარებასთან ერთად კაცობრიობა სულ უფრო და უფრო შორდება იმ ძირითად იდეას, მიზნებსა და ზრახვებს, რომლისკენაც თავდაპირველად იყო მიმართული მთელი მისი ძალისხმევა.

მინდა დავსვა ასეთი რიტორიკული შეკითხვა: „შეიძლება გონიერი არსება ასე იქცეოდეს?“ ისტორია პირდაპირ დაგვიჩვენებს, ირონიულად მოგვიგებს: „კაცობრიობა ჭეშმარიტად გონიერი და ჯანსაღია. იგი სულით ავაღმყოფი არ არის, არა და არა. ის, უბრალოდ, იმაზე ცოტა მეტს და ოდნავ უარესს აკეთებს, რასაც გიჟები საგიჟეებში სჩადიან“.

ვაი, რომ ეს ფაქტია და მას ვერსად გავეცქევით. სინამდვილე გვიჩვენებს, რომ მხოლოდ ცალკეული ადამიანები კი არ ცდებიან - არამედ ეს არის რაღაც ისეთი თვისება, რომელიც პარადოქსულად მოიცავს მთელ კაცობრიობას.

თუ ადამიანს ეყოფა ზნეობრივი ძალა, „შემობრუნდეს საკუთარი თავისკენ“, შეხედოს საკუთარ თავს, არანაკლებ მთავრად დაახასიათა: „უბადრუკი მე ვეც კაცი“ (რომ. 7, 24), „რამეთუ არა რომელი-იგი მნებავს კეთილი მას ვჰყოფ, არამედ რომელი-იგი არა მნებავს ბოროტი, მას ვიქმ“ (რომ. 7, 19). და მართლაც, ვინც ოდნავ მაინც მიაქცევს ყურადღებას იმას, რაც მის სულში ხდება, ზერელედ მაინც მოსინჯავს საკუთარ თავს, შეუძლებელია, ვერ შენიშნოს, თუ როგორაა სულიერად დასწულელებული, რამდენადაა დამორჩილებული და დამონებული სხვადასხვა გნებების ზემოქმედებას. უამრობაა, ვიკითხოთ: „უბედურო ადამიანო, რას ნთქავ ამ ხორავს, რას ეძალები სასმელს, რატომ ცრუობ, რატომ გშურს, რას მეძაობ და ა.შ.? შენ ხომ ამით თავს ილუპავ, ოჯახს ანგრევ, საკუთარ შეილებს ამახინჯებ, წამლავ ატმოსფეროს შენს ირგვლივ. რატომ იკლავ თავს, რას ისერავ და იჩხვებ სხეულს, რატომ იფუჭებ ნერვებს, ფსიქიკას, ხორცსაც იუძღურებ? ხომ გესმის, რომ ეს ყველაფერი დამლუპველია?“ - „კი, მესმის, მაგრამ არ შემიძლია, ეს არ ვაკეთო“. ბასილი დიდს ერთხელ უთქვამს: „ადამიანთა სულელებში არ ჩასახულა იმაზე დამლუპველი ვნება, ვიდრე შურია“. ასე რომ, ადამიანი, იტანჯება რა, როგორც წესი, ვერ ახერხებს გაუმკლავდეს საკუთარ თავს და სწორედ მაშინ, სულის სიღრმეში ყოველი გონიერი ადამიანი შეიცნობს იმას, რაზეც ქრისტიანობა ამბობს: „არა რომელი-იგი მნებავს კეთილი, მას ვჰყოფ, არამედ რომელი-იგი არა მნებავს ბოროტი, მას ვიქმ“ (რომ. 7, 19). რა არის ეს - ჯანმრთელობა თუ ავადმყოფობა?

როგორ შეიძლება შეიცვალოს ადამიანი სწორი ქრისტიანული ცხოვრებით? ისინი, ვინც განიხილდნენ ვნებათაგან და თავმდაბლობა მოიპოვეს, ღირსი სერაფიმ საროველის სიტყვებით რომ ვთქვათ, „სული წმიდა მოიღეს“, ფსიქოლოგიური თვალსაზრისით, ძალიან საინტერესო სულიერ მდგომარეობას აღწევდნენ: თავი ყველაზე უარესად მიაჩნდათ... <http://www.orthodoxy.ge>

რელიგია

კათოლიკოს-პატრიარქმა ილია II მემკვიდრე დაასახელა?...

23 ნოემბერს, გიორგობის წირვაზე, ქვაშვეთის წმ. გიორგის ეკლესიაში, სრულად საქართველოს კათოლიკოს-პატრიარქმა, ყველასათვის მოულოდნელად (თვით მეუფეებისთვისაც კი), თავის მოსაყდრედ მიტროპოლიტი მეუფე შიო (ერისკაცობაში ელიზბარ მუჯირი) დაასახელა. მისმა ხმოვანმა უწყებამ დიდი გაკვირვება, დაბნეულობა და მითქმა-მოთქმაც კი გამოიწვია თვით სინოდის წევრ მეუფეებში, სამღვდლო დასსა და საზოგადოებაშიც. თუმცა, საზოგადოების მაღალ ფენებში, პატრიარქ ილია II-ის ასაკისა და ჯანმრთელობის მდგომარეობის გათვალისწინებით, მომნიშვნელო იყო აზრი მისი გადადგომისა და მემკვიდრის დასახელების აუცილებლობაზე. მიუხედავად იმისა, რომ მოქმედი პატრიარქის ასაკი - 84 წელი, ზოგადად, არცთუ ისე კრიტიკული გახლავთ, მაგრამ მისი დაუძღვრებელი ჯანმრთელობა მძიმე შთაბეჭდილების მომგვრელი იყო და უკანასკნელი წლების განმავლობაში აქტიურად აჩენდა მისგან მემკვიდრის დასახელების ფიქრსა და მოლოდინს. სიცოცხლეში მოსაყდრის დანიშვნა საქართველოს პატრიარქების ისტორიაში პირველია.

იმ დოგმატურული, კანონიკური ჭეშმარიტებიდან გამომდინარე, რომ ყველა პატრიარქი, ზენაარსის, უფლის ნებით ხელდასმულია, ექვგარეშეა, რომ ილია II-მ უფლის გამოცხადებითა და კარნახით მიიღო მის მიერ გაცხადებული გადაწყვეტილება. თუმცა, ამგვარი შეუვალი ნებელობის მიუხედავად, სინოდის წევრ მეუფეების, სამღვდლო დასისა და საერო მოღვაწეთა მხრიდან, მოსაყდრედ დასახელებულ მეუფე შიოს პატრიარქად აღსაყდრება დიდი წინააღმდეგობისა და ხმაურიანი დაპირისპირების გარეშე არ ჩაივლის. არის მოლოდინი, რომ პატრიარქი ილია II, 25 დეკემბერს - თავისი



თა სათვისტომოს ხელმძღვანელი, სენაკისა და ჩხორონწყუს, ავსტრალიისა და ახალი ზელანდიის მიტროპოლიტი ... იგი 1969 წელსაა დაბადებული და სინოდის წევრ 47(+პატრიარქით) მეუფედან, 12 ახალგაზრდა მეუფეთა შორის, ერთ-ერთია (ცნობისათვის: ყველაზე ახალგაზრდა მეუფე 1982 წელს დაბადებული სვიმეონია - ერისკაცობაში თეიმურაზ ცაკაშვილი - სურამის და ხაშურის ეპისკოპოსი).

მეუფე შიო, ისევე როგორც მღვდელმთავრების აბსოლუტური უმრავლესობა, მოსკოვის კგბ-სთან და რუსეთის პატრიარქ კირილთან ასოცირებული პირია. იგი, აგრეთვე რუსული პოლიტიკური ორიენტაციის ქადაგ-მორალისტის, ლევან ვასაძის ბიზნეს-მეწილეა (გავრცელებული ინფორმაციით ისინი თანაკლასელები არიან). პატრიარქ ილია II-სთან ლევან ვასაძეს, საპატრიარქოში, პერსონალური კაბინეტიც კი გააჩნია.

საქართველოს საპატრიარქოში არსებული ამგვარი რეალვითარების გამო, ხალხს არ გააჩნია ერთსულოვანი ნდობა და პატივი სინოდის წევრ მღვდელმთავრების მიმართ, რაც ქმნის ხიდრატეხილობის სინდრომს ერსა და ეკლესიას შორის. თუ პატრიარქ ილია II-ის უკანასკნელი 10-წლიანი მოღვაწეობის მანძილზე მიღწეულ იქნა ნდობის გაზრდა ეკლესიის მიმართ, ახალი პატრიარქის და სინოდის წევრთა შორის განხეთქილების შემთხვევაში, ვერ შენარჩუნდება იგი, რაც საფრთხეს შეუქმნის თვით ქართულ სახელმწიფოებრიობასაც, რასაც სასიკეთოდ გამოიყენებს გარეშე მტერი.

თუ დადასტურდა გავრცელებული ხმები იმის შესახებ, რომ მეუფე შიოს კანდიდატურა პატრიარქ ილია II-ესთვის გარედან, კერძოდ, რუსეთის ეკლესიის საგარეო საქმეთა უფროსის ილარიონ ალფეევის მიერ იყო თავსმოსხვეული, აფხაზეთის ეკლესიის არალიარების სანაცვლოდ, მაშინ ამ მყიფე დაპირების საპირწონე გარანტიად, ნამდვილად ვერ იქცევა პატრიარქის გადაწყვეტილება, თუმცა არც უკეთესი ალტერნატივა გააჩნდა მას კანდიდატურებისა, თუნდაც ყველაზე ხმაურიანი ოპოზიციონერი მეუფე, ჭყონდიდის მიტროპოლიტი პეტრეს (ცაავა, დაბ. 1970 წ.) სახით...

პატრიარქის გადადგომის და მოსაყდრისათვის უფლებამოსილების გადაცემის შემთხვევაში, მეუფე შიომ უნდა მოიწვიოს გაფართოებული კრება, რომელზედაც უნდა მოხდეს მისი არჩევა; პატრიარქად არჩევას კი სინოდის წევრთა უმრავლესობის თანხმობა, ანუ 24 ხმა სჭირდება (ლ.ც.)



აღსაყდრების 40 წლისთავზე აკურთხებს მეუფე შიოს თავის შემცვლელ ახალ პატრიარქად, რასაც სინოდის წევრთა უმრავლესობის თანხმობაც სჭირდება. სინოდის წევრთა აბსოლუტური უმრავლესობა კი კომუნისტური რეჟიმისეული „ნითელი სამღვდლოების“ წარმომადგენლები ან მათი მემკვიდრეები არიან (იგივე ითქმის მეუფე შიოზეც), რომლებსაც თავად გააჩნიათ დაუოკებელი სურვილი პატრიარქად გახდომისა. უკანასკნელი ხუთი წლის განმავლობაში, ამგვარი ფარული ზრახვები განსაკუთრებით ძაბავდა ვითარებას პატრიარქ ილია II-ის ტახტის გარშემო მისი სიცოცხლის ხელყოფის საიდუმლო მცდელობებითაც კი, რაც დაიწყო, მოშურნე მღვდელმთავრების მხრიდან 70-იან ი წლების ბოლოდან დღემდე მოყოლებული...

1992 წლამდე კონსერვატორიის ჩელისტი, მეუფე შიო 1993 წელს აღიკვეცა ბერად, რის შემდეგაც ფორსირებულად გავრძელდა მისი საეკლესიო კარიერა; იყო მოსკოვის ქართული ეკლესიის წინამძღვარი და ქართველ-

დაბეჭდილ წერილებში მოყვანილ ფაქტების სიზუსტეზე პასუხისმგებლები არიან ავტორები.

გაზეთი რეგისტრირებულია საჯარო რეესტრში
საიდენტიფიკაციო ნომერი: 404511658
რედაქტორი ლეილა ცომაია
საკონტაქტო ტელეფონი: 92 36 55

გაზეთი გამოდის შემოწირულობებით
ვებგვერდი: <http://ganmatavisuflebeli.webs.com>
ელ. ფოსტა: ganmatavisuflebeli@yahoo.com